

আট-আনা-সংস্করণ প্রথমবার অষ্টম বর্ষিতম প্রচ্ছদ

মাতহীন

শ্রীমতী ইন্দ্রা দেবী

আখির—১৩৩৩

প্রকাশক—

শ্রী হরিশ্চন্দ্র-চট্টোপাধ্যায়

গুরুদাস-চট্টোপাধ্যায় এণ্ড সন্স্

২০৩।১।১, "কর্ণওয়ালিস্" স্ট্রীট, কলিকাতা

শ্রী কুমারদেব মুখোপাধ্যায় ।

বুধোদয় প্রেস্

৪৪, মণিকতলা স্ট্রীট, কলিকাতা ।

বাহুহীন

১

এটনি হেমেন্সনাপের প্রাসাদতুল্য অট্টালিকা। বাড়ীর চারিদিকে খোলা জমি—সন্মুখে ও পশ্চাতে সুদৃশ্য উদ্যান। গেট পর্যন্ত কাঁকরফেলা প্রশস্ত রাস্তা—রাস্তার দুইধারে পত্রশোভা অনতি-উচ্চ ক্রোটনের সারি। দক্ষিণ দিকে, কিছু দূবে, বাগানের ভিতরেই ছোটখাট একতল দ্বিতল কয়েকখানি ঘর; এইগুলি বাগানের মালী, দারবান্ এবং চাকরবাকরদের থাকিবার গৃহ। বাড়ীখানির ভিতরের যেটুকু অংশ দেখা বাইত, তাহার মূলাবান্ সজ্জাদি দর্শনে পথিকের মনে গৃহস্থায়ীর বনশালীতার সম্বন্ধে সংশয় থাকিত না।

বেলা প্রায় পাঁচটা। মাথার উপর আকাশ কোথা ও পরিষ্কার নীল—কোথাও লব্ধ মেঘখণ্ড রৌদ্ররঞ্জিত; আকাশের গায়ে পাখীর দল সার বাধিয়া উড়িয়া চলিয়াছে। বাগানের উড়িয়া মালী দুইজন গাছে জল দেওয়া, গোলাপ-গাছের শুষ্ক পাতা বাছিয়া ফেলা, এবং সিঁড়ির ধারের টবের গাছগুলার মাটি উস্কাইয়া দেওয়া প্রভৃতি কার্যে ক্ষিপ্ৰহস্ততা দেখাইতেছিল। বাড়ীখানি একবারেই

নীরব । গেটের ধারে যে দ্বারবান্ বসিয়াছিল, গেট খুলিয়া দেওয়া ও বন্ধ করাই যেন তাহার জীবনের একমাত্র কাজ ; কলের মতই সে ঐ কাজটি করিয়া যাইত ! বাড়ীর চাকরবাকরেরা কাজ করিত, চলাফেরা করিত, কিন্তু সবই যেন সংযতভাবে ;—পাছে গৃহস্বামীর শাস্তি ভঙ্গ হয়, এমনই একটা সতকতা যেন সকলের মনেই জাগ্রত ছিল ।

বাগানের ভিতর, চাকরদের ঘরের অদূরে, রাধানাথ দ্বারবানের ঘর । রাধানাথ ভদ্রঘরের ছেলে, বাঙ্গালী, শৈশবে লেখাপড়াও কিছু শিখিয়াছিল ; কিন্তু অল্পবয়সে সিদ্ধি ও গঞ্জিকা সেবায় অভ্যস্ত হওয়ার মা সর্বস্বত্ব নিকট বিদায় গ্রহণ করিতে বাধ্য হয় । লক্ষ্মীর উপাসনায় রাধানাথের আপত্তি ছিল না, বরং প্রয়োজনই ছিল ; কিন্তু ব্যয়ামপুষ্ট সৰল দেহ ছাড়া তাহার এমন কোন গুণ ছিল না যাহাতে পেচকবাহিনী চঞ্চলা দেবীটির প্রসন্নতা সে আকর্ষণ করিতে পারে । বাটতে রাধানাথের বৃদ্ধা মাতা এবং ভগিনী মঞ্জরী ছাড়া তৃতীয় ব্যক্তি কেহ ছিল না । মা বৃদ্ধা, তাহার উপর বারমাসই রুগ্না ; ভগিনীরও বিবাহের বয়স হইয়াছে, রাধানাথ অত্র উপায় না দেখিয়া গঞ্জিকা ও সিদ্ধির মাত্রা বাড়াইয়া দিল । জন্ম, মৃত্যু এবং বিবাহ এই তিন কার্যেই বিধাতার হস্ত—এই চিরপ্রচলিত বাক্যের সম্মান দেখাইতেই যেন রাধানাথের সম্পূর্ণ নিলিপ্ত গুদাসীত্ত্বের মধোও মঞ্জরীর বিবাহ হইয়া গেল ! বর পশ্চিমে রাণীগঞ্জ কয়লার খনিতে সামান্য সরকারের কাজ করিত ; তাহার তিন কুলে কেহ

ছিল না। ষাদশবর্ষীয়া মঞ্জরী বিবাহের পর একেবারে গৃহীণীর পদগ্রহণ করিয়া পশ্চিমে চলিয়া গেল। রাধানাথের শূণ্ণগৃহ একে-বারেই শূণ্ণ হইয়া গেল। ক্রমা মাতার সেবা হয় না—নিজেও ক্ষুধায় অন্ন পায় না। শেষে মায়ের সহিত পরামর্শ করিয়া বাড়ী বাধা রাখিয়া, গৃহহীন রাধানাথ শূণ্ণ-ভাণ্ডারে গৃহলক্ষ্মীর প্রতিষ্ঠা করিল। রাধানাথের জননী অনেকদিন হইতেই রোগে ভুগিতে ছিলেন—সেবারকার শীত তাঁহার সহিল না। সংসারের অভাব ও পুত্রের হাত হইতে বৃদ্ধা মুক্তিলাভ করিলে রাধানাথ অকূলে ভাসিল। পাঁচশ বৎসর বয়সেও সে মায়ের অন্ধের নড়ি—শিবরাত্রের সন্নিহিত হইয়া, আপনার আহার নিদ্রা এবং নেশা ছাড়া সংসারের অপর কোন ভাবনা ভাবিবার অবকাশ পায় নাই। ছিপ-হাতে, গম্ভীর-মুখে রাধানাথ সারাদিন পুকুরপাড়ে বসিয়া বসিয়া আপনার ভবিষ্যৎ ভাবনা ভাবিল—ভাবিয়া সে একটা উপায়ও স্থির করিল। ভাবিল, কলিকাতায় গিয়া চাকুরী করিয়া অর্থোপার্জন করিবে। রাধানাথ শুনিয়াছিল, কলিকাতার পথে টাকা ছড়ান আছে, কুড়াইয়া লইতে পারিলেই হয়। রাধানাথ বাড়ী বিক্রী করিয়া দেনা শোধ করিল। তারপর অর্থোপার্জনের আশায় কলিকাতায় গেল। মহানগরী কলিকাতার পথে যে অর্থ ছড়ান আছে, তাহা রাধানাথ অল্প দিনেই বুঝিয়া লইল, কিন্তু কুড়াইবার উপায় বা সন্ধান জ্ঞাত না থাকায়, তাহার আর কুড়াইয়া লওয়া সহজ বোধ হইল না।

এই ঘটনার পর অসংখ্য সুখতুংখেব কাঠিনী বক্ষে ধরিয়া দশ বৎসর কাটিয়া গিয়াছে। মঞ্জরী ভায়ের কোন সংবাদই পায় নাই, ভাইও ভাহার কোন সংবাদ লয় নাই। মঞ্জরী চিঠি লিখিয়া চিঠি ফেরৎ পাঠিয়াছে : শেষে দেশের লোকের মূখে শুনিল, ভাই বাটা বিক্রয় করিয়া কলিকাতায় চাকরী করিতে গিয়াছে। ঠিকানা না জানায় সে চিঠি লিখিতে পারিল না। মা নাই—ভাই কোথায়, সন্ধান নাই। দরিদ্র স্বামীর স্নেহ-ভালবাসাই ভাহার জীবনের একমাত্র সাহায্য : মঞ্জরী ভাবিল, ভাই একটু 'খতবিত্ত' হইলেই ভাহার সংবাদ লইবে। দিন গণিয়া গণিয়া মঞ্জরীর দিন ফুরাইয়া গেল—স্বামীর কোলে শীরক-কণার মত চারি বৎসরের ছেলেটিকে দিয়া সে সংসারের কাছে বিদায় লইল। মাতৃ-পরিভ্রাক্ত ছেলেটিকে প্রবোধ দ্বিগুণ স্নেহে বুকে চাপিয়া ধরিল। ছেলেটিও যেমন শান্ত—তেমন সুন্দর ! মঞ্জরী সুন্দরী ছিল—ছেলেটি মঞ্জরীর চেয়েও সুন্দর, বড় ঘরেও তেমন ছেলে কদাচিৎ চোখে পড়ে। মাতৃহীন বালক পিতার গলা জড়াইয়া ফুঁপাইয়া কাঁদিয়া জিজ্ঞাসা করিল, “বাবা, মা কোথা গেল ? আমার মা ?” পিতা উর্দ্ধে অঙ্গুলি-নির্দেশ করিয়া বলিল, “তোমার মা স্বর্গে গ্যাছে রবি।” বালক রুদ্ধকণ্ঠে বলিল, “আমি তবে কার কাছে শোব ? কার কাছে থাকব ? বাবা—আমার মা ?” বালক ফুঁপাইয়া কাঁদিতে

লাগিল। পত্নী-হীন পিতা ছেলেটিকে বুকের আরও কাছে টানিয়া লইয়া বলিল, “কেন্দো না—বাবা আমার—আমার কাছে তুমি থাকবে। আমার কাছে শোবে মাণিক!” কিন্তু এ প্রবোধ-বাক্য যে মিথ্যা, তাহা শীঘ্রই প্রমাণ হইয়া গেল। ঠিক এক মাস পরে কাল কলেরায় প্রবোধও পত্নীর অনুগমন করিল। চারি বৎসরের শিশু রবি পিতামাতা হারাইয়া বৃষ্টিতে ঘুঁই-ফুলটির মত মৃতিকায় লুগাইতে লাগিল। পাড়াপ্রতিবেশীরা দয়া করিয়া ছেলেটিকে নিজদের ঘরে লইয়া গেল। তাবপর অনেক চেষ্টায় প্রায় ছয় মাস পরে হঠাৎ তাহার একদিন রাধানাথের সন্ধান পাইল। রাধানাথ কলিকাতায় সস্ত্রীক আছে। সে চাকরী করে।

সব শুনিয়া রাধানাথ ছেলেটিকে নিজের কাছে লইয়া গেল। তাহাদেরও ছেলেপিলে নাই। সন্তানসুখ-বঞ্চিতা বন্ধ্যা মগ্নময়ী প্রথম এই আগন্ধকের আবির্ভাবে আশঙ্কান্বিত হইয়া উঠিয়াছিল; তাহার দেবতা ও শুচিতাসম্পন্ন গৃহে এ আবার ভগবান কি নূতন উপগ্রহ জুটাইলেন? কিন্তু ছেলেটির মুখ দেখিয়া সে কথা আর তাহার মনে হইল না। “এস বাপ আমার—এই যে তোমার ঘর” বলিয়া মগ্ন ছেলেটিকে কোলে তুলিয়া লইল।

এই তাহার ঘর। অনেক দিনের পর রবি শুনিল, ইহাই তাহার ঘর। আশান্বিত চোখ তুলিয়া তাই সে ঘর ও ঘরের মানুষদের পানে চাহিয়া দেখিল। আগ্রহ অবসাদে পরিণত হইয়া গেল। কোথায় ঘর! এ যে সম্পূর্ণ অপরিচিত, অজ্ঞাত গৃহ, আর

ততোধিক অজ্ঞাত এই গৃহের মানবেরা। বালক ইহাদের কিছুই জানে না—কে জানে, এখানে তাহার আবদার কেত সহ্য করিবে কি না। কে জানে, এখানে তাহার দুঃখ কেত বুঝিবে কি না। সে লুকাইয়া লুকাইয়া কাঁদে—আর চুপ করিয়া মামা মামীর আদেশ পালন করে।

রাধানাথের প্রকৃতিটা কিছু গম্ভীর। তবু সে ভাগিনেয়কে ভালই বাসিত। দিনের মধ্যে বিশ বার সম্ভ্রম নেত্রে সে রবির দিকে চাহিয়া বলিত, “চুপ করে বসে থাক খোকা, ছুট্টি মি করো না—লক্ষী ছেলে!”

রাধানাথ একটিলে দুই পাখী মারিত চাহিত; সে মনে করিত, চুপ করিয়া বসিয়া থাকিলেই গোকার শিষ্টতা শিক্ষা এবং তাহাবও নিরুপদ্রব অভিব্যক্ত—ছুট্টি চলিয়া যাইবে। গোকার প্রতি তাহার যত্নেরও ক্রটি ছিল না; আঘাট—লিচুটি—বাতাসাথানি কিছু না কিছু নিত্য বাজারের সঙ্গে গোকার স্ত্রী আনানী হইত। যত্নেরও যত্নের অভাব দেখা যাইত না; সকাল সকাল দুইটি ঝোল-ভাত বা একটু আমসক্ক দিয়া দুইটি ছধভাত সহস্তু খাওয়াইয়া দিয়া ধুয়াইয়া মুছাইয়া একখানি করমা কাপড় এ সেলাই-করা ছিটের কোটটি পরাইয়া, সে তাহাকে বাহিরের রোয়াকে বসিয়া পড়া মুখস্থ করিতে পাঠাইয়া দিত। আবার ঠিক তিনটা বাজিলে সে রবিকে ডাকিয়া কিছু জলখাবার খাওয়াইত; সন্ধ্যায় ভাত খাওয়াইয়া নিজের বিছানায় লইয়া শয়ন করিত। ছেলেটির খাওয়া পরার

এতটুকু এদিক ওদিক হইত না—ঠিক যেন কলের মতই তাহার শরীরধারণোপযোগী কার্যগুলি চলিয়া যাচ্ছিল।

রাধানুথের স্ত্রী কাজের লোক, বসিয়া থাকা তাহার একেবারে অনভাস। সারাদিন কাজ লইয়াই তাহার দিন কাটিয়া যায়। বাঁধাবাড়া ঘরকন্নার কাজ সারিয়া সে কাপড় “খার” কাচে, ছেঁড়া সেলাই করে এবং কার্যভাবে বাবুদের শাড়ীর সুপারি কাটিয়া ও বড়ি দিয়া দেয়। এই কার্যদক্ষতার সুখ্যাতি বি. মহলেও তাহাকে খুব উচ্চাঙ্গন নিয়াছিল। বাজে গল্প না করায় অনেকে তাহাকে “অভাঙ্করে” বলিত; কিন্তু নিজেদের কাজ করাইয়া লইবার এমন সুদক্ষ বস্তুটিকে বিগড়াইয়া দিবার সাহস না থাকায় তাহা বা প্রকাশ্যে তাহার কস্মদক্ষতার প্রণংসাই করিত। বালক ববি সারাদিন ধরিয়া এই আলমশুনীনা নারীর কার্য দেখিত, আর মনে মনে তাহাকে সাহায্য করিবান জন্ম বাঙ্কুল হইত; কিন্তু সাহস করিয়া কোন কথাই বলিত পারিত না। শিশুসুলভ চঞ্চলতায় পাছে সে বাগানের ফুল চিঁড়িয়া ডাল ভাঙিয়া বাবুর অপ্রীতিভাজন হয়, সেই ভয়ে মগ্ন বারবার করিয়া ববিকে স্মরণ করাইয়া দিত, সে যেন বাগানে না নামে—যেন ছুঁয়ামি না করে। সম্ভবতঃ শাস্ত্র-প্রকৃতির বালক কোন উৎপাত উপদ্রবই করিত না, তথাপি দিনরাত অনবরত “চুপ করে থাক, ছুঁয়ামি কোর না” শুনিয়া শুনিয়া তাহারও মনে কেমন জড়জ ও অবসাদ আসিয়াছিল, সে নিজেদের ঘরের দালানে বসিয়া গেটের দিকে চুপ করিয়া চাহিয়া থাকিত। এক

ববএকবার ইচ্ছা হইত, মামার মত সেও গেট খুলিয়া দেয়এক্কে
করে। একদিন সাহস করিয়া মামার নিকট কথাটা উত্থাপন
করিল। রাধানাথ হাসিয়া বলিল, “তুমি ছেলেমানুষ, চুপ করে
বসে থাক, লক্ষ্মী ছেলে।”

রবির বড় বড় কালো চোখ দুট অ'ভমানে জলে ভরিয়া
আসিয়াছিল, সে চোখ নামাইয়া হাতের ছাবর বইখানির ছবির
পৃষ্ঠাটির দিকে নতমুখে চাহিয়া রহিল। রাধানাথ কখনও কোন
জিনিসেরই ভিতর পর্য্যন্ত তলাইয়া দেখিত না, আজও সে বালকের
অস্তরের ভাষা বুঝিল না, তুষ্টমনে শিশু দিতে দিতে যথাকর্তব্য
সম্পন্ন করিয়া চলিয়া গেল।

৩

এই সন্তানহীন দম্পতীর নিক্তিধরা নিয়মবদ্ধ ভালবাসায় বালকের
প্রাণ যে দিন দিন হাঁপাইয়া উঠিতেছিল। খেলা করিবার সঙ্গী
নাই, মনের কথা বলিবার শ্রোতা নাই, প্রাণ খুলিয়া মায়ের জন্ত
কাদিবার এতটুকু নিজ্জন স্থান পর্য্যন্ত নাই। তোমরা হয়ত বলিবে,
পাঁচ ছয় বছরের ছেলের আবার মনের কথা কি? কি যে কথা,
তা তাহার মত পাঁচ বছরের ছেলেই বলিতে পারে। তবে পাঁচ
বছরের ছেলেরও যে মন আছে, আর তাহারাও যে ভাবিতে
জানে, সে কথা অমির রবিকে দেখিয়াই বেশ বুঝিয়াছি। তাহার
ইচ্ছা না থাকিলেও সময় সময় কোথা হইতে হু হু করিয়া দুই চোখ

ছাপাইয়া জল ঝরিয়া পড়ে। বামহস্তের উল্টা পিঠ দিয়া সে চোখ দুইটাকে ক্রমাগত মুছিতে থাকে, কিন্তু বৃষ্টির জলের মত অবিশ্রান্ত জলের ঝরণা ঝরিতেই থাকে, থামিতে চাহে না। মামী একদিন বলিয়াছিলেন, “রবি, তুমি ভার চিঁচুঁকাছনে—‘ছঃ, বেটাছেলে কি কাঁদে?’” মামীর অবশ্য উদ্দেশ্য মন্দ। তিনি ভাবিয়াছিলেন, এই উপায়ে রবির চোখের জল সহজে বন্ধ করা যাইবে। এ মুষ্টিযোগে কিন্তু সফল দেখা যায় নাই—চোখের জল বন্ধিতই হইয়াছিল।

রবি যে কাহারও সঙ্গে চাহিতোছিল, তাহাও ঠিক নহে; তবু কেমন একটা নিঃসঙ্গতার বেদনায় তাহার প্রাণটা ছাপাইয়া উঠিতেছিল। সে যদি কোন সঙ্গদয় সঙ্গী পাইত, পুলকে পূণিত হইয়া বলিতে পারিত, তাহার আর খুব বেশা করা পার না। সে মনে করিত, একটা নিজ্জন যায়গা যদি সে পায়, তাহা হইলে বেশ হয়। এক একবার সেইখানে গিয়া উপুড় হইয়া পড়িয়া সব কান্নাটা কাঁদিয়া আসে, তাহা হইলে আর চোখে জল আসিবে না। রবির মা লেগাপড়া জানিত, রবির বর্ণপরিচয় হইয়া গিয়াছিল। বাবা তাহাকে ছুঁখানি ছাবঁওয়ানা পড়িবার বই-কিনিয়া দিয়াছিলেন, একখানি “প্রথম ভাগ” আর একখানি “পরীর গল্প”। রবি বানান করিয়া যুক্তাক্ষর বাদ দিয়া পরীর গল্পখানি অনেকবার পড়িয়া ফেলিয়াছে—যুক্তাক্ষর বাদ দিয়া পড়ায় অর্থবোধ হয় নাই, তবু পরী, দৈতা এ সব সে বেশ বুঝিতে পারিত। শুধু যে

বুঝতেই পারিত, তাহাও নহে, বিশ্বাসও কবিত। বাহাবা শিশু-চরিত্র পর্যালোচনা করিয়াছেন, তাহার হৃদয় বলিবেন, ঐ যে বালকটি সিঁড়ির উপর একা বসিয়া রহিয়াছে, ওটি বালকই নহে; পেলাধলার চেপ্টা না করিয়া বালক কি কখনও অমন করিয়া বিজ্ঞের মত চুপ করিয়া বসিয়া থাকিতে পারে? বালকের হাতমুখ, কাপড়জামা কখনও অমন সাজ থাকে? কিন্তু র'বর সচিত্র সামান্য কথাবার্তা কহিলেই সে লম দূর হইয়া যাউবে। বালিকার মত কোমলতাপূর্ণ ঘন পাতায় ঢাকা বড় বড় কালো তারা দেওয়া—আমলবর্ষণমুখের সজ্জন চোখটুকু কত সুন্দর? কথাগুলি কেমন মিষ্ট, - কি নম্র ব্যবহার? আর তাব হৃদয়টি কি কোমল—করুণ, অল্প আঘাতেই কত বেদনা পায়! অবশ্য এটা চেপ্টা না করিলে বুঝিতে পারা যায় না। তোমার যদি হৃদয়নামক কোনরূপ প্রায়নিক দুঃখলতার বালাই থাকে—তাহা হইলে উহাকে ভাল না বাসিয়া, কোলে না তুলিয়া, কখনই ভূমি সবিয়া যাউতে পারিবে না।

সন্ধ্যার সময় দেউড়ীতে বসিয়া প্রদীপের ক্ষীণালোকে রাধানাথ ভাগিনেয়ের পাঠ বলিয়া দিত, কিন্তু শিক্ষকের বিদ্যাব দোড় ছাত্রের অপেক্ষা খুব বেশী না থাকায়, রবির শিক্ষার বিশেষ কিছু উন্নতি দেখা গেল না। বালক যদি সাহস করিয়া কোন দিন কোন কথার অর্থ জিজ্ঞাসা কবিত, রাধানাথ অপ্রতিভ অভিজ্ঞতার হাসি হাসিয়া এমন একটা দুর্বোধ্য ভাষা উচ্চারণ করিত, বাহার অর্থ

বুধবার শুক্র দ্বিতীয় মল্লিনাথের আবশ্যক হইলেও বালক মাতুলের বিদ্যার বিশালতায় চমৎকৃত হইয়া নিম্নাক হইয়া থাকিত। প্রশ্নের অর্থ প্রশ্ন অপেক্ষা জটিল হইয়া গেলেও তাহার ক্ষুদ্র অন্তঃ-করণে মাতুলের বিদ্যা-সম্বন্ধে একটুকু সন্দেহ হইত না। আমার সম্বন্ধে কসদিনে রবি, এইটুকু অভিজ্ঞতা সঞ্চিত হইয়াছিল যে, মামা তাতাকে ভালবাসে, কিন্তু কি প্রমাণে যে রবি তাতা বুঝিয়াছিল, জিজ্ঞাসা করিলে রবি তাতার সঠিক উত্তর দিতে পারিত না। তথাপি যে অলক্ষ্য আকর্ষণ প্রতিনিয়ত চক্ষুকে লোভের নিকটে টানে, সেই অলক্ষ্য নিয়মেই রবি বালক হইলেও বৃত্তিত, মামা তাতাকে ভালবাসে। তাতার ইচ্ছা করিত, আমার হাত ধরিয়া সেই প্রকাণ্ড গেটটা পার হইয়া বাহিরে চলিয়া যায়, ত্রি বড় বড় গাছের ছায়ায় ঢাকা বাগিচা ধরিয়া বসাবস যেখানে বাস্তার শেষ হইয়া গিয়াছে,। সপান পর্য্যন্ত চলিয়া যায়। বাস্তায় যে সব লোক চলে, কেমন হন্ হন্ করিয়া দ্রুতপদে তাতা চালাইতে থাকে।— আচ্ছা, এত লোক কোথায় যায়? রবি যদি রবি না হইয়া বাস্তার লোক হইত, তাতা হইলে বেশ হইত। বাহিরের জগৎ সম্বন্ধে রবির অভিজ্ঞতা বড় বেশী নাই—মা তাতাকে সর্বদা চোখে চোখে রাখিতেন, বাহিরে যাইতে বা অপর ছেলের সঙ্গিত মিশিতে পর্য্যন্ত দিতেন না। মা থাকিতে রবির কোনও অভাব বোধ ছিল না, সারাদিন সে মায়ের সঙ্গিত ছোটখাট কাজ করিয়া মায়ের সাহায্য করিতে পারায় মনে মনে আত্মপ্রসাদ অনুভব করিত।

মায়ের সহিত সে খেলা করিত, সন্ধ্যার সময় কাজকর্ম সারিয়া চুল বাধিয়া কাপড় কাচিয়া ঘরে প্রদীপ জালিয়া ছুয়ারে জল দিয়া শাঁক বাজাইয়া মা কতক্ষণে রোয়াকে মাদরের উপর তাহাকে লইয়া গল্প বলিতে বসিবেন, সেই সময়টুকুর জগাই পুলকিতচিত্তে সে অপেক্ষা করিয়া থাকিত। কত বিচিত্র স্বপ্নপূর্ণ পরীর গল্প, সাত সমুদ্রের নদীর পারে মলিনগর্ভে প্রবাল অট্টালিকায় নিদ্রিত রাজপুরীতে যে রূপসী রাজকন্যা শিয়রে সোণাব কাটি রূপার কাটি লইয়া সর্পমস্তকেব মণিকস্তে রাজপুত্রের প্রতীক্ষায় গভীর নিদ্রায় সমস্ত স্বাপন করিত, নিমাতার হিংসাতাড়িত হতভাগ্য রাজকুমার দ্বাদশ-হস্তপরিমিত যে কাঁকড় ফলের ত্রয়োদশ হস্ত বীচির অনুসন্ধানে হৃদয় অন্তঃস্থ ভাষাবিন্দু পক্ষিপুঙ্গবে চিরপক্ষ জারিরাহণে “তেপান্তুর মাঠে”র বাক্ষসরাঙ্গমীর কোন অভিনব দেশে যাত্রা করিত, সেই সব আশ্চর্য মনোরম কাহিনী কখনও সত্য ছরুছরু বাক্ষ—কখনও পুলকিত দেহে শ্রবণ করিত। পিতার সহিত কখনও তাঁহার কাষাঙ্কানে যাইত, সেখানে কেবল ঝনি আর কয়লার পাতাড়; কত বিচিত্র অবোধগম্য যন্ত্রপাতি—মাটির নীচে কত বড় সুড়ঙ্গ! তাহার মনে হইত, ঐ সুড়ঙ্গ দিয়া বরাবর নামিয়া গেলে বোধ হয় পাতালপুরীতে পৌঁছান যায়। সেখানে বাসুকি নাগ হাজার ফণায় মাণিকের বাতি জ্বালাইয়া পৃথিবীটাকে নাথার উপর ধরিয়া রাখিয়াছে। কপিল মুনি হয় ত তাহারই অদূরে হরিণের চর্ম্মের উপর বসিয়া চোখ মুদিয়া তপস্যা করিতেছেন! আরও কত কি

আছে। রবি সব জানে না, বড় হইলে সে যখন মায়ের রামায়ণ-খান পড়িয়া ফেলিবে, তখন এক মুহূর্তেই এই সব অস্পষ্ট অজ্ঞাত কাহিনীর সবটুকু রহস্যই তাহার চোখের সম্মুখে ফুটিয়া উঠিবে! রবির ইচ্ছা করিত, আর একটু বড় হইলেই সে একদিন পিতার নিকট অনুমতি হইয়া খনির ভিতরকার অপূর্ণ বাপারটা দেখিয়া আসিবে। যে সব কুলী খনির ভিতর কাজ করিত, প্রশ্ন করিয়া করিয়া রবি তাহাদের বিব্রত করিয়া তুলিত। “বাসুকিনাগ” “বলিরাজা” “কপিলমুনির” সম্বন্ধে তাহারা কল্পনাতেও কখনও কোন কোতূহল অনুভব কবে নাই—এসব কথা তাহারা বুঝিতেও পারে না। তবু এই প্রিয়দর্শন সুকুমার শিশুচিত্তে বেদনা দিবার ক্ষমতাও তাহাদের ছিল না, তাই রবির সকল কথাই তাহারা মানিয়া লইয়া আগ্রহ দেখাইয়া সায় দিয়া যাঠিত।

এমনি করিয়া সুখপূর্ণ কল্পনারাজ্যে মা-বাপের স্নেহময় পক্ষপুটে শিশু-রবি যখন শান্তিনীড়ে বদ্ধিত হইতেছিল, সেই সময় সন্ধ্যা একদিন কাল-বৈশাখীর ভীষণ ঝড়িকায় আশ্রয়চ্যুত পক্ষিগণের মতই সে জলে কাদায় লুটাইয়া পড়িল। ভীষণ বজ্রাঘাতে পায়ের তলার নাটী সরিয়া গেল। বালক হইলেও রবি বুঝিল, সে আজ অনাথ,—আশ্রয়হীন. একাকী! প্রতিবেশী বাঙ্গালীরা তাহাকে আশ্রয় দিল। সুন্দর মুগের যে আকর্ষণী শক্তি ঈশ্বরদত্ত—সেই আকর্ষণী শক্তিতে রবি তাহাদের স্নেহও লাভ করিল; তবু তাহার বুকের বেদনা ঘুচিল না। মা—তাহার মা? ক্ষুদ্র হৃদয়খানা

উদ্বেলিত করিয়া বুকের ভিতর রুদ্ধ হাহাকার ঠেলিয়া উঠিতে চায়—“মা ! আমাএ মা ।” রবির টাচ্ছা কবে, সে অগ্র বালকদের মত সামান্য খুটিনাটির চুতা করিয়া একবার চাঁৎকার করিয়া “মা” “মা” বলিয়া কাদে, কিছু পারে না ; স্ভাবতঃ তাহার সহিষ্ণু শাস্ত প্রকৃতিই তাহাকে বাধা দেয় । তাহার উপর তাহার অবস্থা তাহাকে সর্বদা স্মরণ করাইয়া দিতে থাকে যে, সে এখানে দরার পাত্র—তাহার কান্না হয়ত কেউ সহ্য নাও করিতে পারে ।

মামামামীর আশ্রয় পাইয়া রবির চিত্ত অনেকটা শান্ত হইল— কিন্তু শাস্ত্রনা পাইল না । বাধানাথ গম্ভীর প্রকৃতির লোক, ছোট ছেলের সহিত খেলা করিয়া বা বাজে কথা কহিয়া, সে আপনার সুদৃঢ় গাম্ভীর্য্যকে “খোলা” করিতে সাহস করিত না । হিন্দুস্থানী দরওয়ানদের মতই গুম্ফ গালপাট্টায় পরিশোভিত গাম্ভীর্য্যের হাসি হাসিয়া তাহার দিকে স্নেহপূর্ণ কটাক্ষে চাহিয়া বারবার সেই একই কথা বলে—“লক্ষ্মী ছেলে চুপ কবে বসে থেক, আর তোমার মামীর সব কথা শুনো -বললে ?” সখানহীনা মগ্নও সন্তানপালনের নিগূঢ় তত্ত্ব জানিত না । ঘরকন্নার কাষের পারিপাটা, রাধিয়া-বাড়িয়া স্বামীকে তৃপ্তিপূৰ্ব্বক ভোজন করান এবং অদসরকালে হরিনামের মালা রূপ কবা ছাড়া অপর কোন বিষয়ে তাহার চিন্তা বা সময় সে সাধামত বৃথা অপব্যয় হইতে দেয় নাই । তাহার বিশ্বাস ছিল, ছোট ছেলেপিলেদের খাওয়া শোয়ার যত্ন করিতে পারিলেই তাহাদের প্রতি কর্তব্য পালন করা হইল ! সুসজ্জিত পুতুলের

মতই তাহারা আনন্দদায়ক গৃহ-শোভা। আত্মতৃপ্তির জন্য তাহাদের যে প্রয়োজন আছে—এই কয় দিনের অভিজ্ঞতায় এই নূতন তরু-টুকুই সে লাভ করিয়াছে। এখন চিন্তা, এই সুন্দর ছেলেটিকে কেমন করিয়া যত্নের সহিত রক্ষা করিয়া আরও একটু স্থিতিপুষ্টি করিয়া তুলিতে পারা যায়? মগ্নর বাপ জমীদার-বাড়ীর সরকার ছিল। মগ্ন জানিত, সরকারের পদ খুব সম্মানিত; কারণ, সে তাহার পিতার উপাস্ত্রন ও চাকরবাকরদের প্রতি আধিপত্য স্বচক্ষু দেখিয়াছে। সুতরাং তাহার একান্ত ইচ্ছা, রাধানাথ নিজের মত না করিয়া, ভাগিনেময়কে স্কুলে দিয়া একটু ভাল লেখাপড়া শিখাইয়া, জমীদারের বাড়ীর বাজান-সরকারের উপযুক্ত করিয়া তুলে, ভগবান তাহাদের উপর যে গুরুতর দায়িত্বপূর্ণ কর্তব্যভার চাপাইয়া দিয়াছেন, তাহা পালন বারতে পারিলেই সে কৃতার্থ হইয়া থাকিবে।

রোদতেজ মন্দীভূত হইয়া আসিয়াছে; মালীরা বাগানের গাছে জল দেওয়া শেষ করিয়া চালিয়া গিয়াছে। ভিজা মাটি হইতে একটা সুমিষ্ট সোঁদা গন্ধ উঠিত হইতেছিল। রোদের তেজ কমিয়া যাওয়ায় রাস্তায় লোক-চলাচলও বাড়িয়াছিল। আফিসফেরৎ বাবুদের চলনে একটা ক্রান্তির ভাব, কলেজপ্রত্যাগত যুবকদের উৎসাহব্যঞ্জক গতি গোলদীঘির উদ্দেশে প্রধাবিত। ফিরিওয়ালার বিচিত্র সুর হাঁকিয়া পথে চলিয়াছে। বাগানের সম্মুখের অংশে প্রকাণ্ড অট্টালিকাখানার চওড়া সিঁড়ির উপর পা বুলাইয়া রবি

চুপ করিয়া বসিয়াছিল। কোলের উপর বইখানির একটি বিচিত্র উদ্ভানে পরী-রাণীর নিকট একটি দণ্ডায়মান বালকের ছবি দেওয়া পৃষ্ঠাটি গোলা রহিয়াছে। তাহার মন ও চক্ষু তখন অদূরবর্তী লোহার রেলিংঘেরা প্রকাণ্ড গেটের উপর এবং তাহার কাঁকের ভিতর দিয়া গেটের বাহিরে যে তরুচ্ছায়ান্নিগ্ধ পশুস্ত রাস্তা চলিয়া গিয়াছে, তাহানই উপর দিয়া যাতায়াত করিতেছিল। এমনি করিয়া বহুক্ষণ সে এখানে বসিয়া আছে।

প্রায় একঘণ্টা পূর্বে কোচুয়ান গাড়ী লইয়া আসিলে যখন একজন সুসজ্জিত ভদ্রলোক রবির দিকে একবার চাহিয়া দেখিয়া, হাতের খবরের কাগজখানা পড়িতে পড়িতে গাড়ী চড়িয়া বাহিরে চলিয়া গিয়াছিলেন, তখন হইতেই রবি ঠিক এইখানে এমনি করিয়া বসিয়া আছে। ভদ্রলোকটিকে রবি চিনিত, তিনি “বাবু”। মামা অনেকবার রবিকে বুঝাইয়া দিয়াছে যে, সে যেন কোন বকম ছুষ্ঠানী না কবে, উৎপাত না করে, গাছের কুলপাতায় না হাত দেয়—তাহা হইলে “বাবু” বাজ্জাব হবেন। রবি দেখিতে পাইত—বাবু প্রত্যহ এই সময় গাড়ী করিয়া বাহিরে চলিয়া যাইতেন। বাইবার সময় প্রতিদিনই তিনি রবির দিকে চাহিয়া দেখিতেন। বাবুর সম্বন্ধে মামার নিকট হইতে সে যে সকল ভীতিপূর্ণ উপদেশ পাইত, সে সকল সবেও বাবুকে দেখিয়া তাহার মনে কোন ভয় হইত না। তাহার বিষম মুখ, কোমল দৃষ্টিপাত, রবিকে তাহার প্রতি আকৃষ্ট করিত—অনেকটা সেই জগুই সে

এই সময় ঠিক এইখানে আসিয়া বসিত। বাবু চলিয়া গেলে রাধানাথ গেট বন্ধ করিয়া রবিকে শান্ত হইয়া থাকিবার জন্য উপদেশ দিয়া গুন্ গুন্ করিয়া “সগী সে নিঠুর কালরূপ আর হেন্ন না” গায়িতে গায়িতে বাহিরে চলিয়া যাইত। রবির অরণশক্তির উপর রাধানাথের সতর্ক সাবধানতা রবিকে অনেক সময় পীড়িত করিয়াই ছিল। রবি মথ ফিরাইয়া তাহাদের ঘরের দিকে চাহিয়া থাকিত। খোলা জানালা দিয়া রাধানাথ-পত্নীক আলস্যহীন কাণ্ড চঞ্চলগতি রবির চোখে পড়িত। ঘরধোয়া, বাসনমাজা, কাপড়তোলা সমস্ত কাজই শেষ হইয়া গিয়াছে, একখানা ছেঁড়া ন্যাকড়া লইয়া সে তখন ঘরের জ্বিন্দপত্র, দেওয়াল-পাটের ছবিগুলি কডি-সজ্জিত বাশের আলনাটি পয়াল বাড়ামোছা করিতেছে। হাতে-বোনা রঙ্গিন স্ততার সিকের উপর মাটির ভাঁড় ঝুলান আছে, বাতাসে তাহার বৃহৎ দোলনটুকু চোখে পড়িতে থাকে। রবির ইচ্ছা করে, মামীর কাছে ছুটিয়া গিয়া তাঁহাকে সে জড়াইয়া ধরে, কিন্তু অভিমানক্ষুদ্র চিত্ত সেখানে যাইতে সাহস পায় না। কোন একটা অতর্কিত ঘটনার জন্য সে যেন প্রতি মুহূর্তে প্রতীক্ষা করিতেছিল। কিন্তু কি যে সে ঘটনা, কিসেরই বা প্রতীক্ষা নিজে সে তাহা কিছুই জানে না। ক্রমেই চাবিদিকের নির্জনতা তাহার নিঃসঙ্গচিত্ত গভীরভাবে অনুভব করিতে লাগিল। বইখানি একবার পড়িবার চেষ্টা করিল,—যদিও বইখানির অর্ধেক কথাই সে পড়িতে পারিত না, তবু গল্পগুলি সবই তাহার মুখস্থ

হইয়া গিয়াছে। ছবির পাতাগুলি উন্টাইতে উন্টাইতে গল্পগুলি সে মনে মনে আবৃত্তি করিতেছিল। এই বইখানিই তাহার সব চেয়ে আনন্দের জিনিষ, তাহার প্রিয়তম সঙ্গী। বইখানি যেদিন রবির বাবা রবিকে আনিয়া দিয়া তাহাকে কোলে লইয়া চুমার পর চুমা দিয়াছিলেন, সে কথা রবির খুব মনে আছে। সে আর ক'মাসের কথাই বা? বইয়ের উপরের মলাটে রবির মা নিজের হাতে নাম লিখিয়া দিয়াছিলেন “শ্রীরবিলোচন রায়”। রবি যুক্ত অক্ষর পড়িতে পারিত না, তবু এই মাতৃ-হস্ত লিপিত যুক্ত অক্ষরটি চেষ্টা করিয়া শিখিয়া লইয়াছিল। ‘মা’ এই শব্দটি কতদিন কত-সময় সে লুকাইয়া মনে মনে আবৃত্তি করিত। রবির মনে অনেক কথা উঠিতেছিল—চোখ দুইটা জল ভরিয়া গিয়াছিল, হাটুর উপর হইতে পাতা-খালা বইখানি বঙ্গরময় পথে পড়িয়া গেল। আজ আর বইখানাও তাহাকে আনন্দ দিতে পারিতেছিল না। বইখানি কুড়াইবার জন্য রবি সিঁড়ি নামিয়া বাগানের পথে দাড়াইল, চোখের জলে সব ঝাপসা হইয়া গিয়াছে, বহু কুড়াইয়া লওয়া হইল না, বাষ্প-জড়িত দৃষ্টিতে চারিদিকে একবার চাহিয়া দেখিয়া মুখে হাতচাপা দিয়া, সহসা সে একদিকে অনিদেয় ভাবে দৌড়াইয়া চলিয়া গেল। খানিক পরে ছুটিয়া গিয়া একটা জায়গায় ঘানের উপর পড়িয়া খুব খানিক কাঁদিয়া লইয়া সে উঠিয়া দাড়াইল। এরকম তীব্র আন্তরিক দুঃখ অধিক কাল স্থায়ী হয় না—চোখের জল বাষ্প হইয়া অনেকটা দূর হইয়া যায়। নাহিলে মানুষ সহ্য করিতে পারিবে কেন?

তাহার কাপড়জামায় ধূলা লাগিয়াছিল, মাথার চুলেও তাহার ভুলুগ্ঠিত ক্রন্দনের চিহ্ন প্রকাশ করিয়া, ধূলা ও শুষ্ক ঘাসের কুটা শোভা পাইতেছিল। শুভ্র গণ্ডে অশ্রুজলের মলিন চিহ্ন অঁকিয়া গিয়াছে। কাদিয়া রবির মনের ভার যেন অনেকখানি কমিয়া গিয়াছিল। উঠিয়া দাঁড়াইয়া, আগে সে চারিদিকে চাহিয়া দেখিল—নাঃ—কেহ দেখিতে পায় নাই। আশ্বস্ত হইয়া আনন্দের সহিত সে নিকটবর্তী একটা পুষ্পখচিত গন্ধরাজ গাছের দিকে অগ্রসর হইল। সে যেখানে আনিয়া দাঁড়াইয়াছিল—সেও একটা বাগান। বড় বড় গাছের কচিপাতায় হানটিকে বড় বেশী অন্ধকার করিতে পারে নাই, কেবল কোমল শ্রানলতায় ভরাইয়া তুলিয়াছিল। একটা অপরিচিত ফুলের গাছে অনেক ফুল ফুটিয়া আছে—সুগন্ধে দিক পূর্ণ। রবি অত্যন্ত সাবধানে কাপড় শুটাইয়া অগ্রসর হইতেছিল। তাহার ভয় হইতেছিল—পাছে সে গাছটা ছুঁইয়া ফেলে। চারিদিকের সুগভীর নিস্তরুতায় তাহার মনে হইতেছিল—বুঝি সে পরীদের দেশে আসিয়া পড়িয়াছে। তাহার ভয় হইল, সে ফরিয়া যাইতে চাহিল, কিন্তু পথ খুঁজিয়া পাইল না, সামনেই একটি সরু রাস্তা; সে সেই পথ ধরিয়া চলিতে লাগিল। বাড়ীর ভিতর কোথা হইতে একটা ঘড়ি বাজিতেছিল, বাজনাটা অনেকটা কোকিলের সুরের মত, সে অবাক হইয়া শুনিতেছিল। তাহার মনে হইল, পরীদের গান—অমনি বুঝি, আনন্দ-কৌতূহলের সহিত ভয়ও বাড়িতেছিল। চারিদিকের নিস্তরুতার মধ্যে পাখীর ডাক আর

ঘড়ির বাজনা বড় মিষ্ট শুনাইয়াছিল। সে ফিরিয়া যাইবার চেষ্টা করিল, তাহার গা ছম্ ছম্ করিতেছিল; কারণ, এ বাগান রবি আর কোন দিনই দেখে নাই। বাগানের চারিদিকে দেওয়াল, একদিকে একটা প্রকাণ্ড বাড়ীর দেওয়াল গেটের ভিতর হইতে দেখা যাইতেছিল। গেটের ভিতরদিকেও আবার বাগান। সে বাগানটা খুব বড় নয়। বাগানের সমস্ত গাছে ফুল ফটিয়া আছে। কতক গুলি ফুলের নাম তাহার জানা—বেল, ঘাঁই, ঝাঁটি চন্দ্রমলিকা। আরও কত ফুল আছে, রবি তাহার নাম জানে না। সে দেখিল, গেটের ভিতরের দিকে চাবী বন্ধ; বাহিরের দিকে রবি যেখানে দাঁড়াইয়াছিল, সেখানেও অনেক গাছপালা। রবির মনে হইল, এটা একটা দৈতাপুরী। সে চোখ মুছিয়া গেটের ধারে দাঁড়াইয়া, সাদা সাদা ফুলে-ভরা বাগানটির দিকে দেখিতে লাগিল। শান-বাঁধান রাস্তার উপর সাদা কাপড়-পরা একজন স্ত্রীলোক ধীরে ধীরে পায়েচারী করিতেছিলেন। স্ত্রীলোকটীকে দেখিয়া রবির মার কথা মনে পড়িল, দরজার ফাঁকের ভিতর দিয়া, সে মুহূর্তেই চাতিয়া দেখিতে লাগিল। রমণী অপূর্ব সুন্দরী। কিন্তু সে সৌন্দর্য্য যেন মেঘাচ্ছন্ন চন্দ্রের মত একটা বিষাদে আচ্ছন্ন। তাঁহার চলনের ভঙ্গীতেও যেন স্তব্ধের গুরুভার বাক্য করিতেছিল, নত-দৃষ্টিতে তিনি রাস্তা অথবা ফুল, কি যে দেখিতেছিলেন, তাহা অনুমান করা যায় না। মাথা' মধ্যে বক্ষবদ্ধহস্তে নত-দৃষ্টিতে স্থির হইয়া দাঁড়াইতেছিলেন। রবি অধিক হইয়া ভাবিতেছিল, কেন তিনি

এমন চোখ নীচু করিয়া দাঁড়াইতেছেন ? তাঁহান কি কোন ছুঃখ হইয়াছে ? রবির যখন ছুঃখ হয়, কান্না যখন চাপিয়া রাখা যায় না, তখন সেও এমনি চোখ নীচু করিয়া মাটির পানে চাহিয়া থাকে, চোখের জল কেহ দেখিতে পায় না। হঠাৎ তাহার মনে হইল, রমণীকে দেখিতে কতকটা যেন তাহার মায়ের মত। মনে হইতেই তাহার গলার কাছে কি-একটা যে ঠেলিয়া উঠিতে চাহিল, বুকের ভিতর কেমন করিতে লাগিল। সে ফিরিয়া দাঁড়াইল, ছুই হাতে মুখ ঢাকিল, তার পর দরজার পাশে ঘাসের উপর টপুড় হইয়া পড়িয়া ফুলিয়া ফুলিয়া কাঁদিতে লাগিল।

রবির উচ্ছ্বাসিত ক্রন্দনের অস্পষ্ট শব্দ হয় ত রমণীর ধ্যানভঙ্গ করিয়াছিল। তিনি মুখ তুলিয়াচ গেটের ধারে রবিকে দেখিতে পাইলেন। সহসা পানের নাঁচে সাপ দেখিলে মানুষ যেমন করিয়া সতয়ে পিছাইয়া যায়, তেমনি করিয়া রমণী পিছাইয়া গেলেন। তাহার মনে হইল, এখনি ছুটয়া সে স্থান ত্যাগ করিবেন; কিন্তু সে ভাব তখনই চলিয়া গেল; মনে বল, হৃদয়ে ধৈর্য্য সংগ্রহ করিয়া মৃদু-পদক্ষেপে তিনি গেটের ধারে দাঁড়াইলেন। অতাস্ত কোমল-কণ্ঠে মৃদুস্বরে জিজ্ঞাসা করিলেন, “খোকা, তোমার কি হয়েছে ধন— কাঁদুচ কেন ?” স্মৃষ্টি কোমল-কণ্ঠ—সহানুভূতির স্বর। রবি তাহার উচ্ছ্বাসিত মনের ভাবকে চাপিতে না পারিয়া, অবাক্ত বেদনার উচ্ছ্বাসভরা ক্রন্দনের স্বরে মুখ না তুলিয়াই বলিল—
“মা, মা !”

রমণীর মুখখানি সহসা নিবর্ণ হইয়া গেল। মৌন বিবর্ণ জ্ঞানত মুখে তিনি কম্পিত দেহের ভর রাখিবার জন্য রেলিংটি ধরিয়া ফেলিলেন। তাঁহার পা দুইখানা পরথর করিয়া কাঁপিতেছিল। মানসিক মন্ত্রণার চাপে পাংশু ওষ্ঠ কাঁপিয়া কাঁপিয়া কিছুক্ষণ এমনি ভাবেই কাটিয়া গেলে, অনেকটা প্রকৃতিস্থ হইয়া রমণীর স্নেহপূর্ণ ক্ষীণ স্বরে বলিলেন, “থোকা— একটুখানি থাকা— আমি এখনি চাবি খুলে দিচ্ছি চাবি নিয়ে আসি, এ দোর কতদিন খোলা হয়নি—ওঃ তিন বছর !”

রমণী চলিয়া গেলে রনি উঠিয়া দাঁড়াইল, হাত দিয়া চোখের জল মুছিয়া ফেলিল। শুভ্র গণ্ডে অশ্রুজলের মলিন চিহ্ন তখনও দেখা টানিয়াছিল। কাপড়জামায় ধূলা লাগিয়া গিয়াছে, একবার মনে হইল পলাইয়া যায়—কিন্তু সে ত পথ জানে না। এ কোন অজ্ঞাত-দেশে সে আসিয়া পড়িয়াছে। আর ঐ রমণী! তাঁহার মৃত জননীকেই সে জগতের মধ্যে একমাত্র সুন্দর বলিয়া জানিত। ইহাকে দেখিয়া রবিব মনে হইল, ইনি বোধ হয়, পরী! মানুষ কি অমন সুন্দর হয়?

রমণী তাড়াতাড়ি চাবি খুলিয়া দিলেন। জংধরা পুরাতন গেটটা বহুদিন অব্যবহারে—একেবারে দৃঢ়বদ্ধ হইয়া গিয়াছিল। অনেক কষ্টে অনেক আপত্তিবাক্যক সাড়া শব্দ দিয়া গেট খোলা গেল, রবি পলাইয়া যাইবার চেষ্টা করিতেছে দেখিয়া, সান্ত্বনাপূর্ণ মৃদুস্বরে রমণী বলিলেন, “পালিও না গোপাল, কোন ভয় নেই! তোমার কি

হয়েচে ? পড়ে গেছ ? লেগেছে বুঝি ? কি হয়েছে, আমায় সব বল ”

বনির বুকখানা তখনও উদ্বেলিত সমুদ্রতরঙ্গের মত ফুলিয়া ফুলিয়া উঠিতেছিল। ছই হাতে মুখ ঢাকিয়া অক্ষুট স্বরে সে কেবল বলিল—“মা ।” সে চোখ বুজিয়াই পলাইবার চেষ্টা করিতেছিল, কিন্তু ভাতা ঘটিল না। একখানি কোমল হাত তাহার পিঠের উপর রাখিয়া বননী বলিলেন, “গোকা !” ভাতার পরই তাঁহার কথা বন্ধ হইয়া গেল—বকের রক্ত সহসা সেন উছলিয়া উঠিল,— মুখ বিবর্ণ হইয়া গেল, সমস্ত দেহ কাঁপিতে লাগিল ; মনে হইল, দারুণ মানসিক উদ্বেজনাই তাঁহাকে এমন অভিভূত করিষা তুলিয়াছে। তিনি কাঁপিতে কাঁপিতে মাটিতে বসিয়া পড়িলেন।

বনি অবাক হইয়া তাঁহার পানে চাহিয়া রহিল। বালক হইলেও সে বঝিয়াছিল, ইহাকে ভয় করিবান কারণ নাই। সেই জগুই তিনি যখন তাহাকে কোলের কাছে টানিয়া লইয়া, তাহার মথের হাত সরাইয়া দিয়া, আঁচল দিয়া চোখ মুছাইয়া দিলেন, তখন সে কোন বাধা দিল না। বহু তাঁহার বন্ধালিঙ্গনের মধ্যে আপনাকে সম্পূর্ণরূপে ছাড়িয়া দিয়া, তাঁহার কোলের ভিতর মুখ লুকাইল। নিশ্চয় সে তখন থাকিয়া থাকিয়া হাঁফাইতেছিল, তথাপি কি এক অননুভূত পূর্ব স্বপ্নে তাহার ক্ষুদ্র হৃদয় ভরিয়া উঠিতেছিল। এই অপরিচিত স্নেহস্পর্শে বনি তাহার মৃত্যু জননীর সুখস্পর্শটুকু অনুভব করিয়া সমস্ত দেহে একটা পুলক-তাড়িত কম্পন অনুভব করিল।

বিস্ময় ও আনন্দের বেগ শমিত হইয়া আসিলে, রাব বৃষ্টিতে পারিল, রমণী কাঁদিতেছেন। বিব্রত রবি ব্যাকুল-নেত্রে বার বার তাঁহার মুখের পানে চাহিতেছিল। সে ভাবিয়া পাইতেছিল না যে, কি করিয়া কি বলিয়া, সে সাহুনা দিবে। রবি কাঁদে, তাহার যে 'মা নাই' . সে ছেলেমানুষ,—তাহ সে কাঁদে। কিন্তু ইনি কাঁদিতেছেন কেন? ইহারও কি মা নাই? ইহারও বুঝি খুব দুঃখ! তাহার মতই দুঃখ কি?

রমণী রবিকে বুকে কাঁছে টানিয়া মৃদুস্বরে বলিলেন, “খোকা—খোকা!” রবির শুভ্র সুগোল ক্ষুদ্র হাতখানি আপনার কোমল হাতের ভিতর চাপিয়া বলিলেন, “গোপাল, তুমি রোজ রোজ আসবে ত? বল, আসবে ত?” রমণীর কণ্ঠে এমন একটা উদ্বেগ-কাতরতা ধ্বনিত হইল যে, রবির মত বালকও যেন তাহার গভীরতা বুঝিল। সে মাথা হেলাইয়া স্বীকার করিল, আসিবে। নিতাই আসিবে।

অল্পকালের মধ্যেই রমণীর সহিত রবির খুব ঘনিষ্ঠতা জন্মিয়া গেল। একটুখানি শ্রান হাসি হাসিয়া রমণী বলিলেন, “খোকা, আমরা যে কাঁদছিলুম, এ কথা কাকেও জানতে দেওয়া ভাল নয়, —কেন?” সে তাড়াতাড়ি উত্তর দিল—“না, তা হলে লোকে যে কাঁদেন বলে।”—স্নেহপূর্ণ-নেত্রে বালকের সুকুমার মূর্তি দেখিতে দেখিতে রমণী বলিলেন, “তোমার নামটি কি গোপাল, বল ত?”

রবি হাতের উল্টা পিঠ দিয়া চোখ মুছিতে মুছিতে গভীর-মুখে

উত্তর দিল, “আমার নাম গোপাল নয় ত—আমার নাম শ্রীবি-
লোচন রায়। আমার বয়স পাঁচ বছর!” রবির বিশ্বাস ছিল,
নাম বলিতে গেলে বয়সের স-বাদও জানান অবশ্য কর্তব্য।

“পাঁচ বছর—ওঃ—” একটা দীর্ঘ নিঃশ্বাস রমণীর
অজ্ঞাতে বাহির হইয়া পড়িল। রবির কুঞ্চিত তৈলসিক্ত চুলগুলির
শিগর কোমল অঙ্গুলী-সঞ্চালন করিতে করিতে রমণী, কাহিলেন—
“এস রবি, আমরা বাগানে বসি; তুমি তোমার সব কথা আমায়
বল দেখি—কেমন করে তুমি এখানে এলে?”

“কেমন করে এলুম?—আমার ছুঃখ হাঃল, আমি চলে
এলাম।”

রবি তাঁহার হাতের সোনার চুড়ীগুলি নাড়িতে নাড়িতে কাহিল,
“আমায় দেখে আপনার ছুঃখ হয়নি?”

“আমার—ন, তোমায় দেখে আমার খুব আনন্দ হয়েছে,
আমার বোধ হয়, সকাল-বেলাই আবার তোমার এখানে আসতে
ইচ্ছা করবে—খেলা কর্তে। করবে না?”

“এ,—খেলা করবে—এখানে খেলা করবে—কার সঙ্গে খেলবে,
আপনার সঙ্গে! আপনি খেলবেন আমার সঙ্গে?” বেদনার উপরই
বারবার আঘাত লাগে। রমণীর বিষন্ন মুখ আহত বেদনায় পাণ্ডুব
হইয়া উঠিল। উদ্বেলিত বুকখানা চাপিয়া ধরিয়া দূরপ্রসারিত দৃষ্টি
রবির মুখের দিকে ফিরাইয়া অত্যন্ত করুণ ক্লিষ্ট স্বরে উত্তর
দিলেন,—“আমি খেলব—তোমার সঙ্গে?—আচ্ছা, আমি চেষ্টা

করব।—থোকা—থোকা—তুমি যদি জানতে—না থাক। আচ্ছা, বল দেখি। তুমি কোথা থেকে এসেচ ?”

এক ঘণ্টার মধ্যে ক্ষুদ্র রবির সমস্ত মস্তিষ্কটুকুই তিনি জানিয়া লইলেন। আহা, পিতৃমাতৃহীন বালক! অভাবের বেদনা বেদনাতুর-বক্ষেই বাজে। রমণী কহিলেন, “আচ্ছা, রবি তোমার মামা আর মামীমার কাছে এই বাড়ীতে থাকুক তোমার ভাল লাগে?” সে সম্মতিসূচক মাথা নাড়িল। এখন সবই তাহার ভাল লাগিতেছিল। ছুঃখের মেঘটা কাটিয়া গিয়া তাহার ক্ষুদ্র হৃদয়টি আবার জ্যোৎস্না-লোকিত আকাশের মত পরিষ্কার হইয়া গিয়াছে। একটি নিশ্বাস ফেলিয়া রবি কহিল, “তারা রাগ করবেন খুব?”

রমণী উৎকণ্ঠিত বিষণ্ণ মুখে জিজ্ঞাসা করিলেন, “কেন?”

“আমি যে না বলে চলে এসেছি, আমায় তাঁরা লক্ষ্মী হ’তে বলেন। আমি তা হ’তে পারি না।” রবি একটুখানি ম্লান হাঙ্গিল।

“না, না, থোকা, তুমি খুব লক্ষ্মী ছেলে। আচ্ছা, আমি কি তাঁদের বলব, তুমি আমার কাছে এসেছিলে?”

“আপনি বলবেন? কি করে আপনি তাঁদের চিন্তে পারবেন?” রবি বিস্ময়পূর্ণ-বিস্ফারিত-নোত্র তাঁহার মুখের পানে চাছিল। রমণী স্নেহপূর্ণ-নোত্রে বালকের মুখের দিকে চাহিয়া সংক্ষেপে উত্তর দিলেন, “আমি চিন্তে পেরেছি।”

বাগানের ভিতর একটি লতাকুণ্ড ছিল, তাহার পাশেই জলের কল দেওয়া ফোয়ারা, ফোয়ারা দিয়া উল্কাখিত অলধারা শব্দকার

মন চারিদিকে করিয়া পড়িতেছিল। বিষয়-মগ্ন রবিকে কোলে
করিয়া তিনি সমস্ত দেখাইতেছিলেন, কলের জলে গুথ ধুয়াইয়া
অক্ষলে মুগ মুছাইয়া দিলেন। অষ্টপুষ্ঠ বালককে কোলে করিয়া
বেড়াইতে তাঁহার ক্ষীণ দেহে তিনি পরিশ্রম অনুভব করিতে
ছিলেন না।

রমণী বলিলেন, “তোমার যতদিন না স্কুলে মানান সময় হয়,
তুমি রোজ সকালে এইখানে এসো। সকালটা আমি এই দিকেই
থাকি, পড়ি—সেলাই করি, না হয়, চুপ্ করে বসে থাকি। দেখ
থোকা, পড়ে যাবে—তোমার জুতার ফিতাটা খুল গাছে যে
আমি বেঁধে দেব?”

রবি নিজে ফিতাটা বাঁধিবার চেষ্টা করিতেছিল, না পাবিয়া
বিস্রত হইয়া পড়িয়াছিল। স্বস্তির নিঃশ্বাস ফেলিয়া মুগ তুলিয়া
বলিল, “দেবেন ? দিন তবে।”

জুতার ফিতা বাঁধা হইয়া গেলে, রবি তাঁহার পায়ের কাছে নত
হইয়া প্রণাম করিলে, রমণী তাঁহার শুভ্র কপোলে চুম্বন করিয়া ক্ষীণ
হাসির সহিত স্খিচ্ছাস করিলেন, “তুমি আমার প্রণাম করলে যে
থোকা?”

“বাঃ ! আপনি যে আমার জুতায় হাত দিলেন ?” রমণীর
চোখের মধ্যে চিরস্থায়ী যে একটি বিষাদের ভাব নিবিড়তা রচনা
করিয়াছিল, শরতের অপরাহ্নে সেমন মেঘাবরণ অপসারিত করিয়া,
গগনের প্রশান্ত নির্মলতা দেখা দেয়, তেমনি করিয়া যেন সেই

বিষাদেব যবনিকাখানা মুহুর্তেব জন্ম সরিয়া গেল। তাহাকে বুকের মধ্যে টানিয়া চুষনের উপর চুষন করিয়া, আর একবার জলের কল ও তাহা খুলিবার কোণল দেখাইয়া তাহাকে ছাড়িয়া দিলেন।

* * * * *

এমনি করিয়া রবির দিনগুলি আবার আনন্দেব ক্রমে জ্বল হইয়া কাটিতে লাগিল। প্রতিদিন সকাল হইতেই রবি বাবুল আগ্রহের সহিত তাহার দর্শন প্রতীক্ষা করিয়া থাকে—সন্দের অনেক পূর্বেই সে সেই দিকে গিয়া দাঁড়াইয়া থাকে। এখন সে বুঝিতে পারিয়াছে যে, সে বাড়ীটা দৈত্য বা পরার বাড়ী নয়; সেটাও এই রকম বাড়ী। বাগানের একপাশে একটু মাঠের মত খোলা জমি, অন্য অন্য পার্শ্বে নোপের ন্যায় গাছপালা; দিনের বেলাও যেন অন্ধকার করিয়া রাখিয়াছে। এইখানে তাহার হাত-ধরাধরি করিয়া বেড়ায়। সে কত আনন্দ তাবোল কথা বলে, কত অদ্ভুত রকমেব প্রশ্ন করে, রমণী আগ্রহের সহিত তাহার প্রত্যেক কথাটি শ্রবণ করেন, প্রত্যেক প্রশ্নের উত্তর দেন। প্রথম প্রথম তিনি ভাল খেলিতে পারিতেন না। থাকিয়া থাকিয়া অন্তমনস্ক হইয়া পড়িতেন। অকারণে চোখ দুইটি জলে ভরিয়া আসিত, ফুল তুলিবার জন্ম বা বল কুড়াইবার জন্ম রবিকে দূরে পাঠাইয়া দিতেন। রবি ফিরিয়া আসিয়া দেখিত, চোখে ধূলা পড়ায় তিনি অঞ্চলে চক্ষু মুছিতেছেন—তাহার চোখ দুইটি খুব লাল হইয়া উঠিয়াছে।

ক্রমে ক্রমে এ ভাব কমিয়া আসিল। যে দিন আকাশে জলঝড় দেখা দিত, তিনি রবিকে লইয়া বাগানের ভিতরে যে একখানা বড় ঘর ছিল, সেইখানে গিয়া বই পড়িয়া তাহাকে ছোট ছোট গল্প শুনাতেন। সেখানে সে প্রায়ই অনেক ভাল ভাল খাবার খাইতে পাইত। হাতে সে আপত্তিও করিত, “এখানে খাবার খেলে পেট ভরে যাবে, মামীমা আমার জন্মে খাবার করে রাখবেন যে?” কিন্তু সে ইতাকেও ভংগিত করিতে পারিত না, তাহার স্নেহভূমিত্ব হৃদয় স্নেহ পাঠিয়া আর সব ভুলিয়া গিয়াছিল। এমন করিয়া তাহার ক্ষুদ্র হৃদয়টি দিনে দিনে তাহার প্রতি আকৃষ্ট হইয়া সুগভীর ভালবাসায় পরিপূর্ণ হইয়া উঠিল। রমণীক কথা ঠিক বলিতে পান! বায় না—কিন্তু সুদীর্ঘ বর্ষা-ঋতুর অবসানে শরতের যেমন একটা উজ্জল সরস মধুরতা দেখা যায়, তাহার দোহে মুখে যেমনই একটা পরিবর্তিত ভাব যেন অনাস্ত্র ধীরে ধীরে কুটিয়া উঠিতেছিল।

৪

পাঁচটা বাজিতে কয় মিনিট বিলম্ব আছে! প্রকাণ্ড বাড়ীপানার মাথায় যে মস্ত ঘড়িটা দেওয়ালের সহিত ঝাঁপা ছিল, সেই ঘড়িটার দিকে উৎসুক-নেত্রে চাহিয়া ববি ভাবিতেছিল, আর ১৫ মিনিট পরেই বাবু বাহির হইয়া যাইবেন। কারণ, ববি দেখিয়াছে, প্রত্যাহ এই সময়ই তিনি বাহিরে যান। বাবুর সুন্দর মুখে যে একটা বিষম

স্নান ছায়া সর্বদা পরিস্ফুট থাকিত, তাহাই রবিকে আকৃষ্ট করিয়াছিল।

বৈশাখের অকালবর্ষণে খানিক পূর্বে খুব এক পশলা বৃষ্টি হইয়া, ধরণীর তপ্ত বক্ষের সারাদিনের তাপদাহ জুড়াইয়া দিয়া, জলেস্থলে গগনেপবনে একটা স্নিগ্ধ শান্তির ভাব জাগাইয়া তুলিয়াছে। বৃষ্টিধৌত গাছগুলার গাঢ় সবুজ শোভা ! বৃষ্টির পর রৌদ্র দেখা দিয়াছে। বালকের ভাগিকাম্মার মতই তাহা তরল--করণ। রৌদ্রে তেজ ছিল না, দাঁপ্তি ছিল। রবি প্রতিদিনের মতই সিঁড়ার ধাপের উপর পা বুলাইয়া গাছেব পা তার শব্দ শুনিতেছিল। হাঁটুর উপর অঙ্কন-বই-খানার পাতা খোলা, রবি তাহার ত্রিকোণ চতুষ্কোণ আঁকা ছাড়িয়া দিয়াছে। হাতের মুঠায় বন্ধ কত্তিত স্মৃষ্ণ-মুখ পেন্সীলটা। আজ তাহার পরিচ্ছদের ও যথেষ্ট পরিবর্তন দেখা যাইতেছিল ; একটি সুদৃশ্য কালো রেশমি কাপড়ের জামা ও শান্তিপূরে মিহি একখানি ধুতি তাহার সুন্দর দেহ আচ্ছাদিত করিয়াছিল। রোদের আলোয় কোটের বোতামগুলি ঝক্ ঝক্ করিতেছিল। সকালবেলা রবির মামী রবিকে যখন এই পোষাকটি পরাইয়া দিয়াছিলেন, তখন অত্যন্ত গম্ভীরমুখে বলিয়াছিলেন, “পোষাকটা তুমি তোমার নিজের কোন গুণের জন্তে পাচ্চ মনে কোর না বেন—যাও।” সে কথা রবির বেশ মনে আছে। রবি জানিত, মামী তাহাকে ভালবাসে—তাহার গুণের জন্ত না পাইলেও পোষাক পাইবার জন্ত কোন কারণ অনুসন্ধানেরও সে আবশ্যিকতা

অনুভব করিল না। মামা কহিলেন, “ভালছেলে হয়ে থেকে—
তুষ্টমী করো না। বাহরে বসে থাকগে।”

ফটকের বাহিরে রাস্তার দিকে চাহিয়া রবি ভাবিতেছিল,
এ বেলাও যদি তাঁর সঙ্গে দেখা হোত—বেশ হোত। অদূরে
তাহাদের বাসগৃহের পোলা দরজা জানালার মধ্য দিয়া মগ্নর কার্যা-
রত মূর্তি দেখা যাইতেছিল না। কাপড় আছড়ানর শব্দও থামিয়া
গিয়াছে। গাছের পাতা নড়ার এবং রাস্তার উপর চলন্ত গাড়ীর শব্দ
শুনা যাইতেছিল সহসা একটা পরিচিত শব্দ রবিকে চকিত
করিয়া তুলিল। দরওয়ান্ গেট খুলিয়া দিয়া বাড়ীর দিকে চাহিয়া
দাঁড়াইয়া রছিল। রবির প্রতিদানের মতই ইচ্ছা হইয়াছিল, ছুটিয়া
গিয়া মামার সাহায্য করে, কিন্তু স্বাভাবিক সংঘর্ষবলেই সে অবি-
চলিতভাবে আপনার স্থানটিতেই চূপ করিয়া বসিয়া রছিল। সশব্দে
গাড়ী আসিয়া গাড়ীবারাণ্ডায় দাঁড়াইলে সিঁড়ি দিয়া প্রতিদিনের
মতই বাবু নামিয়া আসিয়া, গাড়ীতে আরোহণ করিলেন, সহিস ও
দ্বারবান্ তাঁহাকে সেলাম করিল। রবিও তাহার শুভ্র হাতখানি
ললাটে স্পর্শ করিয়া, মামার অনুকরণে আজ বাবুকে সেলাম করিয়া
ফেলিল। অনেক দিন হইতেই এই ইচ্ছাটি তাহার মনে জাগিতে-
ছিল, কেবল লজ্জায় তাহা পারিত না। আজও তাহার ললাটে হইতে
কণমূল পয্যন্ত গোলাপী রঙ্গে রাঙ্গিয়া উঠিয়াছিল; নয়নে অধরে
সুমিষ্ট সলজ্জ হাসি ফুটিয়া উঠিল। গাড়ীখানা আজ আর অগ্নদিনের
মত সশব্দে বাহির হইয়া গেল না; রবি ও তাহার মামা বিস্মিতনেত্রে

চাহিয়া রহিল। বাবু তাঁহার অটল গাঙ্গুরীর্থ্যের মধ্য হইতেই সহসা যেন একটুখানি বিচলিতভাবে রবির দিকে চাহিয়া বলিলেন, “তুমি কি গাড়ী চড়ে আমার সঙ্গে যাবে থোকা ?” রবি এই অতর্কিত নিমন্ত্রণে বিব্রত হইয়া পড়িয়াছিল। সে ধীরে ধীরে উত্তর দিল, “এঁয়া—” রাধানাথ ভৎসনাসূচক কটাক্ষে ভাগিনেয়ের প্রতি চাহিয়া, তাহাকে সচেতন করিয়া দিয়া, তীব্রস্বরে কহিল—“রবি ?” বাবু গাঙ্গুরীর্থ্যপূর্ণনেত্রে রাধানাথের পানে মুহূর্ত্তমাত্র চাহিয়া রবির দিকে চাহিলেন ; বলিলেন—“এসো !” সে স্বরে আর সে চাহনিতে রবি যে আশ্বাস পাইয়াছিল, তাহাতে হাতের ভবির বইখানা সেই-খানেই ফেলিয়া সে নাগিয়া আসিয়াছিল ; বাবু তাহাকে হাত বাড়াইয়া গাড়ীতে তুলিয়া লইলেন। “ঠিক হয়েছে ; তুমি ওদিকে একলা বসতে পারবে, ভয় কব্বে না হো ?” বৌদ্ধপূর্ণ স্বরে রবি কহিল—“কিছু না !”

গাড়ীখানি যখন গেটের বাহির হইয়া বাইতেছিল, তখন স্তম্ভিত-প্রায় রাধানাথের পানে চাহিয়া বাবু বলিলেন—“সাতটার সময় ফিরে আসব, কোন ভাবনা নেহ তোমার।”

গাড়ী চলিয়া গেল ; হতভম্ব রাধানাথ কিংকর্তব্যবিমূঢ়ের গ্যায় সেই দিকেই অবাক হইয়া চাহিয়া রহিল। তাহার জীবনে এত বড় অঘটন-সংঘটন আর কখনও সে হইতে দেখে নাই। সম্মুখে বজ্রপাত হইলেও সে ইহার অধিক বিষয় বোধ করিত কি না সন্দেহ।

ছায়াঢাকা সম্মুখের পরিচিত রাস্তা ছাড়াইয়া গাড়ী যখন বড় রাস্তায় আসিয়া পড়িল, রবির বড় বড় কালো চোক আনন্দ ও বিস্ময়ে বিক্ষারিত হইয়া উঠিল ! বাড়ীর বাহিরে পরী ও দৈত্যাদের রাজ্য ছাড়া—মানুষের রাজ্যে যে এমন সব প্রকাণ্ড প্রকাণ্ড অট্টালিকা, সুসজ্জিত দোকান, অসংখ্য গাড়ী ঘোড়া, আবণ্ড কত বিচিত্র অদ্ভুত অদ্ভুত দৃশ্য থাকিতে পারে, রবি কোন দিন তাহা কল্পনাও করিতে পারে নাট। তাহাদের রাণীগঞ্জে ত এমন কিছুই ছিল না।

স্নেহপূর্ণ-কটাক্ষে রবির পানে চাহিয়া, নাবু জিজ্ঞাসা করিলেন “তুমি আর কখনও এদিকে আসনি বুঝি ?”

“না,—কখনও না।”

“তোমার ভাল লাগ্চে ?”

উৎসাহের সহিত মাথা নাড়িয়া রবি উত্তর দিল, “খুব ভাল লাগ্চে।” কিন্তু শীঘ্রই তাহার সে আনন্দ ভয়ে পরিণত হইল। মোড় ফিরিবার জন্য গাড়িখানা বাকিলে রবির মনে হইল, এখনি বুঝি সে পড়িয়া যাইবে। একটা অক্ষুট চাঁৎকার কবিয়া নাবুকে সে আঁকড়িয়া ধরিবার চেষ্টা করিল ; কিন্তু সাহস হইল না। তিনি রবির ভাব বুঝিতে পারিয়া তাহাকে দুই হাতে জড়াইয়া ধরিলেন।

শাস্ত হইয়া রবি কহিল—“ও কি হয়েছিল ? অমনতর হোল কেন ?”

“গাড়ীখানা মোড় ঘুরল কি না ; তুমি আমার পাশে বসবে ?”

“হ্যা, নৈলে আমি পড়ে যাব।”

একটু বিষম হাসিতে বাবুর বিষম মুখের ভাব অধিকতর পরিস্ফুট হইয়া উঠিল। তিনি রবিকে বাহবেষ্টনে ধরিয়া বলিলেন, “তোমার এ সব দেখতে ভাল লাগচে নোকা?—”

“হঁ!—আপনার?”

“আমার? আমারও লাগবে।”

“লাগচে না কেন?” রবি সশ্রদ্ধ-দৃষ্টিতে তাহার পানে চাহিয়া রহিল। বাবু বলিলেন, “দেখ, দেখ, কত উঁচু! ওর নাম কি জ্ঞান! ওকে বলে, মনুমেণ্ট; তুমি একদিন ওর উপর ডঠবে?”

“উঠবে! পড়ে যাব না? আপনি থাকবেন ত?”

একটা প্রকাণ্ড অফিস-বাড়ীর নিকট গাড়ী থামিলে, বাবু রবিকে গাড়ীতে বসিতে বলিয়া নামিয়া গেলেন। ক্ষিপ্ত-হস্তে দুই চাবিটি নিতান্ত প্রয়োজনীয় কাগজপত্র দেখিয়া, কর্মচারীদের যথাযোগ্য উপদেশ প্রদানান্তর ফিরিয়া আসিলেন।

অফিসের দ্বারবান্ তেওয়ারী এক থাম গরম দুধ ও সন্দেশ আনিয়া রবিকে খাওয়াইয়া গেল।

বাবু গাড়ীতে উঠিলে, গাড়ী আবার বাড়ীর পথে ফিরিয়া চলিল। বাড়ীর কাছাকাছি আসিয়া রবি তাহার নূতন বন্ধুটিকে কহিল—“আপনার মুখ কেবলত ছঃখু ছঃখু হ’য়ে থাকে। এখন কিন্তু আপনাকে খুব সুন্দর দেখাচ্ছে।” রবি দেখিল, তাহার মান-গস্তীর মুখ আরও গস্তীর হইয়া গেল। একজু সে তাহাতে ভয় পাইল

না, আর একটু কাছ ঘেসিয়া তাঁহাকে জড়াইয়া ধরিল। বাবু তাঁহাকে আর একটু কাছে টানিয়া, আদর করিয়া, কহিলেন—
“সোণা ছেলে!” বাড়ীর কাছে আসিয়া বাবু কহিলেন—“কাল সকালে আবার তুমি আসবে ত?”

“হ্যাঁ আসব—না আমি আসতে পারব না!” তাহার মনে পড়িয়া গেল যে, সকালে বাগানে “তাঁহার” কাছে যাইবার কথা আছে; কথা দিয়া কথা না রাখা যে ভারী দোষ তাহা সে জানিত।

“আসতে পারবে না? কেন আসতে পারবে না? তোমার খুব বেশি কাজ আছে বুঝি?” বাবুর স্বরে নিরাশা বা আনন্দ কিছুই বুঝিতে পারা গেল না। রবি খুব বেশি কাজের মানে বুঝিতে পারিল না, কিন্তু তাঁহার স্বর তাহার পছন্দ হইল না। কহিল—“দেখুন—” কথাটা বলিতে গিয়াই রবির মনে পড়িয়া গেল যে সে বলিয়াছে যে, তাঁহার সহিত সাফাতের কথা কাহাকেও বলিবে না। সে আগ্রহপূর্ণ নম্রস্বরে কহিল, “দেখুন, আমি বিকেলে আসতে পারি।”

তিনি হাসিয়া বলিলেন—“আচ্ছা, আমরা বিকেলেই বেড়াতে যাব; কাল তিনটের সময় তুমি ঠিক হ'য়ে থেক। ‘না’ বলবে না ত?”

“না; আমি তিনটের সময় আসব। ঐ বড় ঘাড়টায় তিনটে বাজলেই আমি দাঁড়িয়ে থাকব। দেখুন, আপনাকে আমার খুব ভাল লাগচে; আমার বাবার মত ভাল লাগচে!”

অন্যদিকে মুগ ফিরাইয়া গন্তীরস্বরে বাবু জিজ্ঞাসা করিলেন,
“তোমার নাম কি খোকা?”

“আমার নাম—আমার নাম শ্রীরবিলোচন রায়। আমার বয়স
পাঁচ বছর।”

রাধানাথ ধীরে ধীরে গেট বন্ধ করিয়া, বাবু যে পথে চলিয়া
গিয়াছিলেন, সেই দিকে তাঁ করিয়া চাতিয়া দাড়াইয়া রহিল।
ভাগিনেয়কে প্রশ্ন পধ্যস্ত করিল না।

৫

রবির সহিত এমনি করিয়া বাবুর ঘনিষ্ঠতা যখন বন্ধিত হইল,
তখন একদিন একটুখানি ক্ষণস্বরে তিনি জিজ্ঞাসা করিলেন,
“আচ্ছা রবি, তোমায় সকাল বেলা আসতে ব’লে আসতে পার না
কেন?” রবি ত্রুখিতভাবে কোটের বোতাম খুঁটিতে লাগিল,
উত্তর দিল না। অনেকবার ইচ্ছা হইল, সে বলে যে, তাহার
গাড়ী চড়িয়া বেড়াইতে ঘাইবার কথা সে তাঁহাকেও বলে নাট;
কিন্তু তাঁর কথা রবি ত বলিতে পারে না। তাই একটু অপ্রতিভ
হাসি হাসিয়া সে বাবুর অঙ্গুলিগুলি নাড়িতেছিল।

এমন অনেক কথা আছে, যাহা ভাষায় প্রকাশ করা যায় না;
কিন্তু সামান্য একটু হাসি-চাহনিতে ছবির মত তাহা পরিষ্কট হইয়া
উঠে। একটু স্নেহপূর্ণস্বরে বাবু কহিলেন—“আচ্ছা রবি! তোমার
গোপন-কথা ব’লে কাজ নাই—আমি তা শুন্তে চাইব না।”

বাবু ভাবিয়াছিলেন যে, রাধানাথের স্ত্রী সম্ভবতঃ সকাল-বেলাটা তাহাকে কোন কাজে আটক করিয়া বাধে; বাধা বালক কাজ ছাড়িয়া আসিতেও পারে না; আপত্তি করিতেও হয় ত তাহার সাহস হয় না। গোপন-কথার অর্থবোধ-সম্বন্ধে রবির অভিজ্ঞতা অধিক দূর অগ্রসর না হইলেও, তাহার বলিবার ভঙ্গ ও সুমিষ্ট সুরটি রবির ভারী মিষ্ট লাগিল; সে অকারণে খুব হাসিতে লাগিল। তাহার হাস্তোজ্জ্বল মুখের পানে চাহিয়া চাহিয়া হেনেদ্রবাবুর বিষম মুখের গাঙ্গারাবার আবরণখানা যেন একটু একটু করিয়া সরিয়া পড়িতেছিল।

৬

দশটা বাজিয়া গেল। রমণী হাতের মাসিকপত্রখানি টেবিলের উপর রাখিয়া দিলেন। প্রাণের আকাশে ক্ষণে ক্ষণে রোদ ও বৃষ্টির চাকিত পালাভিনয় চলিতেছিল। এখন বৃষ্টি খামিয়া গিয়াছে, বৃষ্টিধৌত বৃক্ষপত্রের শ্রুতি চিকনতা, গাছে গাছে পানীর দল কিচ্-কিচ্ শব্দ করিয়া ওজা ডানা ঝাড়িয়া ফেলিয়া শাস্ত হইয়া বাসিয়া আছে। বর্ষার বাতাস হুহু করিয়া গাছের পাতা দোলাইয়া ঘরে ঢুকিতেছিল; সবত্রই বায়ুতাড়িত জড়পদার্থের মধুরালাপ। রমণী উৎকণ্ঠিত আগ্রহপূর্ণনেত্রে বারবার বাগানের দিকে চাহিতে-ছিলেন। টেবিলেয় উপর একখানি রুপার খালায় কতকগুলি আঙ্গুর গুচ্ছ, আপেল, আতা, নেংড়া আম বজ্রাচ্ছাদিত; তাহার চাকনাটা, খুলিয়া রাখিলেন। একধারে কতকগুলি খেলনা,

ব্যাটবল ছবির বই সজ্জিত ছিল। একখানি রুলটানা খাতায় অঁকাবাঁকা হাতের লেখা, তাহার ক্ষুদ্র অধিকারীর স্মৃতিচিহ্ন প্রকাশ করিতেছিল। দণ্ডায়ালের গায়ে একখানি ঘড়ি টাঙ্গান আছে, লাটাইটা অদূরে একটা ত্রিপদীর উপর যত্নে রক্ষিত।

রমণী সতৃষ্ণচক্ষু বারবার বাগান হইতে গেটের বাহিরে যাতায়াত করিতেছিল। ক্রমে প্রতীক্ষা অসহ্য হওয়ায়, তিনি বাহিরে রোদ্রে আসিয়া দাঁড়াইয়া, সঙ্কচিত-দৃষ্টিতে চাহিয়া দেখিতে লাগিলেন। বাগানের সরু বাস্তুটি ধরিয়া খানক দূর অগ্রসর হইয়া গেলেন, মনের উৎকণ্ঠা ক্রমশঃই অসহ্য হইয়া পড়িতেছিল। ব্যাকুলচিত্ত ক্রমাগতই অশুভ কল্পনায় অধীর হইতেছিল— ঘড়িটা কি ভুল চলিতেছে? গেটটা বন্ধ নাহি ত? না, গোলাই আছে? সে কি তবে ফিরিয়া গিয়াছে? কিন্তু তিনি ত কোথাও সরিয়া যান নাই, বারবার এইখানেই ত উপস্থিত রহিয়াছেন! না ডাকিয়াও সে ত কখনও ফিরিয়া যায় না। তবে? নিরুপিত-সময়ে অনুপস্থিত আজ বে রবির প্রথম। এমন ত আর কোন দিন ঘটে না! কথারাখা তাহার স্বভাব, জলঝড়েও সে বাধা মানিত না। কতদিন এইজন্ম শাসনস্থলে প্রচুর স্নেহ আকর্ষণ করিয়া লইয়াছে। সময় সময় হয় ত সংসারের কাজে তাঁহারই আসিতে বিলম্ব হইয়া গিয়াছে, রবি তাহার বড় বড় কালো চোখের ব্যাকুল দৃষ্টিতে বিদ্ধ করিয়া মাভিমানের স্ফীতিসাধন করিয়াছে, “এত দেরি হ’লো কেন মা?” মন্দিচাধরা ঐ লোহার রেলিংঘেরা, গেটটা

যে আর কখনও খোলা হইবে, একথা দুইমাস পূর্বে তিনিও মনে করিতে পারেন নাই। এই অন্ধকার শব্দহীন গৃহখানাতে আবার যে কোন দিন বালকণ্ঠের কলহাশ্রুধ্বনি মুগ্ধরত হইবে, তাহা স্বপ্নেরও অপ্রত্যাশিত। অন্ধকার নিশীথে বিভ্রান্ত বিকাশ হয় অন্ধকারের গাঢ়ত্ব প্রতিপাদন করিতে; ইহাও কি তবে তাই? একি মরীচিকা যে, সুগভীর বেদনা হৃদয়ের সমুদয় অংশটিকে জুড়িয়া রাখিয়াছে, তাহার মূল উৎপাতন করিতে হইলে, হৃদয়খানাকেও ভাঙিয়া ফেলিতে হয়;—তাহা ত জীবনাশের সঙ্গী। যে অসীম চোখের গাঢ় অন্ধকার অশ্রুঃকরণের সবটুকু আচ্ছন্ন করিয়া রাখিয়াছে, সেই সুগভীর অন্ধকারে সুমধুর আলোক-রেখাটির মত আনন্দের যে ক্ষণ ধারাটি মুহূর্তেই ঝরিতেছিল—সে যে ঐ রবি। চোখের উপর হইতে, সরু পথটি, ঝোপঝাপওয়ালা নাগানখানি ধীরে ধীরে অদৃশ্য হইয়া গেল। মেঘ কাটিয়া গিয়া অগ্নান রৌদ্রে সমস্ত আকাশ ভরিয়া গিয়াছে। শান বাধান ছেটি পুকুরের জলে ঢেউগুলি হীরককণার মত ঝকঝক করিতেছিল—রাঙামাছের দল প্রতিদিনের মতই জলের ভিতর সন্তরণ-বিষ্ঠার অনুশীলনে হর্ষোৎফুল্ল। বাতাসে গাছের পাতার মর্ম্মরধ্বনি। আপাদমস্তক পুষ্পখচিত লেবু গাছটির ঝোপের ভিতর লুকাইয়া গন্ধবিভোর বর্ষার কোকিল সুগভীর স্তব্ধতাকে থাকিয়া থাকিয়া সচকিত করিয়া দিয়া ডাকিতেছিল, “কুউ-উ।” জড় ও চৈতন্যের মর্ম্মে মর্ম্মে একটা বিস্মৃত স্মৃতির পুলক-রেখা সর্বত্রই সজাগ।

“সে কেন এল না—কেন এল না সে?” একটা অক্ষুট আশঙ্কা ক্রমাগতই তাঁহার মনের মধ্যে উত্তাল হইয়া উঠিতেছিল। জীবনের পাত্র হইতে যে দুইএরই স্বাদ গ্রহণ করিয়াছে, তাহার নিকট ভিক্রম্বাদ দুঃখ বা মিষ্টবাদ স্বাদ, দুইই যে সুপরিচিত। তথাপি বন্ধনজাল অনিচ্ছাতেও এমনি নিবিড়ভাবে জড়িত হইয়া গিয়াছে, যে, তাহা আর অস্বীকার করিবার উপায় নাই। “সে কি তবে তাঁহাকে ভুলিয়া গিয়াছে? কোন নতুন ক্ষুদ্র সঙ্গী কি তাঁহার স্থান অধিকার করিয়াছে? না, তাহা ত সম্ভব নহে? কাণ মকালে বিদ্যাবের পূর্বেও যে সে তাঁহাকে সুকোমল ছোট হাত দুইগানির স্নেহবন্ধনে জড়াইয়া ধরিয়া চুষন দিয়াছে; চুষনের সে চিহ্নটুকুও বাবা খুঁজিলে গেলে, সুখস্পর্শটুকু এখনও যে অণুরে অনুভূত হইতেছিল। তবে? হা জৈশন! বুঝি তাঁহার অদৃষ্টের সহিত স্নেহবন্ধনে জড়িত হইতে চাঠিয়াছিল বলিয়াই দালকের কোন বিপদ ঘটিয়াছে? গাবিতে বৃকের যখন বেদনা অসহ্য হইয়া পড়িল, বমণী তখন আসন ছাড়িয়া দ্রুতপদে অগ্রসর হইলেন। এখনই তাহার খবর চাই। নিশ্চয়ই তাহার কিছু অমঙ্গল ঘটিয়াছে।

ঠিক সেই সময় গেটের অপব দিক্কার ঘবখানির দরজা খুলিয়া গেল। বমণী তড়িতাহতের মত ফিরিয়া দেখিলেন, না, এ রবিনতে—আগনুক তাঁহার স্বামী। দুই বৎসর পরে আজ প্রথম তিনি ঘরে আসিয়াছেন;—এই সুদীর্ঘ দুই বৎসর তিনি সাবধানে বাড়ীর এই অংশটিকেই পরিত্যাগ করিয়া আসিয়াছেন, দুই বৎসর পূর্বে

তাঁহারা স্বামী স্ত্রীতে মিলিয়া; যখন ঐ পুষ্পখচিত উদ্যান মধ্যে ঐ শুভ্র বেদির উপর আসিয়া বসিতেন, তখন আর একখানি ছোট মুখ তাঁহাদের হৃৎকেন্দ্রের মাঝখানে কি গভীর আশা-আনন্দের আলোকেই প্রদীপ্ত হইয়া ফুটিত। টগর ও বাতাবীলেবুর ফুলে ভরা বাগানের এই অংশটোতে যে সুকোমল ভাষা লহরী তাঁহাদের হৃদয়ের প্রতি স্নায়ুজালের উপর আনন্দের বিচিত্র সঞ্চালিত করিয়া ধ্বনিত মুখরিত হইত, তাহার অস্পষ্ট গুঞ্জনধ্বনি এখনও বুঝি বাতাসে লাগিয়া বাহিয়াছে। কাণ পাতিলে শুনা নাহিবে। তারপর, একদিন বিশ্ব যখন জ্যোৎস্নাকালে স্নান করিয়া, সেফালিকার সুগন্ধি মাগিয়া, পাপিয়ার কলঝঙ্কারে দিগন্ত মাতাইয়া ভুলিয়াছিল, তেননি জ্যোৎস্না-রাতে মায়ের বুক হততে কন্দকলির মত শুভ্র নবনীর গায় কোমল সেফালিগুচ্ছের মত সুরভ ফুলটিকে ছিনাইয়া লইয়া নিষ্ঠুর কাল কোন অনিদ্দেশ্য পথে যাত্রা করিয়াছে। সেই দিন হইতেই ঐ লোহার গেট্ বন্ধ হইয়া গিয়াছে,—সে আর ফিরিয়া আসিবে না! তাই চিরদিনের জন্যই তাহার পথ রুদ্ধ করিয়া দেওয়া হইয়াছিল!

হেমেন্দ্রনাথ সেই দিন হইতেই অট্টালিকার এ অংশ ভাগ করিয়াছেন; ভুলিয়াও আর এদিকে পদার্পণ করেন না। পরিত্যক্ত সর্পনির্মোকের মত অতীতটাকে যদি পরিত্যাগ করিবার তাঁহার ক্ষমতা থাকিত, তাহা হইলে বুঝি ভালই হইত। তাই, সেই চেষ্টাই এ পর্যন্ত প্রাণপণে করিয়াও আসিতেছিলেন। রমণী যে শোকের স্মৃতিকে জাগাইয়া রাখিতে চায়, পুরুষ তাহা হইতে দূরে

থাকিতেই ভালবাসে। রমণীর সহিষ্ণুতা অধিক, তাই সে আঘাত পাইলেও আহত অংশটাকে বাদ দিতে বাজি হয় না।

রমণী বুঝিলেন, স্বামী অত্যন্ত দুঃখের সহিত এই অচিন্তিত দৃশ্যটিকে গ্রহণ করিতেছিলেন। এখানে এমন করিয়া আবার যে এই সব ছোট ছোট স্মৃতিচিহ্ন সজ্জিত হইতে পারে, ইহা বাস্তবিকই তাঁহার ধারণার অতীত! তিনি কি পত্নীর নিষ্ঠুর হৃদয়হীনতায় ক্ষুব্ধ হইয়া গিয়াছেন? তিনি কি সত্যসত্যই বিশ্বাস করিয়াছেন যে, “মণি”কে সে ভুলিয়া গিয়াছে? তাহারই শূন্য সিংহাসনে অগ্নের প্রতিষ্ঠা করিয়া, তাহার স্মৃতিকেও মছিয়া ফেলিয়াছে! অতীত ও বর্তমানের সংক্ষুব্ধ স্মৃতির তাড়নায় তাঁহার অন্তরে যে নিদারুণ ঝটিকা উখিত হইতেছিল, বাহিবে তাহার অধিক প্রকাশ বুঝা গেল না। কম্পিত দেহের ভর দ্বারের উপর রাখিয়া, অত্যন্ত ম্লান হাসি হাসিয়া, রমণী স্বামীর প্রতি চাহিলেন; কিন্তু চেষ্টা করিয়াও অগ্রসর হইতে পারিলেন না। কখন দেখা যায় অতি দুঃখের গাম্ভীৰ্য হাঙ্গে। হেমেন্দ্রনাথ হাসিয়া স্ত্রীর দিকে অগ্রসর হইয়া আসিলেন। অনেক দিনের পর স্মৃতি-সাগরের তলদেশ আন্দোলিত করিয়া, যে গভীর বেদনা ও আকস্মিক উত্তেজনা তাঁহার অন্তরে উত্তাল হইয়া উঠিতেছিল, মুখে তাহারই সুগভীর ছায়া ফুটিয়া উঠিল। অভিভ্রেরা সে হাসি দেখিলে নিঃসন্দেহ ভীত হইতেন।

তাঁহার মুখের পানে চাহিয়া রমণী বুঝিলেন, স্বামী যে জন্মই হাসিয়া থাকুন, তাঁহাকে তিরস্কার করিবার উদ্দেশ্যের ভাব সে মুখে

নাই। প্রার্থনাপূর্ণ দৃষ্টিতে পত্নীর পানে চাহিয়া স্বামী কহিলেন—
 “অরুণা!” কথাটা শেষ না কবিয়াই অত্যন্ত মনোযোগের সহিত
 নত দৃষ্টিতে চুরুটটার অগ্নি নির্ঝাপিত হইয়া গিয়াছে কি না তাহাবই
 পরীক্ষা করিতে করিতে কহিলেন—“তুমি আশ্চর্য্য হচ্ছ—আমি—
 আবার—এখানে—এসেছি। তুমি হয় ত জান না, বাড়ীর বাইরে
 একটি ছোট ছেলে আছে, ভগবান্ তাকে আমার কাছে পঠিয়ে
 দিয়েছিলেন—বাধানাথ তার মা—অতি নিষ্কোষ হৃদভাগা সে,
 সে আমায় খুসী করবার জন্যে ছেলেটিকে গাছে উঠতে বলে; ফল
 পাড়তে ছেলেটি পড়ে গিয়ে—। অরুণা অরুণা ভয় পেয়েচ?”

“না, না, তাবপর—তার কি হোল-ওগো বল, কি হোল
 তার?”

হেমেন্দ্রনাথ অতিমাত্র বিষ্ময়েব সহিত দেখিলেন, পত্নীর মুখ-
 খানি একেবারে পাণ্ডাস হইয়া গিয়াছে; সমস্ত দেহ বায়ুতাড়িত
 বেতসপত্রের মত খরখর করিয়া কাঁপিতেছে। পত্নীর কম্পিত
 হাতখানি সম্মুখে আপনার হস্তে ধারণ করিয়া, স্বগভীর করুণা-
 পূর্ণ দৃষ্টিতে হেমেন্দ্রনাথ পত্নীর উদ্বেগ-পীড়িত বিবর্ণ মুখের পানে
 চাহিয়া বলিলেন—“শাস্ত হও, অরুণা, আমি ভয়ের কথা কিছু
 বলিনি ত। আমি তোমায় জানাতে এসেছিলুম—”

“বল, কি জানাতে এসেছিলে বল—আমি সব সহিতে পারব—”

রমণী হাঁফাইতেছিলেন। চোখে জল ছিল না; একটা উত্তপ্ত
 অগ্নিশিখা মেন চোখ দিয়া বাহির হইয়া আসিতে চাহিতেছিল।

পত্নীর আকস্মিক বিচলিতভাবে বিস্মিত হইয়া হেমেন্দ্রনাথ বলিলেন—“ছেলেটির ডান-হাতের হাড় ভেঙ্গে গেছে। ডাক্তার সরকার হাতে ব্যাণ্ডেজ বেঁধে দিয়েছেন। আমি বলছিলাম, রাখানাথের ও ঐ ঘরদোর—ওখানে ত ভাল জায়গা নেই, ওখান থেকে ওকে সরালে হো'ও না?”

“না, না, ওগো তা কোরনা, তাকে ইস্পাতালে পাঠিও না ভূমি।” অকণা ব্যগ্রভাবে স্বামীর কাল অবলম্বন করিল।

“না—তা পাঠাব না। আমি ভাবছিলাম, ওকে বাড়ীতে এনে রাখলে হয় না! না থাক, তাতে কাজ নেই—তোমার অসুবিধা হবে, হয় ত? ছেলেটি বড় ভাল—আহা বাপ মা নেই - রাখানাথ তার নাম—” হেমেন্দ্রনাথ পত্নীকে আর একটু কাছে টানিয়া কোমলতর স্বরে পুনরায় কাহিলেন—“এখন ভূমি যা ক'রবে, বলবে, তাই হবে!”

স্বল্প গৃহে বহুক্ষণ পযাস্ত স্নেহভীর নিশ্চক্ৰতা বিস্তৃত হইয়া রাখিল। অনেকের পর অকণা মুখ তুলিয়া স্বামীর মুখের পানে চাহিল। সে চক্ষু তাঁহারই মুখের উপর স্নেহবর্ষণ করিতেছিল! কে বলে সে হতভাগিনী?—এমন বরণাময় উদার উন্নত-হৃদয় স্বামীর স্ত্রী সে। জীবনের—জন্মের এতখানি সার্থকতা সত্যি সে পাইয়াছে। আর সেই স্নেহেব বন্ধন? তাঁহাদের দুইটী জীবন-শ্রীর একই সুর। কে বলে সে নাই? তাঁহাদের অন্তরের সবখানটাই যে সে জুড়িয়া পরিপূর্ণ করিয়া রাখিয়াছে। সে নাই, কিন্তু তাহার স্মৃতি ত

আছে ? আর সে স্মৃতি ও আজ ক্ষুদ্র সীমাবদ্ধ নহে—বিশ্বের সকল শিশুর ভিতর তাহার স্মৃতি এক হইয়া ক্ষুদ্র ‘স্ব’কে বৃহৎ করিয়া তাহার কত স্মৃতিকে বৃহত্তর করিয়া তুলিয়াছে ।

দীর্ঘে ধীরে অগ্রসর হইয়া অরুণা দরজার নিকট আসিয়া দাঁড়াইল ; “এদিকে এস—তুমি বার কথা বল্চ, এসব তারই জ্ঞান । রোজ সকাল-বেলা সে আমার কাছে আসত, খেলা করত, পড়ত, তাকে যেদিন পথম দেখি, সে ঐ গেটের দারে ঘাসের উপর উপুড় হ’য়ে প’ড়ে তার মা’র জ্ঞানো কাঁদছিল । আমি মনে কবেছিলুম, তার কথা সব তোমায় বলব ; কিন্তু বলতে পারিনি । অন্যার মনে হ’য়েছিল, তুমি হয় ত আমায় ভুল বুঝবে, ভাববে খোকা’কে—আমার বাছকে—আমি ভুলে গেছি । রবি আমায় শাস্তি দিয়েচে—তাকে অবলম্বন ক’রে আমি সকল ছেলেকে ভালবাসতে শিখে, আমার হারাধনকে ফিরে পেয়েছি ।”

হেমেন্দ্রনাথ সুগভীর স্নেহের সহিত পত্নীকে আলিঙ্গনে বদ্ধ করিলেন । আবেগের অশ্রু হু হু করিয়া তাঁহার দুই চোখ ছাপাইয়া বাহির হইয়া আসিতেছিল । অশ্রুতে কণ্টরুদ্ধ হইয়া বলিলেন, “আমি সব বুঝতে পেরেছি অরুণা ! আমাকেও সে সুখী করেছে—তার ভালবাসা দিয়ে সে আমায় জগৎকে ভালবাসতে শিখিয়েচে । আজ মনি আমার একলার নয়, জগতের সকল ছেলেই আমার মনি ।”

একটা সুগভীর নিঃশ্বাসে হৃদয়ভার লঘু করিয়া দিয়া অরুণা কহিল—“ভগবান্ তাকে আমাদের কাছে এনে দিয়েছেন । সে

তাঁরই দান। তাকে ভালবেসে আমরা মণির কাছে অপরাধী হব না—।” তাহার বেদনাতুর বক্ষে যে করুণ সুর ধ্বনিত হইতেছিল, যেন তাহারি অনুরণন সারাবিশ্ব প্রাবিত করিয়া দিয়াছিল। সংসারাকুল চিত্ত নিজের কাছে অনেকবারই এই প্রশ্ন তুলিয়াছে— সন্দেহ অমীমাংসিত হইয়া গিয়াছিল। আজও তাই ঐ কথাই তাঁহার মনে হইল। মৃত সস্তানের স্মৃতির নিকট সত্যই কি তিনি অপরাধিনী হইতে চলিয়াছেন! পরের ছেলেকে ভালবাসিয়া নিজের স্বর্গগত পুত্রকে অবহেলা করিলেন না ত? রুদ্ধকণ্ঠ পার্শ্বকার করিয়া হেমেন্দ্রনাথ কহিলেন—“ডাক্তার তার কাছে ব’সে আছেন—তুমি মাঝে কি সেখানে— তাঁর কাছে?”

বাগানের ধারের সুদাজ্জিত প্রশস্ত গৃহে জানালার ধারে পাটের উপর রবি শয়ন করিয়াছিল। পাশে বসিয়া সন্মুহনেত্র চাহিয়া অকণা তাহাকে পাখার বাতাস করিতেছিল। রবির হাশ্রোজ্জল মুণ্ডের পানে কিছুক্ষণ অতৃপ্তনেত্র চাহিয়া চাহিয়া কহিলেন— “ডাক্তার ব’লে গেলেন, কাল তুমি উঠে বেড়াতে পাবে। আস্তে হুপ্তায় আমরা দাজ্জিলিংএ যাব।”

“দাজ্জিলিংএ যাবেন—সে কোথায়?”

“সে অনেক দূর—পাহাড়ের উপর দেশ— খুব সুন্দর জায়গা সে।”

“পাহাড়ের উপর সেখানে বাড়ী আছে? লোকেরা থাকে কোথায়?”

“তুমি গেলেই দেখতে পাবে, খুব বেড়াবার সুবিধা সেখানে ।
বাড়ী আছে বই কি—কত ভাল জিনিষ দেখবে ।”

রবি খুসী হইয়া হাসি-মুখে কহিল—“বাবু কোথায় গেলেন ?—
এখন আসবেন ব’লে গেলেন যে !”

“এ যে তিনি আসছেন—বাবুকে তুমি ভালবাস রবি ?” খোলা
জানালা দিয়া রবি চাহিয়া দেখিল, হর্ষোৎফুল্লকণ্ঠে বলিয়া উঠিল,
“খুব ভালবাসি—দেখুন”—রবি তাহাব সুন্দর মুখের মিষ্ট হাসিতে
সুধা ঢালিয়া দিয়া কহিল—“দেখুন—বাবুকে কেমন সুন্দর দেখাচ্ছে
আজ ? আমার ইচ্ছে করে, ওঁকে আমি বাবা ব’লে ডাকি ।”

রমণী উঠিয়া জানালার ধারে গিয়া দাঁড়াইয়া বাহিরের দিকে
চাহিয়া রহিলেন ।

হেমেন্দ্রনাথ ঘরে ঢুকিয়াই প্রফুল্লমুখে কহিলেন—“সব ঠিক হ’য়ে
গেল—রাধানাথের স্ত্রী কিন্তু ভারী কাঁদে । তার একটুও ইচ্ছে
ছিল না ।”

স্বামীর পানে চাহিয়া ব্যথিতস্বরে অরুণা উত্তর দিলেন, “আহা,
হবে না—তারা ত আপনার জন ! আমার কিন্তু ওর উপর ভারী
ভুল বিশ্বাস ছিল । আমি ভাবতুম, পাথরে-গড়া পুতুল ও, মন্ টন্
বুঝি কিছু নেই । ওদের জন্তে, একটু ব্যবস্থা ক’রে দিলে ত ?”

হেমেন্দ্রনাথ সম্মেহ-দৃষ্টিতে রবির পানে চাহিয়া কহিলেন—“হাঁ
মহল চাকরাদিতে ওকে তদশিলদারের কাজে পাঠাবার বন্দোবস্ত
ক’রে দিলুম । লেখাপড়া কিছুই জানে না তেমন ত, ক’বেই বা

কি ? ইচ্ছে হ'লে রবিকে মাঝে মাঝে দেখে যেতে ব'লে দিলেম,—
 যাবার সময় রবিকে দেখে যেতে বলায়, সে কি ব'লে জান ? সে
 ব'লে “বাবু আনায় মাপ ক'র্বেন—সে সুখে আছে, তার সুখের
 জ্ঞে আমি তাকে ছেড়ে দিলুম, কিন্তু মানুষের মন বড় পাঞ্জী, তার
 মুখ দেখলে হয় ত তাকে ছেড়ে দিতে পারব না। লোভ থেকে
 দূরে থাকাই ভাল।” রবির ছোট হাতখানি নিজ করতলে চাপিয়া
 ধরিয়া কহিলেন—“আচ্ছা রবি, আমাদের কাছে বরাবর তুমি
 থাকতে পারবে ত ? ভাল লাগবে তোমার ?”

অরুণা তাহার দুই বাগ্র চক্ষুর ব্যাকুল দৃষ্টি বালকের মুখে
 স্থাপিত করিয়া, প্রতিধ্বনি করিল, “থাকতে পারবে ত ? বল—
 বল—বরাবর থাকবে—ছেড়ে যাবে না কোথাও ?”

সে আগ্রহব্যাকুল প্রার্থনার উত্তরে রবি তাহার বড় বড়
 কালোচোখের বিস্মিত দৃষ্টি দুইজনের মুখে স্থাপিত করিয়া, অত্যন্ত
 সহজ সুরে কহিল—“এখানেই আমি থাকব ত মা। তোমাদের
 ছেড়ে কোথাও যাবনা ত !”

কেহ শিখাইয়া না দিলেও রবি যে অরুণাকে কেন আজ
 মাতৃ-সম্বোধন করিল, তাহা শিশু-হৃদয়ে যিনি সুখ-অনুভূতি দিয়াছেন,
 তিনিই বলিতে পারেন। হয় ত অরুণার মুখে আজ এমন কোন
 মাতৃভাব প্রকটিত হইয়াছিল, বাহাতে রবির মা-ভায়া চিত্ত আজ
 মাতৃ-সম্বোধনের লোভ ত্যাগ করিতে পারিল না। অরুণা মুখ
 ফিরাইয়া খোলা জানালার বাহিরে জলভারাকুল দৃষ্টি ফিরাইয়া

অন্তরের সুখদুঃখের উষ্মল আঘাতটা সহিয়া লইতেছে, বুঝিয়া হেমেন্দ্রনাথ পত্নীর আরো কাছে আসিয়া তাহার কাঁধের উপর হাত রাখিয়া মৃদুকণ্ঠে কহিলেন—“আর সে কাজটাও আজ শেষ ক’রে ফেলা গেল। ইঞ্জিনীয়ার সুরেনবাবু আনাথ-আশ্রম তৈরীর সব ভার নিয়েছেন।” একটুখানি থামিয়া পুনরায় কহিলেন—“মণির নামে যে কুড়ী হাজার টাকা ছিল, সেটাও ঐ কাজে খরচ হবে। আশ্রমের নাম ‘মণি-আশ্রম’ রাখাই ঠিক হোল।”

অরুণা উঠিয়া মাটিতে জানু পাতিয়া ভূমে মাথা লুটাইয়া প্রণাম করিতে, হেমেন্দ্রনাথ তাহার পাশে বসিয়া তেমনি করিয়াই সেই দুঃখের মধ্যে সুখপ্রদাতা অনন্ত মঙ্গলময়ের উদ্দেশে প্রণত হইলেন। স্বর্গীয় সন্তানের পূর্ণ কল্যাণ কামনার হৃদয়োখিত প্রার্থনা অব্যক্ত ভাষায় শেষ করিয়া মুখ তুলিতেই দেখিতে পাইলেন রবি তাহার ছোট হাত দুখানি যুক্ত করিয়া উর্দ্ধনেত্রে প্রণাম করিতেছে। তাহার শুভ্র গণ্ডে দুইটি জলের ধারা গড়াইয়া পড়িয়াছে। অরুণা কাছে আসিয়া, সেই সজল কোমল গণ্ডে চুম্বন করিয়া ধরা-গলার কহিলেন—“তোমার প্রার্থনাই সেখানে পৌঁছুবে মানিক্—তুমি বল সে যেন তৃপ্তি পায়,—যেন সুখে থাকে।”

বেবা

১

কলিকাতা-বিশ্ববিদ্যালয়ের উপাধি-পরীক্ষা শেষ হইয়া গেল।
অশনি বি-এ পরীক্ষা দিয়া কাশীধামে মাতৃ-দর্শনে আসিল।

অশনিকান্ত ঘোষালের আদিবাস হালি-সহরে ; কলিকাতায়
জ্যেষ্ঠা-মহাশয়ের নিকটে থাকিয়া সে বিপণ কলেজে পড়িত।
তাহার পিতা জগদীশচন্দ্র ঘোষাল বহুকাল কাশী-রাজার 'প্রাইভেট
সেক্রেটারী'র কাজ করিয়া তিন বৎসর হইল কাশী-প্রাপ্ত হইয়া-
ছেন। জগদীশবাবুর মৃত্যুর পর তাহার বিধবা ভাৰ্য্যা তাহারই
অনুসৃত পন্থার আকাঙ্ক্ষায় কাশীতেই রহিয়া গেলেন। ছুটির পর
অশনি যখন কলিকাতায় ফিরিয়া যায়, কখনও মা তাহার সঙ্গে যান,
তুই-একমাস ভাসুরের বাড়ীতে থাকিয়া পুনরায় কাশীতে চলিয়া
আসেন। অশনি ছুটির সময় কাশী আসে এবং ছুটির শেষ-দিনটি
পর্যন্ত পরম নিরুদবেগে কাটাইয়া, পুনরায় কলিকাতায় ফেরে।

কাশীতে শুধু যে অশনির মা-ই ছিলেন, এমন নয় ;—আরও
একটি প্রবল আকর্ষণ অশনিকে তীর্থবাসী করিয়া তুলিয়াছিল।
সে আকর্ষণটি 'বেভারেণ্ড' বহুবিহারী গুহের কন্যা বেবা।

বেবা মাতৃ-পিতৃ-হীনা। অভিভাবিকা এক খুড়ীর তত্ত্বাবধানে

সে কাশীতে বাস করিত এবং 'শিগুরা মিশন স্কুলে' বিদ্যাশিক্ষা করিত। রেবাদের বাড়ী অশনিদের বাড়ীর কাছেই। সর্বদা দেখা-শোনা এবং বাতায়াতে বন্ধুত্ব ক্রমে আত্মীয়তায় দাঁড়াইয়াছিল। মাতৃহীনা রেবা অশনির মাকে মাতৃ-সম্বোধনে তাঁহার মনের মধ্যেও অনেকখানি স্থান করিয়া লইয়াছিল। অশনি তাহার ছেলেবেলার বন্ধু, শিক্ষক, খেলার সাথি। বয়সের সহিত শৈশবের অনাবিল স্নেহ যে ভিন্নভাবে ধারণ করিতেছিল, তাহা সমবয়সী এই দুই বিভিন্নশ্রেণীর নরনারীর নিজেদের মনের অগোচর না হইলেও বাহিরের লোকে কাণাঘুসা করিতেছিল। অশনির মা-ও ইহা লক্ষ্য করিতেছিলেন।

অশনি আশৈশব রেবার সহিত বন্ধুত্ব করিয়া আসিলেও নিষ্ঠাচারপরায়ণা মাতা ও পিতার শিক্ষা, সাহচর্য্য ও দৃষ্টান্তে মনের মধ্যে যথেষ্ট জাত্যাভিমান পোষণ করিত। কিন্তু কিছুদিন হইতে তাহার ভাব-ভঙ্গী চাল-চলনে অত্যন্ত পরিবর্তন দেখা যাইতেছিল। সে এখন জোর করিয়া রেবার স্বহস্তে প্রস্তুত লুচি-মোহনভোগে উদর তৃপ্ত করে, রেবার জলের কুঁজা হইতে জল লইয়া খায়, এবং আরো ছোট-বড় অনেকগুলি আপত্তিজনক কার্য্যে মাতার মনে যথেষ্ট বিভীষিকা উৎপাদন করিয়া থাকে।

এবার বাড়ী আসিয়াই অশনি শুনিল তাহার বিবাহ। বৈশাখের প্রথমেই যে-দিনটা শুভলগ্ন লইয়া উপস্থিত হইবে, সেই দিনেই কার্য্য সুসম্পন্ন করা হইবে। ইহা শুনিয়া অশনি প্রথমে রাগ

করিয়া মুখভার করিল, ভাল করিয়া খাইল না ; মাতার সহিত কথা कहিল না । কিন্তু যখন এ মুষ্টিযোগে মায়ের টংসাহের হাস হইতে দেখা গেল না, তখন সে মায়ের কাছে গিয়া স্পষ্ট করিয়া कहিল,—“এ-সব কি শুন্চি ?—এ রকম ত কোন কথা ছিল না ।”

মা তখন স্নানের পর উঠানে বোদে বসিয়া পিঠের উপর ভিঙ্গা চুলগুলি মেলিয়া দিয়া, চটের উপর খুঁড়া কাপড় বিছাইয়া কলাইয়ের দালের বড়ি দিতেছিলেন । ছেলের কথায় মুখ তুলিয়া চাহিয়া, মুহু হাসি হাসিয়া তিনি कहিলেন,— “কি রকম কথা ছিল তবে, শুনি ?”

অশনি মুখ ভার করিয়া कहিল,— “আমি ত তোমায় বরাবর ব'লে আস্চি, পড়া শেষ না হ'লে, বিয়ে টিয়ে কোরবো না ।”

পুঁটির মা এতক্ষণ কাশী-ভরা পিষ্ট দালে সঘন কর-তাড়নার রীতিমত ব্যায়াম-কৌশল প্রদর্শন করিতে করিতে দাদাবাবুর বিবাহে সোণার তাগা ও তসরের সাটী ফর্মাইস দিয়া হস্ত-বেদনার উপশম করিতেছিল । দাদাবাবুর গম্ভীর মুখ ও কণ্ঠস্বরে তাহার আশার প্রদীপ অনুজ্জল হইয়া পাড়ল । ছেলের কথায় মা ততোধিক গম্ভীর-মুখে कहিলেন—“কিন্তু আমি ত তোমায় বরাবরই ব'লে আস্চি যে, এ-সব বিদুকুটে আব্দার চলবে না । বি-এ পরীক্ষা দিয়েই তোমায় বিয়ে ক'রতে হবে ।”

অশনি স্লেষের স্বরে कहিল,—“তার চেয়ে সোজা কথায় বল না, অতীন্দ্র চৌধুরীর টাকশালকে ধরে আনবে ; বৌ আনবে না !”

মা হাতের কাজ বন্ধ না করিয়া, মুখ না তুলিয়া কহিলেন—“সে তোর যা খুসী মনে করিস্ । বিয়ে তোকে ক’রতেই হবে । সে কি কথা ? ভদ্রলোককে কথা দিয়েছি ! আর মেয়ে ? খাসা মেয়ে ! ইচ্ছে হয়, নিজের চোখে দেখে আসিস্ । তোর যাতে মন্দ হবে, তেমন কাজ আমি কোরবো না, এবিশ্বাস তুই আমার’ পরেও রাখতে পারিস্ ।”

এ কথার পর আর তর্ক করা চলে না । অশনিও তাহা করিল না । সে চলিয়া যাইবার সময় কেবল নিজের অসম্মতিসূচক অশুট বিরক্তি প্রকাশ করিতে করিতে গেল । যা একটা দীর্ঘশ্বাস ফেলিয়া মনে মনে কহিলেন—“এ ঝড় যে উঠবে, তা আমি আগে থেকেই জানি । ভালয় ভালয় এগন দু’হাত এক করতে পাল্লে বাবা বিশ্বনাথ, তোমায় সোনার বেলপাতা দিয়ে ঘোড়শো পচারে পূজো দেব ; ছেলের আমার সুবুদ্ধি দাও ।”

তাহার পর অশনি বাহিরে বৈঠকখানা-ঘরে জাজিম-মোড়া তক্তাপোষের উপর পড়িয়া, খানিক গড়াইয়া, খানিক খবরের কাগজের অনাবশ্যক বিজ্ঞাপন স্তম্ভে চোখ বুলাইয়া উঠিয়া বসিল । তাহার মনে হইল, রেবা হয় ত, এতক্ষণ তাহারই প্রতীক্ষায় পথ চাহিয়া বসিয়া আছে । চিঠিতে সে রেবাকে আশা দিয়া রাখিয়াছে, এবার তাহার কবিতার খাতা প্রায় পূর্ণ হইয়া আসিয়াছে, পুস্তক ছাপাইবার পূর্বে সে-গুলি দুই জনে মিলিয়া বাছাই করিয়া লইবে । উৎসর্গ করিবে কাহাকে, তাহাও স্থির হইয়া আছে । কেবল বটখানির নাম লইয়াই মতভেদ চলিতেছিল ।

এবার কাশী আসিয়া অশনি রেবার সহিত সাক্ষাৎ করিতে যায় নাট, রেবাই আসিয়াছিল। অশনির মনে হঠল, এই কয় মাসের অদর্শনে রেবা যেন অনেকখানি পরিবর্তিত হইয়া গিয়াছে! তাহার সে অকারণ হাসি আক্ষার নাই! তাহার চালচলন এত গম্ভীর যে, অশনির মনে হইতেছিল, সে যেন হাত বাড়াইয়া আর তাহার নাগাল পাইতেছে না। হয় ত, মায়ের এই সব পাগলামীর খেয়ালও সে শুনিয়াছে,- এই কথাটা মনে হইতেই অশনি মনে মনে অত্যন্ত লজ্জানুভব করিল।

২

রেবা তাহার পড়িবার ছোট ঘরখানিতে একখানি ইংবাজী নভেল হাতে লইয়া পড়িবার ভাগে বসিয়াছিল। পাঠের ইচ্ছা তাহার এতটুকুও ছিল না। সে বসিয়াছিল কেবল ভাবিবার জন্য। কিছুদিন হইতেই সে অশনির বিবাহের কথাবার্তা শুনিয়া আসিতেছে; উদ্যোগ আয়োজন চলিতেছে, তাহাও দেখিতেছে। যতক্ষণ সেখানে থাকে, সেও যথেষ্ট উৎসাহ দেখাইয়া আনন্দ প্রকাশ করে, কিন্তু এখন বাড়ী আসিয়া তাহার আর এতটুকুও আনন্দোৎসাহ অবশিষ্ট ছিল না। সে কেমন যেন বিমনা হইয়া পড়িয়াছিল! দেশালাইয়ের কাঠিটা যেমন প্রথম-ঘর্ষণেই দপ্ করিয়া জলিয়া অল্পক্ষণের মধ্যেই নিঃশেষে ভস্ম হইয়া যায়, রেবার সচেষ্টিত আনন্দের আলোটুকুও তেমনি ক্ষণিকের জন্য জলিয়া একেবারেই

নিভিয়া গিয়াছিল। সে ভাবিতেছিল, অশনির এইবার বিবাহ হইবে। একটি নোলক-পরা কিশোরী বধু তাহার বিচিত্র ছাঁদের কবরী ঢাকিয়া, ঘোমটা টানিয়া, আলতা-পরা ছু-খানি কোমল চরণে জলতরঙ্গ মলের কণুবুণু বাজাইয়া অশনির অন্তরেও তাহার অনুরগন তুলিবে। সেই সম্পূর্ণ অপরিচিত কিশোরী মেয়েটির ঝাপ্টাকাটা মুখের পানে চাহিয়া চাহিয়া অশনির কবিতার উৎস এইবার ভিন্ন-পথাশ্রয়ে বহিবে। বিশ্বের সৌন্দর্য্য সেইখানেই সে দেখিতে পাইবে :—কুদ্র বালা-বন্ধুত্বের কথা বা নগণ্য বাল্যসখীকে তাহার আর মনেও পড়িবে না। রেবা কল্পনানেত্রে দেখিল, অশনির মুখে যেন আনন্দের দীপ্তি ! পত্নী-প্রেমে সে পরিতৃপ্ত !

একটা সুদীর্ঘ নিঃশ্বাস ফেলিয়া পাংশু আকাশে রেবা তাহার উদাস-নেত্র ফিরাইল। জ্বালাময় তেজ্ঞ স্নান করিয়া অপরাহ্নের সূর্য্য ডুবিয়া আসিয়াছে। রৌদ্রের তেজ কমিলেও ধরণীর তপ্ত-বক্ষের সমস্ত সঞ্চিত দীর্ঘশ্বাসগুলো এইবার উর্দ্ধপথে উথিত হইয়া বাতাসটাকে অসহনীয়রূপে ভারাক্রান্ত করিয়া তুলিল।

পিছন হইতে মূঢ়হাসির শব্দ শুনা গেল। রেবা চমকিয়া মুখ ফিরাইল ; সঙ্গে সঙ্গে মধুর হাসিতে তাহারও মুখখান উজ্জ্বল হইয়া উঠিল। সে বলিল—“কখন এলে, অশনি ?”

অশনি কহিল—“অনেকক্ষণ—বতক্ষণ থেকে তুমি খুব মন দিয়ে পড়া কচ্ছিলে। এবার পরীক্ষায় তুমি নিশ্চয়ই ফাষ্ট হবে

বেবা সলজ্জ মূহ-হাস্তে কহিল—“ঠাট্টা হচ্ছে ! কেন ? অমনো-
যোগটা কিসে দেখলে শুনি ?”

অশনি বেবার হাতের পাতা-খোলা বইখানি কাড়িয়া লইয়া
প্রসারিতভাবে তাহার চোখের সামনে ধরিল ; হাসিয়া কহিল—
“কিছু না । কেবল বইখানা কি রকম ক’রে ধ’লে পড়া এগোয়,
তাই শিখে নিচ্ছিলুম ?”

বেবা চাহিয়া দেখিল, সত্যই ত ! পুস্তকখানা সে সম্পূর্ণ উল্টা-
ভাবে ধরিয়াছিল । কি সর্বনাশ ! এমন আত্মবিশ্বস্ত নে ! হারিয়া
হার স্বীকার করা জীলোকের ধর্ম নয় । বেবাও তাহার জাতীয়ধর্ম
বিশ্বস্ত হইল না । অকারণ কোলাহলে এক রকম করিয়া প্রতিপক্ষকে
স্বীকার করাইয়া হইল যে, পাঠে তাহার মনোযোগের অস্ত্র নাই এবং
বইখানা উল্টাভাবে ধরিলেও পাঠকের পাঠে ব্যাঘাত হয় না ।

অশনি আসন গ্রহণ করিলে বেবা কহিল—“তারপর মহাশয়ের
স্বদেশ গমন হ’চ্ছে কবে ?”

অশনির মুখ গম্ভীর হইয়া আসিল ; সে ক্লিষ্টস্বরে কহিল—“মার
ইচ্ছে এবার শীঘ্রই দেশে যাওয়া হয়—।”

বেবা বাধা দিয়া কহিল—“শুধু মার ইচ্ছে । মশায়ের তাতে
অনিচ্ছে না কি ?”

অশনি । আমার ! তুমি ত জান বেবা, ছুটির একটা দিনও
আমি বাইরে নষ্ট করি না ? কেন তাও জানো । আর এবারকার
এই লম্বা ছুটিটা—।

“তোমার অনেক দয়া অশনি, কিন্তু সংসারে ঢুকে হয় ত এ গরীব বন্ধুটির কথা আর মনেও থাকবে না।” রেবা এই কথাটা হাসি দিয়া আরম্ভ করিলেও হাসি দিয়া শেষ করিতে পারিল না। অকারণে চোখে জল আসিয়া তাহার কণ্ঠস্বর আবেগে কম্পিত করিতেছিল। অশনি বিস্মিত-চোখে একবার তাহার মুখের পানে চাহিয়া লইল। তারপর স-রহস্যে কহিল—“বাঃ! বিনয়-প্রকাশও যে ঢের শেখা হ’য়ে গেছে দেখ চি! মহাশয়া, বুদ্ধি, সম্প্রতি কোন নূতন সংসারে ঢোকবার মূলবে আছেন; তাই ভূমিকায় জ্ঞানন্ দেওয়া হ’চ্ছে?”

রেবা মূহু হাসিয়া মাথা নাড়িতে নাড়িতে কহিল—“আর নুকোচুরীতে কাজ কি? আমি ত কিছু জ্ঞানি না?”

অশনি মনোযোগ দিবার ভাণ করিয়া কহিল—“কি জ্ঞান শুনি?”

রেবা। যা জ্ঞান্বার। আগামী ১৭ই বৈশাখ অতীক্রবাবুর কণ্ঠা শ্রীমতী কনকলতার সহিত শ্রীযুক্ত অশনিকান্ত ঘোষালের শুভ-পরিণয় ক্রিয়া সম্পন্ন হইবে। অতএব মহাশয় সবাক্বে—

অশনি আকৃষ্ট করিয়া কহিল—“থামুন মহাশয়া! আর ঞ্চোঠাময় দরকার নেই।”

রেবা মূহু মূহু হাসিতেছিল। সে কহিল—“জ্যোঠাম কিসের? সত্যি কথা বল্ব, তাতে বন্ধু বিগড়ান্ বিগড়বেন; যদিও জ্ঞান, বন্ধু ঐ সত্যি কথাটা শোন্বার জ্ঞে সহস্রকর্ণ হ’তেও প্রস্তুত আছেন; মুখে যতই কেন তর্জন করন্ না!”

অশনি শাস্তভাবে কহিল—“বন্ধুর আর মা অপবাদ দিতে ইচ্ছে হয় নাও ; ঐটে দিও না । বিয়ে আমি কোরবো না ।”

রেবা । কেন ? মা ত বলেন, করবে ?

অশনি । মা জানেন না । অনর্থক ভদ্রলোককে আশা দিয়ে ভোগাবেন । আমি তাঁকে স্পষ্ট কথাই বলেছি, এখানে বিয়ে আমি কোন মতেই কোরবো না—।

রেবা মুখ তুলিয়া কি একটা বলিতে গেল, কিন্তু সহসা অকারণে কাশি আসায় কথাটা আর বলা হইল না । অসহ্য গ্রীষ্মে তাহার সর্বাঙ্গ ঘামে ভিজিয়া গিয়াছিল । তাহার মনে হইতেছিল, এখন নিঃশ্বাস রুদ্ধ হইয়া যাইবে । কিছুক্ষণ দুই জনেই চুপ করিয়া রহিল । এক সময় মৌন ভঙ্গ করিয়া অশনিই প্রথমে কহিল—“জিজ্ঞাসা কচ্ছিলে—কেন করব না—শুনবে কি ?”

অশনির কণ্ঠস্বরে ও দৃষ্টিতে এমন কোন ভাব ব্যক্ত হইতেছিল, যাহাতে তাহার অব্যক্ত উত্তর শুনিতে রেবার সাহস হইল না । ঘরের বাতাসটাও যেন ভাবাবেগে স্পন্দিত হইতেছিল ; না জানি, এখন সে কি অপ্রকাশ্য গোপনীয় কথা প্রকাশ করিয়া দিবে ! হয় ত, চিরপ্রার্থিত চিরদুর্লভ উত্তর এখন সুলভ হইয়া প্রকাশ পাইবে । ওগো সে কথা, সে গোপনীয় কথা গোপনীয়ই থাক । সে ত প্রকাশের যোগ্য নয় । তবু আর কেন ? রেবা মাথা নাড়িয়া অশনির উৎকণ্ঠিত প্রশ্নের উত্তরে জানাইল, না, সে শুনিতে চাহে না ।

“কেন না?” অশনি দমিল না। উৎসাহে সোজা হইয়া কহিল—“না” বোল না? তোমার স্তনতেই হবে। তুমি কি আমার মনের কথা জান না? নিজেকে এত বোকা সাজিও না, রেবা! তুমি সবই বোঝ। আমার ভালবাসা আমার ভুল বোঝায় নি। বল, আমার মনের কথা তুমি জান?”

রেবা আসন ছাড়িয়া উঠিয়া দাঁড়াইল, বিপন্নভাবে কহিল—
“এ সব কথা তুমি কাকে বল্চ? অশনি বুঝতে পাচ্চ কি?”

ঠিক পাচ্চি। যাকে ছাড়া জীবনে আর কাকেও এমন ক’রে ভালবাসতে পারব না; যে নইলে সংসার আমার শ্মশান হ’য়ে যাবে, যে আমার শৈশবের খেলার সাথী, কৈশোরের বন্ধু, যৌবনের প্রিয় সখী—সেই রেবাকেই আমি আমার মনের কথা খুলে বলচি।”

রেবা ঘােরেব দিকে অগ্রসর হইয়া আরক্তমুখে স্বলিতবাক্যে বাধা দিল, “থাম অশনি! এমন ক’রে তুমি আমায় অপমান কোর না।—আমি জানতুম না, তুমি নেশা ক’তে শিখেচ! জানলে—” জানিলে সে যে কি করিত, সে-সম্বন্ধে কোনও উপস্থিত যুক্তি খুঁজিয়া না পাওয়ায় সে চূপ করিল।

অশনি কিন্তু বাধা মানিল না। সে রেবার গমন-পথ রুদ্ধ করিয়া দাঁড়াইয়া কাতরস্বরে কহিল—“মিছে কথা বলে আমার হাসিও না রেবা। তুমি জান, তোমায় অপমান করবার সাধ্য আমার নেই। আমার কথার জবাব দাও। বল, আমার স্ত্রী হ’তে তুমি অসম্মত নও।”

রেবা চেয়ারের পৃষ্ঠদেশ অবলম্বন করিয়া দাঁড়াইল ; নতমুখে কহিল—“ও-সব পাগলামীর কথা ছেড়ে দাও । তুমি হিন্দু, আমি খৃষ্টান । কেবল এই প্রভেদটা ভুলে যেও না ।”

অশনিও এ-কথা ভুলিয়া যায় নাই । ভুলে নাহি বলিয়াই এতদিন বিধার মধো পড়িয়া চূপ করিয়াছিল ! তাহা না হইলে মনের কথা প্রকাশের সুযোগ আরও অনেক আগেই সে লইত । ভাবিতে গেলে, ভাবনার কুলকিনারা পাওয়া যায় না । খৃষ্টধর্মাবলম্বিনী রেবাকে পত্নীরূপে গ্রহণ করিতে হইলে, তাহাকে লাঞ্ছনা এবং ততোধিক ক্ষতিও যে সহিতে হইবে, এ কথা সে ভালই জানে । বিষয়ে বঞ্চিত হইতে না হউক, আত্মীয় বন্ধু, সমাজ, এমন কি, জগতে একমাত্র স্নেহের স্থান মাতৃকালের অধিকারেও সে বঞ্চিত হইবে । তা হউক ; রেবাকে ছাড়িয়া সংসারে তাহার সুখ নাই ; তাহার জীবন দুর্ভাগ হইয়া যাইবে । প্রেমের খাতিরে সংসারের সকল সুবিধাই সে বিসর্জন দিতে সম্মত । রেবাকে ত্যাগ করিলে সে বাঁচিবে না । কর্তব্য স্থির হইয়া গিয়াছে । মাতার কাছেও সে মনের কথা খুলিয়া বলিয়াছে । তাহার ফলে মাতা কাঁদিয়া কাটিয়া অনর্থ করিতেছেন । বাঁকী ছিল রেবার কাছে মনের কথা খুলিয়া বলা । এই বলার জন্ত মন তাহার আকুলী বিকুলি করিতেছিল ; তবু সঙ্কোচের হাত সে যেন কোন মতেই এড়াইতে পারিতেছিল না । এ ভালই হইল, রেবা নিজেই সুগম পন্থা দেখাইয়া দিয়াছে । কর্তব্য যখন স্থির করাটী আছে,

তখন আর অনর্থক কালক্ষেপের প্রয়োজন কি ? মাতাও আশা ছাড়িতে পারিতেছেন না ; বাহিরেও কল্যাণভারাতুর কোন ভক্ত-লোককে আশাবিত্তও করিতেছেন। এ খেলার উপসংহার হইয়া গেলেই যে এখন বাঁচা যায় ! রেবা ভিন্নধর্মাবলম্বিনী। তাহাতে কি আসিয়া যায় ? ভালবাসার কাছে কি তুচ্ছ, হাস্যকর সে বাধা ! পর্বতগৃহ-নিঃসৃত সিন্ধু উদ্দেশ্যে প্রধাবিতা নদীর বেগ কি সামান্য প্রস্তরের বাধায় রুদ্ধ হইতে পারে ! প্রচণ্ড ঐরাবতও যে এ স্রোতের টানে ভাসিয়া যায়। অশনি মুখ তুলিয়া দীপ্তচক্রে চাহিল, কহিল—“রেবা ! আমাদের ভালবাসার কাছে ওর কি এত বেশী দাম ! এ সব তুচ্ছ বাধায় আমাদের মিলনকে বাধা দিতে পারবেনা। আমি ত্রীষ্টধর্ম নিয়েও তোমায় পেতে চাই।”

রেবার দুই চোখে বিস্ময় ভরিয়া উঠিল। উৎকণ্ঠিত-স্বরে সে কহিল,—“ধর্মত্যাগ কোরবে ? বল কি অশনি !”

অশনি মৃদু হাসিয়া কহিল—“না ত্যাগ কোরবো না ? শুধু ঠাকুরের নামটা বদলে নেব। তাতে তাঁর কিছুই ক্ষতি হবে না ; কিন্তু না নিলে, আমার ক্ষতির শেষ থাকবে না রেবা।”

রেবার সমস্ত দেহ মন সেই ঝড়ের দোলায় এক মুহূর্তের জন্য ছলিয়া উঠিল। তবু সে আত্মহারা হইল না, এক মুহূর্ত স্থির থাকিয়া মৃদুস্বরে কহিল—কিন্তু এ ধর্মমত তুমি তাঁর সঙ্গে বদল কোরচ না। নিজের সুবিধের জন্যে, শুধু নাম ঠিক, তার সঙ্গে আনুষ্ঠানিক সব খুটিনাটি, দোষও সহ কোরতে পারবে না—?”

রেবা তাহার কথার শেষ করিতে পারিল না। চোখের জলে তাহারও যে দৃষ্টি ও কণ্ঠ রুদ্ধ হইয়া আসিতেছিল ! হয় ত, এ দুর্বলতা এখনি অশনির চোখে পড়িবে, এই ভাবিয়া সে সংযত হইল ।

অশনি উঠিয়া ঘরখানা বার-দুই পরিভ্রমণ করিয়া রেবার সামনে আসিয়া দাঁড়াইল ও কহিল, “এত ভেবে কাজ করবার আমার সাধ্য নেই। রেবা ! আমার মনের কথা তোমায় সব জানিয়িচি। স্পষ্ট উদ্ভর দাও, তুমি আমার স্ত্রী হ’তে রাজি আছ কি না ?”

রেবা একটুখানি হাসিবার চেষ্টা করিয়া কহিল—“কি যে বল ! সবাইত আর তোমার মত পাগল নয় !”

তবুও অশনি জোর করিয়া তাহাকে ভাবিতে সময় দিল ও সেই সঙ্গে বলিয়া দিল, “এটাও ভেবে,—আত্মীয়, বন্ধু, সমাজ, ধর্ম-সব ছেড়েও আমি অনায়াসে থাকতে পারুবো, কিন্তু তোমায় ছাড়তে হ’লে আমি বাচব না।”

রেবাকে কথা কহিবার সময় না দিয়া, এবং নিজের কথা শেষ না করিয়া, ছাতিটা পর্য্যন্ত না লইয়াই সে ঘর হইতে দ্রুতপদে বাহির হইয়া গেল। জানালা দিয়া রেবা চাহিয়া দেখিল, রাস্তাতেও সে আর ফিরিয়া চাহিল না।



সপ্তাহ কাটিয়া গেল। অশনি রেবার সঙ্গে দেখা করিল না। রেবা তাহার ~~দুই~~ মার মুখে শুনিল, ছেলের সহিত ঝগড়া করিয়া অশনির

মা দেশে চলিয়া গিয়াছেন ; অশনি তাঁহার সঙ্গে যায় নাই । এমন ঘটনা রেবার অভিজ্ঞতায় আর কখনও ঘটে নাই । মা যখনই দেশে গিয়াছেন, অশনি তাঁহাকে লইয়া গিয়াছে । রেবা নিজে গিয়া তাঁহাদের ষ্টেশনে তুলিয়া দিয়া হাসিয়া কাঁদিয়া বাঁড়ী ফিরিয়া আসিয়াছে । এবার অশনির মা দেশে গেলেন, কিন্তু রেবাকে একটা মুখের কথা বলিয়াও গেলেন না ! রেবা দুই দিন তাঁর কাছে না গেলে, তিনি ডাকিতে আসিতেন, কত স্নেহের অনুসঙ্গ করিতেন । আজ রেবা তাঁহার কাছে কি এমন অপরাধ করিয়াছে যে, মুখের কথা একটা বলিয়াও গেলেন না ! সে কেবলই চোখের জল মুছিয়া মুছিয়া ভাবিতেছিল, কেন এমন হইল ! তবে কি অশনি সেই সব তার পাগলামির কথা তাঁহার কাছে প্রকাশ করিয়া বলিয়াছে ?— তাহাই সম্ভব । ছিঃ ছিঃ ! তিনি কি মনে করিলেন ! লজ্জাহীনা রেবার স্পর্ধায় কতই না তাহাকে অভিশাপ দিয়াছেন । অশনি পাগল, তাই সে এমন ছেলেমানুষি কথা আবার লোকের কাছে প্রকাশ করে । রেবাই কি তাহাকে ভালবাসে না ? বাসে বই কি ! সে ছাড়া রেবার ভাল বাসিবার আর কে আছে ? রেবার মনে হইল, হয় ত সে অশনিকে ভেমন করিয়া ভালবাসিতে পারে না ; যে ভালবাসায় আতি-ধর্ম্য গায়-অন্যায় যুক্তি-তর্ক মানিয়া চলা যায় না । অশনির সেই বিশ্বগ্রাসী উদ্দাম ভালবাসার সহিত সে তাহার বিচার-বিবেচনাপূর্ণ সাধুঘাট বাধা ভালবাসার আবার তোল করিতে চায় না কি ? ছিঃ !

সে কি তাঁহার যোগ্য ! রেবা কল্পনা-নেত্রে সুদূর ভবিষ্যতের একখানা রঙ্গিন চিত্র আঁকিয়া দেখিতে চাহিল।—চিত্রখানা বড় মলিন দেখাইল। অশনির মনের এ তীব্র অনুরাগ কে জানে কতদিন স্থায়ী হইবে ! উদ্দীপনার অবসানে শুধু রেবার প্রেমেই কি তাঁহার পরিত্যক্ত অতীত জীবনের সকল স্মৃতির অভাব পূরাইতে পারিবে ? যে সমাজ রেবার সহিত তাঁহার আবাণ্যের বন্ধুত্বেও তাঁহাকে আকৃষ্ট করিতে পারে নাই, শুধু একটা বন্ধনের স্বীকার উক্তিভেই সে কি নিজ হইতে মনেপ্রাণে তাঁহার আপন হইয়া যাইবে ? তুচ্ছ রেবার জন্য এতখানি ক্ষতি সহিতে মন তাঁহার ছুই দিনেই হয় ত অস্থির হইয়া উঠিবে। পুরাতনের জন্য মন যখন তাঁহারা হাহাকার করিবে, রেবা তাঁহাকে তখন কোন্ সাহসনা দিয়া শাস্ত করিবে।

রেবা ভাবিয়া দেখিল, অশনির মঙ্গলের জন্য অশনিকে ত্যাগ করা ছাড়া, তাঁহার আর দ্বিতীয় পথ নাই। যে ভালবাসা প্রিয়ের ক্ষতি করে, সে ভালবাসা ত ভালবাসা নয় ! সে উচ্ছ্বল ভালবাসা কখনও স্থায়ী হয় না ; তাতে সুখ ত নাই-ই তৃপ্তিও নাই। রেবা মনে মনে বলিল—‘তুমি আমার হৃদয়হীনা বলবে, কিন্তু আর ত উপায় নেই। তোমার কাছ থেকে আমি সরে যাব ;—আমার ভুলে যেতে সুযোগ দেব ; তা হ’লেই তুমি সুখী হবে। চোখের নেশা কুঁরয়ে গেলে, হয় ত, তুমি আমাকে ভুলেও যাবে।’ অশনি তাঁহাকে ভুলিয়া যাইবে, মনে করিতেই সে ছুই হাতে মুখ চাকিয়া

কাদিতে লাগিল। তিনি তেমন ভালবাসেন নি ত! যে ভালবাসায় সংসারের স্বার্থ ভুলিয়ে দেয়, এত ভালবাসা নয়! তাঁর চোখের বাহিরে গেলে, হয় ত, মনের বাইরেও চলে যাবো। রেবা ভাবিল এই না সে বলিতেছিল, প্রাণ ঢালিয়া সে অশনির মত ভালবাসিতে পারে নাই! এই দুর্বোধ্য মন লইয়া সে এখন কি করিবে? সে তাঁহাকে বন্ধনে ফেলিয়া হুঃখে ডুবাইবে? মায়ের কোল, সমাজের বক্ষ হইতে সে তাঁহাকে ছিড়িয়া আনিবে? না! সে তাঁহাকে ত্যাগ করিতে দৃঢ়সংকল্প। তবু অশনি যে তাঁহাকে ভুলিয়া যাইবে, এ চিন্তা তাঁহার অসহ্য মনে হইতেছিল।

রেবার জীবনের সমস্ত সাধ, সব কর্তব্য সম্পন্ন হইয়া গিয়াছে। তাহার মনে হইতেছিল, বাঁচিয়া থাকিবার প্রয়োজনও তাঁহার সেই সঙ্গে ফুরাইয়াছে। অশনির প্রশ্নের সে উত্তর দিয়াছে। চিঠিতে লিখিয়া নয়; নিজের মুখেই সে জবাব দিয়াছে। সেই সঙ্গে অশনির সহিত তাহার সম্বন্ধ চুকিয়া গিয়াছে। চিরজীবনের পাথর-রূপে সে যখন অশনির বন্ধুত্ব চাহিয়াছিল, অশনি রাগ করিয়া বলিয়াছিল, ‘মাপ করো। যদি নিতান্তই তোমায় ভুলতে না পারি শত্রু বলে মনে করবো ;—বন্ধু নয়। উচ্ছসিত নিশ্বাস-শুলা বন্ধের বাহিরে আসিবার জন্য যখন বিদ্রোহে ঠেলাঠেলি লাগাইয়া শ্বাসরোধ করিয়া দিতে চাহিতেছিল চোখের জল বন্ধ রাখা যখন দুর্নিবার হইয়া উঠিতেছিল, তখন সুদক্ষ অভিনেত্রীর মত হাসি-মুখেই সে বলিয়াছে; “সেই ভাল তোমার বন্ধুতার চেয়ে

শক্তিও আমার কাম্য। তুমি যে এমন হতে পার, তা আমি স্বপ্নেও কখনও ভাবতে পারি নি, অশনি!” এ-কথার পরেও অশনি যখন একান্ত ব্যাকুলতার সহিত সকাঁতরে তাহার দুইখানা হাত চাপিয়া ধরিয়া কহিয়াছিল, “বল, কখনও কোন দিন—যত দীর্ঘ দিন পরেই তা আসুক, কোন আশা আমি রাখবো কি না?” তখনও অবিচলিত গাঙ্গীর্ষ্যো নিজের হাত ছাড়াইয়া লইয়া রেবা বলিয়াছিল, “কালের জরিমানায় ধর্ম কখনও ছোট হয় না; তোমায় আমি শ্রদ্ধা করতুম অশনি! সে টুকুও আমার থাকতে দাও। যা অসম্ভব তা কখনও সম্ভব হয় না ও-সব পাগলামী বুদ্ধি ছেড়ে দাও। জানত তোমাদের শাস্ত্রই বলেচেন “স্বধর্ম্মে নিধনঃ শ্রেয়ঃ পরধর্ম্মো ভয়াবহঃ।” এ কথার পর “বেশ তাই হবে” বলিয়া সেই যে অশনি মুখ ফিরাইয়া চলিয়া গিয়াছে, তারপর আর সে রেবার কোন সংবাদ লয় নাই।

রেবার ইচ্ছা করিতেছিল, সে অশনির কাছে মাপ চাহিয়া বলে, সে মিথ্যাবাদিনী, তাই অবলীলায় অতবড় মিথ্যা বলিতে পারিয়াছে। সে তাহাকে শুধু শ্রদ্ধা করে না, ভালবাসে; সমস্ত মন প্রাণ দিয়া ভালবাসে। কিন্তু সে কথা সে কেমন করিয়া বলিবে? সে যে দর্পনের প্রতিবিম্বের মতই অশনির মন দেখিতে পায়। একবার এতটুকু দুর্বলতা জানাইলে, অশনি কি আর তাহাকে ত্যাগ করিতে চাহবে! যত কঠিনই হউক, অশনির মঙ্গলের জন্য অশনিকে ত্যাগ করিয়া দূরান্তরে যাওয়া ছাড়া রেবার আর গতি নাই। সে

তাই যাইবে। খুড়ীমাকে সে বুঝাইয়াছিল, কলিকাতা গিয়া কোথাও কোন কাজ সে খুঁজিয়া লইবে; নচেৎ বসিয়া থাকিলে কয়দিন চলবে? কুবেরের ভাণ্ডার ত তাহার নাই।

খুড়ীমা চোখে কাণে কম দেখেন ও শোনে তবু যতটুকু বুঝিলেন, তাহাতে মনে করিলেন, বিদেশে কোথাও সন্নিহিত যাইয়াই ভাল। মেয়ের যেন দশদিনে দশ বছর বয়স বাড়িয়া গিয়াছে। তাহার সে সদানন্দময় বালিকা-ভাব আর নাই। চিন্তাশীলা যুবতী রাতারাতি মধোই যেন প্রৌঢ়ে উপনীতা হইয়াছে। কেন যে এমন হইল, তাহার খবরও তিনি জানিতেন। সম্মুখে তিনি রেবাকে বুঝাইলেন, "কেন নিজেকে ফাঁকি দিচ্ছি মা! অশনিকে তুই কোন্ অপরাধে বিয়ে করতে চাইচিস্‌ নে?"

রেবা আজ তাহার একমাত্র আত্মীয়ের কাছে চোখের জল লুকাইতে পারিল না; কাঁদিয়া কহিল, "ও-কথা বোল না খুড়ী-মা! আমার জ্ঞে তিনি এত ছোট হ'য়ে যাবেন,—এ আমি সহিতে পারবো না!"

খুড়ী-মা দীর্ঘনিশ্বাস ফেলিয়া কহিলেন, তবে কলিকাতাতেই চল। এখানে আর টেক্বে কেমন করে! আহা বাছা অশ'নর মনেও এত ছিল!"

রেবার উপর রাগ করিয়া অশনি কিছুদিন শূন্য বাড়ীখানাই আঁকড়াইয়া পড়িয়া রহিল; রেবার কোন সংবাদ লইল না। ক্রমে রাগটা কমিয়া আসিলে সে মনে করিল রেবা বোধ হয়, এইবার নিজের মনের ভাব বুঝিতে পারিবে; পারিয়া ক্ষমা চাতিয়া পাঠাইব। সে ত রেবাকে বরাবর দেখিয়া আসিতেছে। অশনির অবহেলা সহিয়া সে আর কতদিন চূপ করিয়া থাকিতে পারিবে? এমন রাগারাগি তাহাদের কতবারই ত হইয়াছে, কিন্তু রেবাই আগে সাধিয়া ভাব করিয়াছে। কোন দিনই অশনিকে সাধিতে হয় নাই। এবারই কি সে নিয়মের ব্যতিক্রম হইবে। অসহ উৎকর্ষা বহন করিয়া দিনের পর দিন কাটিয়া চলিল। রেবার নিকট হইতে ক্ষমা-প্রার্থনা বহন করিয়া কোন মুকবার্তাবহই আসিল না।

একদিন সারারাত্রি ছটফট করিয়া সকাল বেলা বিছানা হইতে উঠিয়া অশনির মনে হইল, তাই ত এবারকার কলহের বিষয়টা ত ঠিক অন্যবারের মত নয়। যতই হোক বিবাহ-বিষয় লইয়া যখন গোল, তখন সে স্ত্রীলোক হইয়া আগে ক্ষমা চাহিবে কেমন করিয়া। নিজেকে নিরর্থক বলিয়া মনে মনে গালি দিয়া অশনি তাড়াতাড়ি প্রাতঃকৃত্য সম্পন্ন করিয়া নিজেই রেবার উদ্দেশে যাইতে প্রস্তুত হইল। বাড়ীর বাহির না হইতেই দরওয়ান এক-

খানা পত্র অশনির হাতে দিল। হাতের লেখা দেখিয়াই অশনি বুঝিল চিঠিখানি রেবার। মুহূর্তে তাহার অস্তরের ফুক অভিমান ঝড়ের মুখে তৃণগাছির মত কোথায় উড়িয়া গেল। তাহার অশুমান তবে ভ্রান্ত নয়। রেবা চূপ করিয়া থাকিতে না পারিয়া আগেই চিঠি লিখিয়াছে। নিরুদ্বোধ কেন সে মিথ্যা ঝোঁকে নিজেও কষ্ট পাইতেছে অশনিকে পীড়িত করিতেছে? ভগবানের ইচ্ছাই যদি ইহাতে নিহিত না থাকিবে, তবে কেন সে এমন করিয়া তাহার সমাজ-সংসারের বাহিরে একমাত্র অশনিকেই অবলম্বন করিয়া এত বড়টুকু হইয়া উঠিয়াছিল? ভগবানের প্রচ্ছন্ন দৃষ্টি ইহার তলে আছে বহু কি!

অশনি ঘরে ফিরিয়া প্রথমে খামে-মোড়া চিঠিখানা মুঠি করিয়া করতলে ধরিয়া কিছুক্ষণ চূপ করিয়া বিছানার উপর বসিয়া রহিল। একেবারে খাম খানা খুলিয়া ভিতরের অপূর্ব রহস্যটুকু উদঘাটিত করিয়া ফেলিতে তাহার সাহসে কুলাইল না। সে ভাবিল, ভাল খবর নিশ্চয়ই আছে—তবু—!

কাচি দিয়া খামের একাংশ সম্বর্ণনে কাটিয়া ভিতরের ভাঁজ করা কাগজখানি বাহির করিয়া অশনি টেবিলের উপর মেলিয়া ধরিল। তাহার হাত কাঁপিতেছিল। কিন্তু একি—! লেখা অল্পই; পড়িতে এক মিনিটও সময় লাগিল না। চিঠিখানা মাটীতে কেলিয়া দিয়া অশনি বিছানায় শুইয়া পড়িল। চিঠিতে লেখা—

“অশনি! বিশেষ প্রয়োজনে আমার আত্মনের শত সুখ-দুঃখের

স্বতিমণ্ডিত প্রিয়তম কাশী ছাড়িয়া আজ আমি ছরাপরে চলিলাম।
জানি না, ভাগ্য আর কখনও আয়, আমার জন্মভূমির কোলে
ফিরাইয়া আনিবে কি না ! ভাবিয়াছিলাম, তোমার সঙ্গে সাক্ষাৎ
করিয়া যাইব ; উচিতও ছিল তাই, কিন্তু সুবিধা হইল না। খুড়ী-
মা ভাইয়ের কাছে লাহোরে থাকিবেন, অগত্যা আমারও তাই
গতি। জীবনে অনেক অপরাধ তোমার কাছে করিয়া গেলাম।
পার ত মাপ করিও। মনে করিও, বেবা বলিয়া এ সংসারের কেহ
ছিল না। বিদায়—

বেবা।”

বেবা চলিয়া গেল? যাইবার সময় একটা মুখের কথা বলিয়াও
গেল না ! হৃদয়হীনা নারী ! তাহার অশনির সহিত কথা কহিয়া
কথা ফুরাইত না, চিঠি লিখিয়া কাগজে কুলাইত না, সেই বেবা
এত শীঘ্র এমন পর হইয়া গেল ! কি অপরাধ অশনি করিয়াছিল ?
বেবাকে ভালবাসিয়া সংসারের সকল ক্ষতি অম্লান-মুখে সহিতে
চাহিয়াছিল, এই না তাহার অপরাধ ? কিন্তু এ পলায়নে ত কোন
প্রয়োজন ছিল না ? তাহার আদেশেই যে অশনির নিকট যথেষ্ট।
এতটুকু বিশ্বাসও সে আর রাখিতে পারিল না। অশনির ছই
হাতের বন্ধাগুলি, মুখের কঠোর ভাব, ললাটের কুঞ্জন-রেখা,
তাহার অস্তর-বুদ্ধের প্রমাণ প্রয়োগ করিতেছিল। সে মনে মনে
বলিল, এ ঠিক হয়েছে ! সে পাষাণে প্রাণ সঁপিতে চাহিয়াছিল,
এ তাহার ষোগ্য প্রতিফল। বেবা তাহার কেহ নয়। বেবা

বলিয়া এ সংসারে কেহ তাহার ছিলও না। তবু অভিমানের দুর্বল বাপা ঠেলিয়া অন্তরের দীন ক্রন্দন কেবলি কাঁদিয়া বলিতে থাকে, সেই যে তাহার সব। তাহার জন্ম সে যে সকলি ছাড়িতে চাহিয়াছিল। চির প্রার্থিত মাতৃকোড় হইতে চ্যুত হইতেও সে যে ভয় করে নাই। তবে কেমন করিয়া সে মনে করিবে, সে তাহার কেহ নয়, কেহ ছিলও না? সে তাহার বন্ধু নয়, প্রিয় নয়, সঙ্গী নয়? অশনি দুই হাতে মুখ ঢাকিয়া কাঁদিতে লাগিল।

পরদিন অশনি তাহার ছোট্টা-মহাশয়ের পত্রের উত্তরে লিখিয়া দিল, সে দেশে বাইতেছে। অতীন্দ্রবাবুর কন্যা কনকলতাকে বিবাহ করিতে তাহার অপত্তি নাই।

৫

সুদীর্ঘ দশটা বৎসর কাটিয়া গিয়াছে। অশনিকান্ত ঘোষাল এখন আর কলেজের ছাত্র নয়। সে এখন একটা মহকুমার ছোট খাটো হর্তা কর্তা বিধাতা। সে ডেপুটী হইয়া দুই তিনটা মহকুমার জলবায়ু পবীকাস্তে সম্প্রতি বদলী হইয়া আরামবাগে আসিয়াছে। সঙ্গে তাহার স্ত্রী ও ছেলে-মেয়েরা। অশনি স্ত্রী-পুত্রদের একদিনও ছাড়িয়া থাকিতে পারে না; তাই জাহাজের বোটের মত তাহারা তাহার সঙ্গে সঙ্গে ফিরিয়া থাকে। অশনির স্ত্রী কনকলতা রূপসী না হইলেও প্রকারান্তরে নামের স্বার্থকতা দেখাইয়াছিল। ধনী-কন্যা স্বামী ও শাস্ত্রীর অত্যধিক আদরে

বর্ধিত হওয়ায়, নিজেকে সংসারের কোন উপকারে লাগিবার উপযোগী করিয়া গড়িতে ত পারেই নাই ; বরং সেই সম্পূর্ণরূপে সংসারের কাছে উপকার লইতেই শিথিয়াছিল। তাহার উপর বিভিন্ন স্থানের জলবায়ুর গুণে তাহাব স্বাস্থ্যও ক্রমে ধারাপ হইতে ছিল। সম্প্রতি সে সস্তান-সস্তাবিতা। অশনি স্থানীয় ডাক্তারের পরামর্শে বলকারক পথ্য এবং বিজ্ঞাপন দেখিয়া “প্রসূতি-রক্ষক” নানাবিধ ‘টনিক’ ‘পিল’ গিলাইয়াও তাহার ম্যালেরিয়া-জীর্ণ দুর্বল দেহে বল-সঞ্চার করিতে পারিল না। কাশীতে মাতা এবং কলিকাতায় স্বস্তুর কনককে লইয়া যাইতে চাহিলে, কেন যে তাহাকে পাঠায় নাই, তাহা ভাবিয়া অশনি এখন মনে মনে নিজের বিবেচনাকে শত সহস্র দিক্কার দিতেছিল। কিন্তু এখন আর সে সময় যে নাই !

ব্যাঘ্র-ভীতি-সঙ্কুল স্থলে সন্ধ্যা ঘনাইয়া আসার নীতি-অনুসারে দুইদিন প্রসব-বেদনা-ভোগে কনকলতার ঘম ঘম মুর্চ্ছা হইতেছিল। এখানকার একমাত্র শিক্ষিতা ধাত্রীটিও এই সময় সঙ্কটাপন্ন গীড়ায় শয্যাগতা। ডাক্তার কহিলেন, “আর এক উপায় আছে। মিস্ গুহার ধাত্রী-বিদ্যা চমৎকার ! তিনি ব্যবসাদার ধাত্রী ন’ন বটে, কিন্তু ভারী হাত-যশ। একবার যদি তাঁকে কোন রকমে আনতে পারা যেত ! তাঁর শরীর ভাল নয় ; কিন্তু দরকারের সময় নিজের অস্থখ বিস্থখ কিছুই তাঁর মনে থাকে না। তবে ঐ ভারী দোষ !— যাদের পয়সা দেবার সামর্থ্য আছে, তাদের কাছে বা’র ক’রে আনাই কঠিন।”

আরদালী ফিরিয়া আসিয়া জানাইল, লেডী ডাক্তারের শরীর অসুস্থ, তিনি আসিতে অসমর্থ।

বিপদের সময় মানাপমান দেখিতে গেলে চলে না। অশনি চট জুতায় পা লাগাইয়া সাটের বোতাম না আঁটিয়াই ধাত্তীর বাড়ীর উদ্দেশে চলিল। সে গিয়া হাতে পায়ে ধরিয়া যেমন করিয়াই হউক তাঁহাকে হইয়া আসিবে। নইলে কনককে যে বাঁচান যাইবে না।

মাননীয় অভ্যাগতের অভ্যর্থনায় অগত্যাই মিস্ গুহাকে বাহিরে আসিতে হইল। দশ বৎসরের পর দেখা। কালের হস্তক্ষেপে আকৃতিরও যথেষ্ট পরিবর্তন ঘটিয়াছিল, তবু পরস্পরকে চিনিতে কাহারও বিলম্ব হইল না। এ অতর্কিত সাক্ষাতের অন্ত কেহই প্রস্তুত ছিল না; তাই কিছুক্ষণ দুই জনকেই চুপ করিয়া মূঢ়ের মত দাঁড়াইয়া থাকিতে হইল। অশনির প্রয়োজন অধিক; শীঘ্রই সে আত্মস্থ হইয়া সম্পূর্ণ অপরিচিতের মত অভিবাদন করিয়া প্রার্থনা জানাইল,—“সদাশয় মিস্ গুহের অনুগ্রহের উপর তাহার জীবনের সুখ নির্ভর করিতেছে। তাহার স্ত্রীর জীবন-রক্ষা না করিলে, শুধু দুইটা নয়, তিনটা প্রাণীরই মৃত্যু-সম্ভাবনা। বেবার মনে পড়িল আর একদিন অশনি এমনি করিয়াই তাহার কাছে কাতর-প্রার্থনায় জীবন-ভিক্ষা চাহিয়াছিল;—বলিয়াছিল, “তুমি ত্যাগ করলে আমি বাঁচব না।” সে অগ্রসর হইয়া সাঙ্ঘনার সুরে কহিল, “ঈশ্বরকে জানানু;—আমার দ্বারা চেষ্টার কোনও ক্রটি হ’বে না।—চলুন।”

৬

সারা-রাত্রি অত্যন্ত গোলমালের পব সকালের দিকে বাড়ীখানা ঘুমন্ত পুরীর মত একেবারে নিস্তরু হইয়া গিয়াছে। প্রসূতির খবর পাইয়া অশনির মা এবং কনকলতার বাপ আগের রাতেই আসিয়া পৌঁছাইয়াছেন। ছেলেমেয়েগুলির ঝগড়াট পোহানয় মুক্তি পাইয়া অশনি এইবার হাঁপ ফেলিয়া বাঁচিয়াছে।

দারুণ কষ্ট ভোগের পর যুত-পুত্র প্রসব করিয়া রক্তহীন কনকেব জীবনী শক্তি আরো ক্ষীণ হইয়া পড়িল। ডাক্তার কহিলেন, “কৃত্রিম উপায়ে অন্তের দেহ হইতে রোগীর দেহে রক্ত-প্রদান ভিন্ন প্রসূতির জীবন রক্ষার অন্য উপায় নাই।” শান্তী, স্বামী এবং বুড়া বাপ প্রমাদ গণিলেন। বখেটে পুরস্কার প্রতিশ্রুত হইয়াও অশনি রক্ত দিবার অন্য লোক সংগ্রহ করিতে পারিল না। বাপরে! পয়সার জন্ম গায়ের রক্ত কে দিবে। অশনি যুবাশ্রম দেহও তাহার স্মৃতি, কিন্তু হইলে কি হয়, কাটা-ফোড়ায় যে তাহার বড় ভয়। রক্ত দেখিলে তাহার মাথা ঝিম্ ঝিম্ করে, মূর্ছা আসে, এমন দুঃসাহসিকতা তাহার দ্বারা সম্ভব নয়। ডাক্তারকে সে জিজ্ঞাসা করিল, “অন্য কোন উপায় নাই?” ডাক্তার কহিলেন, “না।” সময় চলিয়া যাইতে লাগিল। রোগীর নাড়ী পরীক্ষা করিয়া রেবা কহিল, “ডাক্তারবাবু, আপনি প্রস্তুত হোন। আর দেরী হ’লে ওঁকে রাখতে পারবেন না। রক্ত আনি দেব।”

অশনি ক্ষোদিত-মূর্তির মত বেবার পানে চাহিয়া দাঁড়াইয়া রহিল! বাধা দিবার কথা পর্য্যন্ত মনে আসিল না। ডাক্তার কহিলেন “মিস্ গুহ, আমায় মাপ কর। তোমায় আমি নিজের মেয়ের মত মনে করি! তোমার প্রাণ যে কত দামী, তা আমার চেয়ে কেউ বেশী জান্বে না। তোমার যা শরীর, তাতে যে পরিশ্রম তুমি গরীব ভোগী, পরের জন্যে কর, তাই চের—।”

বেবা বাধা দিয়া কহিল, “ওঁকে বাঁচাতেই হবে, আমি কথা দিয়েছি। ডাক্তার বাবু, আপনার পায়ে পড়ি—আমার চেষ্টার ক্রটিতে যেন কোন দুর্ঘটনা না হয়। আমার সত্য রক্ষা কর্তে দিন।”

অনেক বাত-বিতণ্ডার পর বেবার নাড়ী পরীক্ষা করিয়া অগত্যাই ডাক্তারকে সম্মত হইতে হইল। সহশীলা বেবা শাস্ত্র-ভাবে ডাক্তারের অস্ত্রোপচারে আত্মসমর্পণ করিলে, অশনি কক্ষ হইতে পলাইয়া গেল। মা বাহিরে “হরির তলায়” মাথা কুটিয়া সেই অনাচার দুষ্টা অনন্যসাত্বিক-নারীর সকল অপরাধের প্রায়-শ্চিত্তের জন্য যথেষ্ট জরিমানা “মানস” করিয়া দেবতার প্রসন্নতা ভিক্ষা করিতে গািলেন।

ডাক্তারের অনুমান ভুল হয় নাহি! নূতন শোণিত-সংগ্রহে কনকের জীবনের আশা ফিরিয়া আসিল। অল্পদিনের মধ্যেই সে অনেকখানি সুস্থ হইয়া উঠিল।

ডাক্তারের আদেশে বেবা এখনও বিছানা ছাড়িয়া উঠা-বসা

করিতে পার না। ডান হাতের যে শিরা ছেদন করিয়া রক্ত দেওয়া হইয়াছিল, তাহার ক্ষত অনেকটাই পুরিয়া আসিয়াছে। দুর্বলতা এখনও সারে নাই। মা ছেলেপুলে, রোগী এবং সংসারের ঝগাট মিটাইয়া অবসর পাইলেই রেবার কাছ আসিয়া বসেন। কখন তাহার গায়ে মাথায় স্নেহের হাত বুলাইয়া দিয়া বলেন, “আমার গা ছুঁয়ে দিয়া কর রেবা, আর কখনও এমন দুঃসাহসের কাজ করবি না। বাবা! ধন্য মেয়ে তুই! মনে করলেও গা শিউরে ওঠে গা। রেবা তাহার ভয় দেখিয়া হাসে। রেবা বাড়ী যাইতে চাহিলে অশনির মা কহিলেন, “তা কি হয়? আগে ভাল ক’রে সেরে উঠ। যে তোর শরীরে যত্ন বাছা! বাড়ীতে কেবা দেখবে, কেবা যত্ন করবে? খুড়ীটিও ত নেই! তাই ত বলি, বিয়ে করলে এদিনে এক ঘর ছেলেপুলে হোত! কি যে ধিঞ্জি হ’য়ে রইলি! এখানে ত আর জলে পড়িস্ নি! এও তো তোর নিজের ঘর।”

মার মুখের পানে চাহিয়া রেবার আবার অতীত জীবন মনে পড়িতেছিল। সেই অনাবিল আনন্দের নিষ্কার সুদূর অতীত! কি মধুর তাহার স্মৃতি! রেবার জীবনে তেমন দিন আর আসিবে না। মনে পড়ে, অশনির সহিত একত্র খেলা-ধুলা—একত্র বিদ্যা-শিক্ষা—মায়ের কোল, মায়ের স্নেহ! একবৃন্তে, ভিন্নজাতি দুইটি ফুল কি শোভনীয় মাধুর্য্যেই তাহারা ফুটিয়াছিল। সে সব সুখের কথা এখন স্বপ্ন বলিয়াই মনে হয়।

ছপুরবেলা একা বিছানায় পড়িয়া বেরার কৰ্মহীন দীর্ঘদিন কিছুতেই আজ যেন আর কাটিতেছিল না। হয়ত কনক এখন একা বিছানায় পড়িয়া তাহারই মত এ-পাশ ও-পাশ করিয়া দিন কাটাতেছে! অশনি এ সময় কাছারীতে বন্ধ থাকে, তাই কনকের ঘরে যাইবার অদম্য লোভ সে সম্বরণ করিতে পারিল না। চলিতে এখনও পা টলিতেছিল, তবুও সে ধীরে ধীরে বাহিরে আসিল। মা অশনির ছেলে মেয়েদের লইয়া বারাণ্ডায় মাহুর বিছাইয়া ঘুমাইয়াছেন। উঠানে শ্যামার মা বাসন মাজিতেছিল, অন্য ঝি-চাকরেরা দ্বিপ্রহরের বিশ্রামের আশায় কে কোথায় গিয়াছে!

কনকের ঘরে যাইতে গিয়া সহসা অশনির কণ্ঠ-স্বরে বাধা পাইয়া, রেবা বাহিরেই থমকিয়া দাঁড়াইয়া পড়িল। কাজ বেশী না থাকায় অশনি সে-দিন হাঁটিয়া সকাল সকাল বাড়ী আসিয়াছে। তাই রেবা তাহার ফিরিয়া আসার খবর জানিতে পারে নাই। রেবা শুনিল, কনকের কণ্ঠের উত্তরে অশনি বলিতেছিল, “মা বুকি গল্প করবার আর লোক পান্ নি!—ও একটা ছোটবেলার পাগলামী! এখন মনে হ’লেও ভয় হয়। ওঃ! কি রক্ষেই পাওয়া গেছে!” স্বামীর আদরে গলিয়া কনক আদরের সুরে কহিল, “রক্ষেটা কিসের শুনি? অমন সুন্দরী, বিছবী, কত সেবা-যত্ন জানে!” পত্নীক কক্ষচুলের গোছা ধরিয়া, আদরের টান দিয়া অশনি কহিল, “থামুন পাদরীমশাই। আর বক্তৃতা দিতে হবে না। জানেন ত হিঁহুর বিয়ে এক জনের নয়! তুমিই যখন আমার জন-

অন্যান্তরের দ্বী, তখন মুখ্যই হও, আর কুচ্ছিৎই হও, তোমায় যে
আমায় পেতেই হোত ! ও আমার কে ? কেউ না—”

রেবা নিঃশব্দে আপনার নিদ্দিষ্ট শয়নকক্ষে ফিরিয়া আসিল।
বুঝি, এত দিন এই কথা শুনিবার অন্তই মন তাহার মনের
ভিতর ভূষিত হইয়াছিল। অশনির মঙ্গল-কামনায় সে তাহার
আত্মবিসর্জনের মূল্যে যথার্থ ই অশনির মঙ্গল ক্রয় করিতে পারিয়াছে
কি না—এ সন্দেহের অনুতাপ দশবৎসর ধরিয়। তাহার বুকে
তুধানলের মতই ধিকি ধিকি করিয়া জ্বলিতেছিল। কতদিন মনে
হইয়াছে, হয় ত হৃদয়ের সে গভীর ক্ষত কালেও মিলাইতে পারে
নাই। না ; সে ক্ষত ত নহেই ; শুধু সামান্য আঁচড়ের দাগমাত্রও
সে নয়। সে তাহার প্রিয়তমের দুঃখের হেতু নয় ;—তাঁহাকে
মাতৃক্রোধ, আজন্মের বিশ্বাস, সমাজ, পিতৃ-পিতামহের ধর্ম্য হইতে
নিজের স্বার্থের সূত্রে মধ্য টানিয়া না আনিয়া তবে ত ভালই
করিয়াছে। মেঘ যেমন বজ্রাগ্নি বক্ষে ধরিয়। ও ধরণীর তপ্ত বক্ষকে
জলধারায় সিক্ত করিয়া দেয়, সে তাহার প্রিয়তমের জীবনও
তেমনি করিয়াই শীতল করিতে পারিয়াছে।

রেবা নাটীতে বসিয়া দুই হাত ষোড় করিয়া ইষ্টদেবের
উদ্দেশ্যে গভীর শ্রদ্ধায় ভূমে লুটাইয়া প্রণাম করিল।—“প্রভু !
স্বামি ! পিতা ! শুধু তাঁকে নয়, আমাকেও তুমি রক্ষা করেছ !—
তোমার করুণাময় নাম সত্য !”

ভাবের অভিব্যক্তি

গল্পটি বেশ জমিয়া আসিতেছিল। নাট্য জগতের ছোট বড় সমস্ত খ্যাত ও অখ্যাতনামা অভিনেতা অভিনেত্রীই একে একে এই গল্পের মধ্যে স্থান পাইতেছিলেন। কে কখন কি ভাবে যশের উচ্চ-শিখরে আরোহণের স্বযোগ লাভ করিয়াছেন, উপস্থিত তাহারই বিস্তৃত ব্যাখ্যা ও উদাহরণ চলিতেছিল।

রমেশ বলিল--“ভাবের অভিব্যক্তিতে অচলেন্দু কি ক’রে এতখানি দখল নিয়ে আজ দেশের মধ্যে সর্বোত্তম অভিনেতার নাম নিতে পেরেচে, সে সম্বন্ধে তোমরা বোধ হয় বিশেষ কিছু জ্ঞান না, তারই কিছু বল্ব। অচলেন্দু আর আমি তখন আমরা দুজনেহ নাট্যকলা শেখবার জন্তে অসীম অধ্যবসায়ে কাজে লেগেছিলাম। আমাদের তখন কেউ জান্তও না পুঁচ্তও না। নগণ্য চুনোপুঁটির দলেই আমরা প’ড়েছিলাম। আমরা দুজনে একসঙ্গে একটা মেসে থাকতাম। যে, যে কাজে নীচে থেকে খুব উঁচুতে উঠতে পারে, তার কিছু লক্ষণ বোধ হয় গোড়া থেকেই তা’তে পাওয়া যায়। প্রথম প্রথম যখন অচলেন্দুকে খুব ছোট ছোট পার্ট দেওয়া হোত তার মধ্যেও একটু বিশেষত্ব সে দেখাতে পারত। সে পরিশ্রমীও খুব ছিল। যখন তাকে কেউ চিন্ত না, তখনও সে যেমন ছিল, এখন যে মাসে সে হাজার টাকা উপায় ক’ছে, এখনও

তার স্বভাব ঠিক তেমনই আছে। “ওরিয়েন্টাল” থিয়েটারের অবস্থা তখন খুব খারাপ যাচ্ছিল। দর্শক হোতই না। সবাই ভাবছিল থিয়েটারটি এইবার উঠে যাবে, কিন্তু সেই সময় হঠাৎ অচলেন্দুর একদিনের একটি অভিনয়ে থিয়েটারের, আর তা’র নিজেরও ভাগ্য ফিরে গেল। নাটকের বিষয়টি ছিল অতি সামান্য! পুলিশ স্ত্রী হত্যাকারী সন্দেহে হতা নারীর স্বামিকে গ্রেপ্তার করে, বেচারী স্বামীটি কিন্তু সম্পূর্ণই নিরপরাধ!

অচলেন্দু সে নাটকখানিতে স্বামীর ভূমিকা গ্রহণ করেছিল। নিরপরাধ স্বামীর, গ্রেপ্তারের পর যে মুখের ভাব সে প্রকাশ করেছিল, সেই আশ্চর্য্য, ভয়, বিস্ময় ও দুঃখান্বিত যে অদ্ভুত ভাব সত্যের চেয়েও সম্ভব ভাবে, সে দর্শকের চোখের উপর প্রকাশ করতে পেরেছিল, সেইটিতেই তা’র ভাগ্য ফিরে গেছিল। কিন্তু আমি জানি, এই ভাব সংগ্রহে তা’কে বড় অল্প চেষ্টা করতে হয়নি। সেই গল্পই আজ বলব।

ভূমিকা গ্রহণ করে পর্য্যন্ত বেচারীর আহা-নিদ্রা বন্ধ হবার জোগাড় হ’য়েছিল। রাতে প্রায়ই দেখ তেমন, সে ঘুরে বেড়াচ্ছে। হয় ত সারারাতই সে এমনি ঘুরে বেড়াত। তিন চার দিনে তার চেহারা যে রকম খারাপ হ’য়ে গেছিল, তাকে দেখলে ভয় হোত। একদিন রিহাসাল থেকে ফিরে সে হতাশভাবে ব’লে—‘রমেশ, আমার আশা ভরসা সবই শেষ হ’য়ে গেল, আমা দ্বারা এ ভূমিকার অভিনয় হবে না।’ আমি অবাক হ’য়ে জিজ্ঞাসা করলাম,

‘ব্যাপারটা কি বল দেখি, দিনরাত খাট্‌চ, এত ভাব্‌চ, হবে নাই বা কেন?’ সে জবাব দিলে, ‘খাট্‌লেই যদি হোত, তাহ’লে আর ভাবনা ছিল না। যখন ছোট-খাট পালান্ডুলো কর্তাম, কত রকম ভাব আপনিই মুখে আস্ত, কিন্তু এ হতভাগা পালান্ডার নায়ক ক’রে আগায় পাগল করে দিয়েচে!’ কথার সঙ্গে সঙ্গেই সে ঘরের বড় আশিখানার কাছে দাঁড়িয়ে নিজের ভূমিকা আবৃত্তি করতে করতে বললে, ‘দেখ দেখি, এ মুখ কি খুঁটা অপরাধে অভিযুক্ত কোন নিরপরাধীর মুখের মত দেখাচ্ছে? ও মুখ দেখে লোকে গায়ে ধুলো দেবে না, ছিঃ ছিঃ ক’বে না কি?’

আমার কিন্তু তার অভিনয় বেশ ভালই লাগছিল। তার পাগলামীতে বাধা দেবার জন্যে বললাম, ‘কোথায় দোষ আছে? বেশই ত হ’চ্ছে।’

ক্ষোভে তুংখে তার গলা পর্যাস্ত বুজে আসছিল; সে তুংখের চাপাভাসি হেসে জবাব দিলে, ‘কোথায় ভুল হ’চ্ছে? সবই ত ভুল চিড়ীখানার পোকা বানরকে একটা কলা খেতে দিয়ে কেড়ে নিলে তার যে রকম মুখের ভাব হয়, এ যে তেমন ও হ’চ্ছে না। মানেজার যদি আমার অন্য ভূমিকা দিত, তা’হলে আমি বেঁচে যেতুম; এ যেন আমার কান্না পাচ্ছে।’

আর্শির সামনে আরও খানিক দাঁড়িয়ে দাঁড়িয়ে মুখের ভাবের পরিবর্তন-চেষ্টায় বিকলকাম হ’রে সে হতাশভাবে তক্তপোষের উপর ব’য়ে প’ড়ল।

আমি বললাম, 'এই মাত্র রিহার্সাল থেকে ফির্চ! এখন খানিক আগে জিরও, তারপর যা হয় কোর।'

সে বললে, 'জিরব কি ক'রে? পোড়া চোখে কি ঘুম আছে!'

আমি অত্যন্ত দুঃখের সহিত বললাম, 'সাধ্য থাকলে আমি তোমায় সাহায্য কর্তাম, কিন্তু কি করব ভাই, তোমার মত আমার ত প্রতিভা নেই।'

আমিও একবার আশির কাছে দাঁড়িয়ে মুখে দুঃখের ভাব আনবার চেষ্টা করলাম।

অচলেন্দু দুঃখের হাসি হেসে ব'লে, 'থাক, ও আর কেন? যে ভাব তুমি দেখাচ্ আর যা, আমি দেখালেম, দশকদের কাছে যখন এই ভাব দেখাব, তখন তারা হয় হেসে লুটোপুটি খাবে, নয় মনে করবে আমাদের হুজুমের গোল ঘটেচে। কাজ নেই ভাই, ক্ষমা দাও।'

আমি তার কথা শুনে হেসে উঠতে, সেও ক্ষীণভাবে তাতে যোগদান ক'লে। তারপর দুজনেই চুপ ক'রে রইলাম, ঘরের ভিতরে বাতির আলোটা বাতাসে কাঁপছিল; আর তাঁর সঙ্গে আমাদের বিকৃত ছায়া দুটোও দেয়ালের গায়ে নাচছিল। সেই দিকে চেয়ে চেয়ে আমার ভাবনা হ'ছিল, কি উপায় এর করা যেতে পারে। হঠাৎ একটা কথা আমার মনে হওয়ায়, আমি লাফিয়ে উঠলাম। তাড়াতাড়ি বকুর পিঠে একটা খাবড়া মেরে 'বলে উঠলাম, 'হ'য়েচে ভাই হ'য়েচে। একটা মতলব বেরিয়েচে!'

সে আশ্চর্য হ'য়ে ব'লে, 'কি হ'য়েচে?' আমি বললাম, 'অব্যর্থ উপায়—যাতে তোমার ঠিক কাজ হবে, যেমন মুখের ভাব ভূমি চাইচ, তারই আদর্শ মিলে যাবে।'

সে অবিশ্বাসের হাসি হেসে ব'লে, 'যা বলবার ব'লে ফেল, কিন্তু অল্প কথায়, বেশী সময় নিও না।'

আমি মনে মনে হাসলাম, আমার মাথায় যে খেয়াল চেপেছিল, তার সাংক্ৰান্ত্য সঙ্কে আমার মনে কোন দ্বিধা আসেনি। উত্তেজনা ও আনন্দাতিশয্যে আমার গলা যেন ডোরে আস'ছিল। যথাসাধ্য সংযতভাবেই আমি বললাম, 'গঙ্গাধরের কথা তোমার যা' ব'লেছিলাম মনে আছে ত? সেদিনকার সেই লোকটা—'

'কোন লোকটা? যা'কে সেদিন পথ থেকে কুড়িয়ে নিয়ে এসে খাইয়ে দাইয়ে কাপড় চোপড় দিয়ে সুস্থ ক'রে ছেড়ে দিলে, তা'র কথা বল্চ?'

'হাঁ, সেই—তাকে ছেড়ে ঠিক দিইনি, কাকার দোকানে তাকে চাকরী একটা জুটিয়ে দিয়েছি। খিদিরপুরে একটা বস্তিতে একখানা খোলার ঘর ভাড়া নিয়ে সে থাকে—তার ঠিকানাও আমি জানি। লোকটা ভারী অল্পে উত্তেজিত হয়ে উঠে,—অত্যন্ত নারভাস। চল, আমরা দুজনে পুলিশ সঙ্গে আজ রাত্তিরেই তার বাসায় গিয়ে হাজির হই।'

'আর আমার ভূমিকার নায়কের স্থলাভিষিক্ত ক'রে তাকে খুনী ব'লে গ্রেপ্তার করি,—কেমন, এইত বল্চ?'

সে আনন্দে চীৎকার ক'রে উঠল 'ব্রাভো ! চমৎকার প্লান্ বার করেচ । যেমন সহজ, তেমন সুন্দর ! একটু দেরী নয়, চল ! এখন মতলবটা টাট্কা টাট্কা খাটাবার চেষ্টা দেখা যাক ।' তাড়াতাড়ি পকেট থেকে ঘড়ি বার করে সে বললে,—'দশটা বাজলো । একখানা ভাল গাড়ী নিলে আধ ঘণ্টার ভেতর আমরা গিয়ে পৌঁছুব ?'

আমি বললাম,—'এত তাড়াতাড়ি কি ? কালই হবে এখন ?'

সে বললে,—'না ভাই--লোহা লাল থাকতে থাকতেই তাকে পেটা ভাল । কি জানি, অদৃষ্ট-বৈজ্ঞান্যে সে যদি কালই বাসা বদলায় ! তা ছাড়া তোমার এই মতলবের ফল না দেখে আমার যে চোখে একফোঁটা স্নেহও আসবে না ছাঃ । আচ্ছা মতলব বার করেচ কিন্তু ! নাটকীয় সৌন্দর্যের পরাকাষ্ঠা, সত্যের অপূর্ব উদাহরণ ! তার বাড়ীতে গিয়ে মাঝরাত্রে ঢোকা, দরজায় ধাক্কা দেওয়া, তারপর ওয়ারেন্ট বার ক'রে দেখান । ওহো, আগে দেখা যাক, ওয়ারেন্টের মত ধরণের কাগজ কিছু ডেস্কে পাওয়া যায় কি না । ওয়ারেন্ট দেখেই লোকটার হতাশ ভাব, তার মাশ্চয্য দৃষ্টি, তার মুখে ভয়-ভাবনা-বেদনার মিশ্রিত ভাব, আমি যেন চোখের উপর ম্যাকবেথের ভূতের দৃশ্যের মত একের পর এক স্পষ্টই দেখতে পাচ্ছি ! আর এক মিনিটও দেরী করা নয় রমেশ, চল একখানা গাড়ীর চেষ্টা দেখা যাক । এই যে এই নীল কাগজটাকে ওয়ারেন্ট বলে চালান যাবে ।'

আমি একটু ভেবে বললাম, 'কাগজটা কিন্তু অত্যন্ত গহিত ।

আর বে-আইনী হবে। একটা নির্দোষ মানুষকে খুনী ব'লে ওয়ারেন্টের ভয় দেখাতে যাওয়া নেহাৎ তামাসার ব্যাপারও ত নয়! অবশ্য সে বেচারী এখন দুঃখে পড়েছে এই যা' ভরসা। যাতে বকসিস্ টকসিস্ দিয়ে পবে তা'কে শাস্ত করতে পারা যেতে পারে, তার একটা উপায় করতে হবে।'

অচলেন্দু বললে, 'নশ্চয়ই,—তা' কব্ব বই কি। আমি গরীব মানুষ, বেশী ত পারব না, তবে আজ রাতে তা'কে দশটি টাকা দেব। আর থিয়েটারের চারখানা টিকিট দেব। সে যখন সব স্তনবে, নাট্যকলার উৎকর্ষের জন্তে, আমাদের এ চেষ্টার খুব বেশী রাগ করতে পারবে ও না।'

আমি বললাম,—'বেশ, কিন্তু আর দেবী করা নয়, তাহ'লে হয় ত আমি এ কাজে সাহায্য করতে পারব না। কারণ মতলবটা বাব ক'রে এখন মনে মনে আমার লজ্জাই হ'ছে।'

সে আমার কথায় কাণও দিলে না। তাড়াতাড়ি বাস্তব গুলে একটা দাড়ী ঘোঁপ বাব ক'রে মুখে অঁটতে লেগে গেল। আমার বললে,—'রমেশ, শীগ'গির হাত চালিয়ে চেহারা ফিরিয়ে নাও। ইউনিফর্মের দরকার নেই, এসব কাজে ডিটেক্টিভেরা সাদা কাপড়েই কাজ ক'রে থাকে ;—তা ছাড়া এই রাতে বস্তিতে গিয়ে পুলিশের পোষাকে হৈ চৈ করতে আমার সাহস হয় না। বাঃ, দাড়ী পরেই তোমায় খাসা গস্তীর ভারিকি চেহারা দেখাচ্ছে। আর কিছু দরকারও নেই, চল।''

‘তা’র কথা বা কাজে বাধা দেবার বা অসম্মতি প্রকাশের সময় বা ইচ্ছা কিছুই যেন তখন আমার ছিল না। তাড়াতাড়ি রাস্তায় বেরিয়ে পড়লাম। গাড়ীতে উঠে কে কি করব ঠিক ক’রে নিলাম। আমিই ওয়ারেন্ট ধরান, কথাবার্তা কওয়া সব করব। আর সে পাশে দাঁড়িয়ে তাব ঈঙ্গিত ভাব পর্যবেক্ষণ করবে। কথা শেষ হ’তে হ’তেই আমরা খিদিরপুরে এসে পৌঁছলাম। নির্দিষ্ট স্থানের কাছাকাছি এসে গাড়ী ছেড়ে দিলাম। গরীব পল্লী। তখনও কেউ বাড়ী ফিরেচে। খবর নিয়ে জানলাম, সে এই অল্পকণ মাত্র বাসায় ফিরেচে। জীর্ণ সিঁড়ি দিয়ে উঠে “মাট”-কোঠা”র একখানি জীর্ণ ঘরের দরজার কাছে গিয়ে আমরা দাঁড়ালাম। একখানা বাড়ীতে অনেকগুলি ভাড়াটে, অধিকাংশ ঘরই বন্ধ! সবাই বোধ হয় ঘুমিয়ে পড়েচে। সাড়াশব্দ বেশী না ক’রে আমরা সরাসর তার ঘরের কাছেই এসে দাঁড়ালাম। দরজার সামনে দাঁড়িয়ে আমার একবার বিবেকবুদ্ধি জেগে উঠেছিল। এই ঘুমন্ত রাতে, সারাদিনের হাড়ভাঙ্গা খাটুনির পর বেচারী এইবার বিশ্রামের অবসর পেয়েচে। হয় ত ক্লান্তিতে চোখের পাতা এত-কণ বুজে গিয়ে থাকবে। হয় ত বা চেঁচা ক’রে খাবার জোগাড়ও সে করে নি, না খেয়েই ঘুমিয়ে প’ড়েচে। এমন সময় এমন ক’রে অতর্কিত আঘাত! চুপি চুপি অচলেন্দুকে বললাম,—‘চল, ফিরে বাই—এখনও সময় আছে—কাজ নেই ভাই—’ অন্ধকারে বজ্র-মুষ্টিতে সে আমার ডান হাতখানা সজোরে চেপে ধরলে, ক্রোধ-

বিকৃত স্বরে উত্তর দিলে,—‘অসম্ভব ! এখন তুমি ফিরতে পার—
আমার ফেরবার উপায় নেই। ভেবে দেখ, মিনিট দুইয়ের
অপেক্ষা, আমিও তার মুখের ভাবটি মনে এঁকে নেব, সেও দশ
টাকার নোটখান বাকসে তুলবে। বাধা দিও না, এগোও।’

যে বৈজ্ঞানিক শক্তির বলে ভারতবর্ষ-ব্যাপী দশককে এখনও
সে আকর্ষণ করতে পারচে, সে শক্তির অঙ্কুর তখনও হয় ত তার
ভেতরে উদ্ভূত হয়েই ছিল। তা’র মত বদল করতে আমার শক্তি
হোল না। আমি তার ইচ্ছার হাতে বস্তুর পুতুলের মতই নিঃস্বেকে
চালিয়ে দিলাম। দোর বন্ধই ছিল। আমরা একবার জোরে
ধাক্কা দিতে ভিতর থেকে চাপা সুরে আওয়াজ এল, ‘কে ? এত-
রাত্রে কে তোমরা—কি চাও ?’ আমি গম্ভীর সুরে বল্লেম,—
আইনের দোহাই দরজা খোল। আন্তে আন্তে দবজার হুক-
খোলা শব্দ পেলাম। ঘরে আলো ছিল। সে তখনও আমা
গোলেনি, দোর খুলে একটু পাশে স’রে দাঁড়াল। আমি
ঘরে ঢুকলাম, সে অবাক হ’য়ে আমাদের দিকে চেয়ে রইল। আমি
সে সময়েও অচলেন্দুর মুখেব দিকে না চেয়ে পারলাম না। শিকার
বিড়াল যেমন ক’রে অসতর্ক ইঁদুরের দিকে চেয়ে থাকে, ঠিক তেমনি
করে সে তখন তার শিকারের পানে চেয়েছিল। তা’র মুখেব প্রত্যেক
আঙ্কন-বিকৃতিও যেন তার চোক থেকে এড়িয়ে না যায়, এমনি
‘একটি সতর্ক সাবধনতার ভাব যেন তার মুখে ফুটে উঠেছিল।

ওয়ারেন্টখানা পকেট থেকে বার ক’রে তার সামনে ধ’রে

বললাম, 'আমি পুলিশের কর্মচারী। তিন সপ্তাহ পূর্বে একটি স্ত্রীলোককে খুন করার অপরাধে তোমায় আমি রাজ্যের হুকুমে গ্রেপ্তার করলাম।'

মূহূর্তমধ্যে তাঁর মুখের অদ্ভুত ভাব পরিবর্তন হ'য়ে গেল। একবার দরজার দিকে, একবার জান্নার দিকে তাঁর চোখ গুরে এল। পলায়নেচ্ছু পিঞ্জরাবদ্ধ অস্তুর মত চোখ দুটো যেন জ্বলে উঠল। চিত্রকর কোনও দৃশ্য অঁকবার পূর্বে যেমন ক'বে তার আদর্শের দিকে গভীর মনোযোগের সঙ্গে চেয়ে থাকে, অচলেন্দু তেমনি করেই তাঁর সামনের অভিসুকু আসামীর পানে চেয়ে দেখছিল। হারপর আচম্বিতে যে ঘটনা ঘটল, তাতে বিস্ময়ে ভয়ে আমার অস্তুরাত্মা কেঁপে উঠল। আজ পর্যন্ত তাঁর সেই হত্যাশের সুর আমার কাণে বাজছে,—এখনও যেন আমি সে সুর শুনতে পাচ্ছি। সে বলে উঠলো, 'সব শেষ,—সব শেষ,—আমার আশা ভরসা আর কিছু নেই! যা' তোমরা বল্চ, আমি সবই স্বীকার করছি। আমাকে কি করে যে তোমরা খুঁজে বার করলে, তা আমি জানি না—জানতে চাইও না।'

সে তাঁর মাথার কৃত্রিম চুল আর দাড়ীগুলি একটানে খুলে ফেলে দিলে। আমরা সশ্চর্য্যে দেখলাম সে মূর্তি খুব অপরিচিত নয়—ভাব ফটো খানায় খানায় অনেক জায়গায়ই এঁটে দেওয়া হ'য়েছিল। তিন হপ্তা আগে সে তাঁর স্ত্রীকে খুন ক'রে নিরুদ্দেশ হ'য়ে গেছিল। গঙ্গাধর তাঁর আসল নাম নয়,—তার নাম হরকান্ত মাইতি।

হরকান্ত তার নিজের কাহিনী বলেছিল। সে বলেছিল,—
 ‘আপনারা জেনেছেন আমি খুনী, আমার স্ত্রীকে আমি খুন করেছি
 কিন্তু কেন যে করেছি, মানুষ হয়ে মানুষের বৃকে,—একদিন
 যা’কে পৃথিবীর মধ্যে সবচেয়ে ভালবেসে ছিলাম,—তা’র বৃকে
 কেমন করে যে ছুরী মেরেছিলাম, কত বড় আঘাতে, কতখানি
 ষড়্ণায় যে মানুষ দানব হয়, তা আমি জানতে চাইছি’ না।
 তবে তাকে নিজের হাতে মেরে—আমি যে অনুতপ্ত হই নি, এ
 কথা এখনও বলতে পারি। এখানে আর এখানকার উপরকার
 যে আদালতেই আমার বিচার হোক, আমি হাসিমুখেই সে দণ্ড
 নেব। তবে নিজের অপরাধকে অপরাধ বলে স্বীকার করব না।
 আমি তৈরী হ’য়েই আছি—মব্তে আমার ভয় নেই—ক’সীতে
 কেবল ভয় ক’রেছিলাম। অপরাধীকে দণ্ড দিয়েচ, তাতে ছুঃখ
 নাই। যাক, মানুষ মারার যে পাপ, তার শাস্তি হ’য়েই যাক—
 চলুন, কোথায় যেতে হবে চলুন।’ সে অগ্রসর হয়—আমি
 অচলেন্দুব পানে চেয়ে দেখলেম। এতবড় ঐকান্তিক ব্যাপারেও
 সে সম্মান অবিচলিত। ভাবে তার আদর্শ সংগ্রহ করে নিচ্ছিল।
 একটি কথাও সে বলেনি। এতটুকু আশ্চর্যভাবও দেখায় নি।
 শেষ পর্যন্ত সে যেন কেবল চোক দিয়েই ঘটনাটিকে গ্রাস করছিল।
 নাট্যকলাই ছিল তার প্রাণ—মুষ্ণাত্ত তার নীচে। প্রভাবিত
 স্বামীর নিজমুখে স্বীকারোক্তি তৎকালীন মনোভাবের প্রকাশ, -
 শুধু “বিরজা” নাটকে নয় “ওথেলো” নাট্যাভিনয়েও তার ষড়্ণের

সিংহদ্বার মুক্ত ক'রে দিয়েছিল। সেই ক্ষুদ্রাদপি ক্ষুদ্র বীজ কিন্তু তা থেকেই আজ প্রকাণ্ড মহীরুহের উৎপত্তি করেছে।

“ওরিয়েন্টাল” থিয়েটারে অচলেন্দু নাথক “বিকাশের” পাঠ নিয়ে প্রথম দিনেই সে আশ্চর্য্য দক্ষতা দেখিয়েছিল, তাতে দর্শকদের অধু মুগ্ধ করা নয় একেবারে কিনেই ফেলেছিল। সেই এক রাত্রে অভিনয়ে টলটলায়মান রঙ্গভূমি আর তার গরীব অভিনেতা দু-এরই ভাগা পরিবর্তন হ'য়ে গেছে। উপস্থাপিত প্রতি শনিবার এই একই নাটকের অভিনয়, আর একই প্রকার লোক সমাগম চলছিল। থিয়েটারে লোকের স্থান সংকুলন হয় না। পুলিশ দিয়ে ভিড় কমাতে হয়, বেলা হ'তো না বাজছেই টিকিট-ঘরের সামনে অভিনয়-দর্শনেছু লোকের ভীড় জমতে থাকে। সেই একটি মাত্র দৃশ্য “পুলিশ কর্তৃক স্বীহত্যাকারী বিকাশের গ্রেপ্তার দৃশ্য” অভিনয়ের সকল ক্রটিই সেবে নিয়োঁচল। অভিনেতার আশ্চর্য্য স্বাভাবিক ভাবপ্রকাশের দক্ষতা যুগে যুগে সংবাদপত্রে দেশব্যাপী জয়গানে ভ'রে উঠেছিল।

যে অভাগা নিজের দুর্ভাগা দিয়ে অচলেন্দুর ভাগা ফিরিয়ে দিলে, বিচারক তাকে জীবজীবন দ্বীপান্তর বাসের হুকুম দিয়েছিলেন। সে তার দুর্ভাগ্য জীবন বইতে পারছিল না বলে ফাঁসিকেই কিছু কামনা করেছিল।

গল্প শেষ করিয়া ধূমমলিন রাজপথের দিকে তাকাইয়া একটা সহানুভূতির নিঃশ্বাস ফেলিয়া রমেশ কহিল, “আজ এইখানেই উপসংহার করা যাক। ভাবের অভিব্যক্তির বিষয়ে আরো কিছু আমার বলবার ছিল। কিন্তু আজ আর নয়—বারান্তরে।”

লেখকের বিপত্তি

১

আদিত্যবাবুর স্ত্রী অণিমা স্বামীর নব-প্রকাশিত উপন্যাস “যুগ
তুষ্কার” সমালোচনা পাঠ করিতেছিল। মাসিক পত্র “সত্তা-
প্রকাশে” তাহার সমালোচনা বাহির হইয়াছে। সমালোচক
লিখিয়াছেন— “উপন্যাস স্বগতে আদিত্যবাবু এইবার নবযুগ আনয়ন
করিলেন। বইখানির আগাগোড়া সবটুকুই নিখুঁত ভাল হইলোও,
একমাত্র নারীচরিত্র অভুলনীয় --নারীচরিত্র-চিত্রণে আদিত্যবাবু
যে অসাধারণ কৃতিত্ব দেখাইয়াছেন -- ভয়, ভক্তি, স্নেহ, প্রেম,
সহশক্তি, ধৈর্য্য অন্তরের ব্যর্থ হাহাকার, তপ্তির বিমল উচ্ছ্বাস
প্রভৃতি ক্ষণে ক্ষণে পরিবর্তনশীল নারীচিত্রের অপূর্ব উদাহরণ এমনই
স্বাভাবিকভাবে ফুটাইয়া তুলিয়াছেন যে, তাহার তুলনা নাই।
আমরা মুক্ককণ্ঠে বলিতে পারি, একমাত্র আদিত্যবাবু ছাড়া এমন
লেখা আর কাহারও লেখনী হইতে এ পর্য্যন্ত বাহির হয় নাই,
স্বষ্টি হইবেও না।” ইহা পাঠ করিয়া ঘোর অবজ্ঞাভরে মাসিক
পত্রখানি টেবিলের উপর ফেলিয়া দিয়া, অণিমা শূন্যনেত্রে জানালার
বাহিরে কাপশ বর্ণযুক্ত আকাশের পানে চাহিয়া রহিল।

লেখকের বিপত্তি

আদিত্যবাবুর নাম শিক্ষিত-সমাজ সম্মানের সহিতই উচ্চারিত হইয়া থাকে। আজকাল প্রায় সকল মাসিক পত্রেরই তাঁহার লেখা, উপন্যাস, ছোটগল্প, কিছু-না কিছু বাহির হইতেছেই। বাঙ্গলা “মাসিকে”র সমধিক আদর বাঙ্গালীর অন্তঃপুরে। সেই একটিমাত্র লেখকের লেখাব আশায় পার্শ্বিকা বা সারামাসটি উৎকণ্ঠা, আগ্রহে কাটাষ্টয়া, দ্বিতীয় মাসের ১লা তারিখ হইতেই পথ চাহিয়া বসিয়া থাকেন। কেহ কেহ নাকি “ডাক” পৌছাইবার পূর্বেই সাংসারিক কাজকর্ম যথাযথ সারিয়া রাখেন।—পাছে পত্রিকা পাইলে কাজের ঝঞ্জাটে পাঠে বিলম্ব ঘটয়া যায়,—তাই এ সাবধানতা। এখন এমন হইয়াছে, মাসিকপত্র পাইলেই পার্শ্বিকা আগেরই সূচীপত্রে নামের তালিকা দেখিয়া গয়েন, “আদিত্যনাথ গঙ্গোপাধ্যায়ে”র নাম আছে কিনা। যেনার তাগ না থাকে, সে-মাসের পত্রিকাখানি পার্শ্বিকানগের কাছে শুধু নীরসই নয়, একেবারে মূলাহীন হইয়া যায়। এ অনশ্রু যে শুধু অন্তঃপুরিকা-দেরই তাহা নহ, উপন্যাস বা গল্প প্রিয় নর-নারী-চিত্তই এখানে সহানুভূতিতে সমবহ।

অনবরত মাসিকপত্রের খোরাক যোগাইয়া আদিত্যনাথের কল্পনার গতি যখন মন্থর হইয়া আসিতেছিল তখন তাঁহার অপেক্ষা পত্রিকা সম্পাদকের অবস্থা বড় কম শোচনীয় হয় নাই। উৎসাহী দিয়া,—তাগিদ দিয়া অনুরোধ জানাইও তাঁহারা আদিত্যবাবুর “ভাবের ধরে” প্রয়োজনানুরূপ মাল জমাইতে পারিতেছিলেন না।

বই ছাপা লইয়া “পাব্‌লিসার”দের মধ্যে হুড়াহুড়ি পড়িয়া গিয়াছিল। দুই বৎসরে চারিখানি উপন্যাসের তৃতীয় সংস্করণ বাহির হইয়া গেল—নবীন লেখকের পক্ষে এ কি কম সম্মান ! যশের নেশায় আদিতানাথের লেখার সাধও ক্রমশঃই বৃদ্ধিত হইতেছিল, এমন কি, ইহারই সাধনায় তাঁহার স্নানাহারে সময় কুলায় না, মেজাজও সেই অনুপাতে সদাই সপ্তমে চড়িয়া থাকে।

আদিত্যবাবুর স্ত্রী অগ্নিমা শিক্ষিতা ও সুন্দরী। বাহিরের সৌন্দর্যের সহিত তাহার অন্তরটাও বসন্তকালের কচিপাতাগুলির মতই রমণীয় নবীনতার স্ফুর্তিতে ঝলমলায়মান। স্নেহ-প্রেম-দয়া-দাক্ষিণ্যমিশ্রিত অস্তুরটুকু বর্ষাকালের কূলে কূলে ভরা ছোট নদীটির মতই ভরপুর। সে গৃহিণী-পণায় নিপুণা, রোগশয্যায় শিক্ষিতা ধাত্রী ; আবার দ্রোপদা বলিয়া রক্তনেও সে পিতামহের কাছে প্রশংসাপত্র আদায় করিয়া লইয়াছে। বিবাহের পর দুই বৎসর বড় সুখেই তাদের দাম্পত্য জীবন কাটিয়াছিল। তখন অগ্নিমার মনে হইত—পৃথিবী বৃষ্টি শুধু আনন্দের রাজ্য ? ইহার কোনখানে কোন অভাব, অভিযোগ, দুঃখ বেদনা, কোন মলিনতা নাই। নিজের সৌভাগ্য গর্বে পরিপূর্ণ প্রাণমন সে তাহার পতিদেবতার পদেই উৎসর্গ করিয়াছিল, নিজের কোন স্বাভাব্য রাখে নাই। তারপর ধীরে ধীরে তাহার সাধের ধরিত্রীর বর্ণ পরিবর্তিত হইতেছিল। এখন তাহার নয়নের হাসি অধরে নামিয়াছে ; তাহাতেও বিবাহের স্নান ছায়া কুটিয়া থাকে। কাজকর্মের সনানন্দময়ীর আর

সে আনন্দভাব নাই। মিছামিছি হাসি খেলায় আর সে ছেলে-মানুষি করে না! কারণে, অকারণে চোখের জল এখন অনেক সময় ছুনিবার বেগে বহিতে চায়। অনেক সময় মনে মনে সে নিজ মৃত্যু-কামনাও করিয়া থাকে। তাহার সুখের ঘরে ভূতে বাসা বাধিয়াছিল। শরীরের ক্লান্তিনাশ ও মনের ক্ষুধা বিধানের জন্য কিছুদিন হইতে আদিত্যনাথ যে নূতন ঔষধ সেবন করিতে শিখিয়াছিল, তাহা এমনি অসংঘত ও অশোভনরূপে আত্মপ্রকাশ করিয়াছে যে, অগ্নিমার অনুনয়, অভিমান, ক্রোধ, ক্রন্দন, কিছুতেই আর তাহা ঠেকাইয়া রাখিতে পারিতেছিল না, বরং গোপনতার গজ্জা এড়াইয়া আদিত্য তাহার স্ত্রীকে এখন আর গ্রাহ্যও করে না। স্ত্রীর অল্প-বুদ্ধি ও অসংস্কৃত জ্ঞানের প্রতি কটাক্ষে, অনেক সময় অনুকম্পার সহিত সে, তাহাকে 'আহা বেচারি' এইরূপই মনে করিয়া থাকে। কখন বা সে তাহার স্ত্রীর প্রত্যেক ভাব-ভঙ্গিমাটি ভাবের রঙ্গেরাজাইয়া লেখার তুলিকাতে আঁকিয়া তুলে। স্ত্রীর হাসি-ক্রন্দনের রোদ্-বৃষ্টির মধুর অভিনয়—মান-অভিমানের করুণ দৃশ্য—আদিত্যকে ব্যথা না দিয়া এখন আনন্দই দেয়। কখনও অত্যধিক যত্নসোহাগে, কখনও বিরক্তি-তাচ্ছিল্যে, কখন অত্যন্ত কাঁচ টানিয়া, কখন বা নিজের প্রাত অকারণে পত্নীর স্নেহের উদ্বেক করাইয়া নারীহৃদয়ের গোপন-মাধুর্য্য,—প্রতারিতার মর্ষবেদনা, ঈর্ষাপরায়ণার মনের ভাব,—স্বল্পভাবে লক্ষ্য করিয়া সে 'নোট' করিয়া রাখে। জীবন্ত আদর্শের অনুসরণে এই শক্তিশালী নবীন

লেখক যে নারীচিত্র-চিত্রণে অসাধারণ দক্ষতা লাভ করিয়াছিল, সে-সম্বন্ধে কাহাকেও বিধাগ্রস্ত হইতে দেখা যাইত না।

ঘরের বাহিরে জুতার শব্দ থামিবার পূর্বেই অণিমা ঘরের দিকে মুখ ফিরাইল। তাহার শরীরের মধ্যে একটা আনন্দের বিদ্যুৎ শিহরিয়া গেল; আসন ছাড়িয়া শান্তকণ্ঠে সে কহিল, “এত দেবী যে?”

স্ত্রীর প্রশ্নে উত্তর না দিয়া, হাতের ছড়ি ও মাথার টুপী টেবিলের উপর রাখিয়া আদিত্য কহিল—“ও! কি গরমই পড়েছে?”

হাতের তালপাতার পাখাখানি একটু জোরে চালাইয়া অণিমা কহিল,—“বাবা ত কতবারই আমাদের যাবার অন্তে লিখ লেন তা তুমি যাবে না ত? শিম্লেয় এখন ত সময় ভালই!”

স্ত্রীর অভিমান-সুধ কণ্ঠস্বরে আদিত্য তাহার প্রতি চাহিয়া দেখিল। সংসারের অনেক ছোট বড় জিনিষকেই সে যেমন তীক্ষ্ণ অন্তর-ভেদী দৃষ্টিতে পর্যবেক্ষণ করিয়া দেখে, তেমনি করিয়াই সুন্দরীর হাসিমুখে যেমন দ্রুতগতিতে বেদনার ছায়া ফুটিয়া উঠিতেছিল তাহাই লক্ষ্য করিয়া দেখিতে লাগিল; স্ত্রীর কথার উত্তর স্বরূপ কহিল—“চেষ্টা কর্ব' পূজার সময় যেতে! তুমি ত জ্ঞান, তাঁর সঙ্গে আমার মত কখনই মিল্লো না! গেলে আমিও সুখ পাব না, তিনিও না! নৈলে ক'ি কি ছিল আর!”

অণিমা গলা ঝাড়িয়া সহজ স্বরে কহিল—“জল থাকে চল। কাপড় বদলাবে না?”

আলস্ত ভাবিতে ভাবিতে হাই তুলিয়া আদিত্য উত্তরে

কহিল—“না —থাবও না, কাপড়ও বদলাব না । তা'র কারণ, এখুনি আমায় আবার বেকতে হবে ।”

অনিমা কহিল—“থাবে না কেন ? কোথাও খেয়েছে বুঝি ?”
অনিমার স্বর সংশয়পূর্ণ । আদিত্য কহিল—“না, খাইনি কোথাও ।”
স্বামীর দৃষ্টির সহিত দৃষ্টি মিলাইয়া অনিমা বলিল—“তবে থাবে না কেন ?—সেই ছাই ভস্ম খেয়েচ বুঝি ?”

স্ত্রীর বিরক্তিপূর্ণ মুখের পানে সগৰ্ব্ব দৃষ্টিপাতে স্বামী বিজয়ী বীরের মত উত্তর দিল—“কিছু,—কল্পনাকে সতেজ কব্তে দুৰ্বল-মস্তিষ্কে বলাধানের জন্য এটা যে কত উপকারক - তা যদি একটুও বুঝতে ; তা হ'লে এমন নেই-আঁকড়ে তর্ক করতে চাইতে না ।”

অনিমা রাগরক্তমুখ ফিরাইয়া অক্ষুণ্ণস্বরে কহিল—“থাক—ও আর আমার বুকে কাজ নেই !”

কথা ফিরাইবার ইচ্ছায় আদিত্য কহিল—“বাঃ, তোমার নূতন * চুড়ি দিয়ে গেছে যে দেখ্চি !—খাসা মানিয়েচে ত ?”

“কিন্তু এর বিল যখন আসবে, তখন আর খাসা মনে হবে না । ব'লেছিলাম ত আমার ও-সব চাইনে ।—” অনিমা ঐ কথা বলিলে আদিত্য “ওঃ তাতে কি”, বলিয়া মৃদু হাসিয়া পত্নীর অভিমানপূর্ণ মুখের পানে চাহিয়া স্বর নামাইয়া পুনরায় কহিল—“তোমায় খুসী করতে এ কি এমন বেনী দামী অণি !”

অনিমা কহিল—“আমার খুসী করতে চাও ছুমি ? সত্যি বল্চ চাও ?, তবে ও ছাইভস্মগুলো খাও কেন ?”

আদিত্য ষড়ি খুলিয়া দেখিয়া, ষড়িটি বন্ধ করিয়া যথাস্থানে রাখিয়া কহিল—“বলেচি ত, কিন্তু তুমি যে আজ বড় সাজগোজ করে বসে আছ? কোথাও যাবে-টাবে না কি? না, আসবে কেউ?”

অনিমা স্বামীর অনুসন্ধিৎসু দৃষ্টির সহিত দৃষ্টি মিলাইয়া শাস্ত-ভাবে কহিল—“আমার মনে হচ্ছে আজ যেন আমাদের বায়স্কোপ দেখতে যাবার কথা ঠিক করা ছিল?”

আদিত্য বলিল,—“ওঃ, হোঃ, তাই ত—একদম ভুলে গেছি যে!—কিন্তু আজ ত আর হোল না, তা—রমেন যাচ্ছে, আমার সঙ্গে সঙ্গীত-সমাজে, রাতে তার বাড়ী নিমন্ত্রণও আছে, ফিরতে চের রাত হবে আমার। তোমার খাওয়া-দাওয়া সেরে নিয়ে শুয়ে পোড়ো। কখন ফিরব তার কিছুই ঠিক নেই ত।”

অনিমা অভিমান ভুলিয়া মিনতির সুরে কহিল—“বাঃ, সে হবে না। আজ আমি সারাদিন ধ’রে খাবার-টাবার সব তৈরি করলাম, তুমি খাবে না? সে হবে না।”

“মাপ্ করতে হচ্ছে, আজ কিছুতেই খেতে পারব না, আর একদিন আবার কোরো তখন! রমেনের বোন নিজে হাতে আজ রান্না ক’রে খাওয়াবেন, খেয়ে গেলে ভারী রাগ ক’রবেন তিনি, আমি ভালবাসি বলে নিজহাতে রাখবেন। জান ত কি বৃকম অভিমানী মানুষ।” অনিমার মনে হইল, বলে যে সেও অভিমান করিতে জানে। কিন্তু বলিল না। আদিত্য কহিল—

“শনিবার চেঞ্জ যাওয়াই ঠিক করা গেছে—গদাধরকে বোলো,

আমার গরমের স্ফুটুটুগুলো যেন ইন্দ্রী করিয়ে রাখে। ফিরতে মাস দুই দেবী হ'তে পারে, শীতের কাপড় কিছু বেশী সঙ্গে থাকাই ভাল।”

সারাদিনের পরিশ্রম-যত্নে প্রস্তুত গাঞ্জাবোর শোচনীয় পরিণাম-কল্পনায় অগ্নিয়ার মনে দুঃখেয় মেঘ জমা হইয়া উঠিতেছিল, অনুকূল বাতাসে তাহা মুহূর্তে সরিয়া মুখখানি আনন্দে উজ্জল হইয়া উঠিল। হর্ষোৎফুল্লকণ্ঠে সে কহিল—“কোথায় যাব তাহ'লে আমরা?”

“আ-ম-রা!” বলিয়া আদিত্য অবাক হইয়া কিছুক্ষণ স্তব্ধ দিকে চাহিয়া থাকিয়া কহিল—“না, আমি একাই যাবো, তোমার যাওয়া ত' হ'চ্ছে না।”

“একলা থাকতে পারবে?” বলিয়া অগ্নিয়ার স্বামীর পানে ফিরিয়া চাহিল।

আদিত্য একটুখানি ভাবিয়া কহিল—“তা চ'লে যাবে এক রকম। কল্পনাকে জাগিয়ে তুলতে, দুর্বল মস্তিষ্ক স্নিগ্ধ রাগতে শুধু প্রাকৃতিক দৃশ্য নয়, বাইরের সকল বস্তুট' থেকে মুক্তি নেওয়াই হয়েছে আমার দরকার। ঘরের বাইরে হিন্দুর মেয়ে ঘাড়ে বোঝা বই ত' আর কিছু নয়।”

অগ্নিয়ার টেবিলের উপরকার মাসিকপত্রখানি তুলিয়া নাড়াচাড়া করিয়া মৃদুস্বরে কহিল—“তুমিই কিছু ব'লে থাকো যে, স্ত্রী চিন্তা-রও সাথী।”

অপাঙ্গে টেবিলের উপরকার মাসিকপত্রখানির দিকে চাহিয়া

আদিত্য কহিল,—“বিলক্ষণ ! চিন্তা ত’ তোমায় করতেই হবে সেখানে । বিরহসঙ্কে এবার সেখান থেকে যা রচনা ক’রে আন্বো,—সাহিত্যজগতে একেবারে তাক্ লেগে যাবে— তাতে ।—” তারপর একটু স্বর নামাইয়া পুনরায় কহিল—“তুমি ত’ জ্ঞান স্ত্রীভাগ্যে নিজেকে আমি ভাগাবান্ বলেই মনে করি ।”

অগ্নিমা হাতের বইখানির পাতা উল্টাটয়া কহিল—“লেখায় তুমি মেয়েদের বে রকম শ্রদ্ধা, সম্মান, অধিকার দেওয়া উচিত বল—কাজের বেলায়— !”

বাক্যপূরণের অবসর না দিয়া আদিত্য বলিল “বাঃ একেবারে অনিবেসান্ত ! এই ত ! কতকগুলো নভেল পড়ার এই ফল ! সংসারটা বইয়ের অক্ষরে ত’ আর তৈরী হয় নি, এটা সত্যিকার : তাই পুঁথির লেখার সঙ্গে অক্ষর মিলিয়ে সংসার-ধর্ম করা চলে না । নভেলের মানুষ আর সত্যি-মানুষ আকাশ পাতাল তফাৎ ।”

অগ্নিমা একটা ছোট রকম নিশ্বাস ফেলিয়া মৃদুস্বরে বলিল—
“ভালবাসাও কি তাই ? এও কি শুধু বইয়ের কথা ? সত্যি কি কিছু নেই এর মধ্যে ?”

স্বামী ষড়ি খুলিয়া দেখিলেন, ছ’টা বাজিতে পনের মিনিট বাকী । ষড়িটি ষথাস্থানে রাগিয়া গম্ভীরমুখে গৌফে তা দিতে দিতে কহিলেন—“আজ্ঞে শুনি প্রশ্ন ! আমার মনে হচ্ছে এ-সম্বন্ধেও তোমায় আগেও অনেক কথা আমি বলেছি । ভালবাসা একটা মনোবৃত্তি-বিকার কল্পনার কণিক মোহ—স্বাধু উদ্ভেজনা । এর

দৌলতে—অর্থাৎ এর বর্ণনা ক'রে হাজার হাজার টাকা অনায়াসে আমাদের পকেটে এসে তোমাদের লোহার সিকুকে বা গহনা কাপড়ে পরিণত হয়। এ একটা সাময়িক মোহমাত্র। যারা এই ভালবাসার ইতিহাস শোনার জন্য পাগল হন, তাঁদেরও সে একটা সাময়িক মোহের বিকৃত অবস্থার কাল। নদীর জল যেমন তিথি-বিশেষে ছ ছ করে বেড়ে তটের প্রান্ত ডুবিয়ে তট ভেঙ্গে চুরে দিয়ে আবার নদীর বুকেই ফিরে যায়,—এও তেমনি, মনোরূপ নদীতে ভালবাসার বান্ ডাকলেও তা বেশীদিন টিক থাকে না।” আরো একটা উপমা উপন্যাসিকের মনে জাগিয়া উঠিল। চলিতে গিয়া হঠাৎ দাঁড়াইয়া পড়িয়া সে কহিল—“সাদা কথায় বোঝাতে গেলে বলতে হয়, যেমন রেশমী কাপড়, বেনারসী শাড়ী প্রভৃতি রোদে দিলে বা পুরোণো হ'লে যেমন তার রং চটে যায়, ভালবাসা ব্যাধিরও রং তেমনি পুরোণো হ'লেই এরও রং চটে যায়। ভাল চিকিৎসক হ'লে এর স্ফুটিকিৎসাও জানেন। আচ্ছা এই ছ'টা বাজলো, আমি এখন তাহ'লে আসি।” অভ্যস্ত পর্যবেক্ষণের তীক্ষ্ণ দৃষ্টিতে স্ত্রীর বিষন্ন নতমুখের পানে বারেক চাহিয়া লইয়া বাহিরে যাইবার জন্য দ্বারের দিকে অগ্রসর হইয়া মুখ না ফিরাইয়াই আদিত্যনাথ পুনরায় কহিল—“কথাগুলো যা বললাম, নোট ক'রে রেখ' ত! দরকারে লাগতে পারে কখন না কখনো।”

এ রকম ফর্মাইন্স অগ্নিমাকে আরও অনেকবার খাটিতে হইয়াছে, আজ কিছু নূতন নয়। তবু আজ তাহার দুই চোখ

ছাপাইয়া জলের ঝারা সহসা ঝরণার মত ঝরিতে চাহিতেছিল। প্রাণপণে নিজের মনকে চোথ রাঙ্গাইয়া অনেক কষ্টেই সে চোখের জল বন্ধ রাখিয়া স্বামীর গমনশীল মূর্তির পানে বন্ধ-দৃষ্টিতে চাহিয়া স্থির হইয়া বসিয়া রছিল, সে জানিত, সে মূর্তি আর থামিবে না— ফিরিয়াও চাহিবে না।

আদিত্যনাথ মানুষটি আসলে কঠোরচিত্ত নহে। কেবল লেখক হইবার উচ্চাশায় আদর্শ পাঠবার অদম্য লোভে নিজের স্ত্রীকে সর্বদা গভীরভাবে পর্যবেক্ষণের ফলে ধীরে ধীরে তাহার স্বভাবে যে পার্যন্তন আসিতেছিল, সে তাহা অনুভবও করিতে পারে নাই। লেখায় স্ত্রীজাতির প্রতি যে সুকোমল সহানুভূতি প্রকাশে সে জন-প্রিয়, সমাজে হৃদয়বান্ আখ্যায় আখ্যায়িত, সেই সহানুভূতির, অভাবকোভেই তাহার তরুণী পত্নীর চোখের জল ছনিবার হইয়া উঠিতেছিল। অগতে মানুষের কথা ও কার্যে এতই বৈষম্য। দুই বৎসর পূর্বে এই মায়াবাদী বৈদান্তিকই তাহার নবোঢ়া পত্নীর কর্ণে ভালবাসার যে মোহিনী মন্ত্র ঢালিয়াছিল, সে নিজে তাহা বিশ্বৃত হইলেও তাহার মন্ত্রমুখা স্ত্রী ভুলিতে পারে নাই। ছ'বছর আগে ভালবাসার কথা কহিয়াই তাহাদের দিবারাত্রির ব্যবধান থাকিত না। আদিত্য সত্য কথাই বলিয়াছিল। ভালবাসার কথা সে এত বেশী বলিয়াছে যে, সারাজীবনে সে কথার আর উল্লেখ না করিলেও চলিতে পারে।

অণিমাও দুর্বল-চিন্তা নয়—তবু সে নারী! স্বামীর স্নেহহীন,

প্রেমহীন, উদাসীন ভাব প্রথম যখন সে অনুভব করিতে শুরু করিল—কি গভীর বেদনার, কি কঠোর মর্মান্বাহী সন্দেহেই না তাহার কোমল হৃদয়খানি পিষ্ট হইয়া গিয়াছিল। এখন সে কথা মনে করিতেও লজ্জায় সে যেন মরিয়া যায়। ক্রমে সে বুঝিল, তাহার সন্দেহ অমূলক হইলেও, স্বামী পরজীতে অনুরক্ত না হইলেও স্বামীর হৃদয়ে সত্যই তাহার আর স্থান নাই। সে তাঁহার সুখদুঃখভাগিনী জীবন-সঙ্গিনী নহে, সে তাঁহার উপন্যাসের আদর্শ মাত্র। আর সন্ধ্যাপেক্ষা দুঃখ, আদিত্য এখন সুরাপান করিতে শিখিয়াছে। অগ্নিমা তাঁহাকে অনুন্নে বাধা করিতে পারে নাই। স্ফোর করিয়া বারণ করিলেও তিনি শুনেন না। তাই সে লুকাইয়া কাঁদে। দুর্ভাগিনী সে, না পারিল স্বামীর প্রেম অক্ষুণ্ণ রাখিতে, না পারিল তাঁহাকে ধ্বংশের মুখ হইতে ফিরাইতে। বৃথায় সে নারীজন্ম গ্রহণ করিয়াছিল। যশের মুকুট পরিয়া আদিত্য এখন সাহিত্যাগগনে মধাকু-সূর্য্য ; দিগন্তের অনেক উর্দ্ধে উঠিয়া পড়িয়াছে, ক্ষুদ্রা নারী কেমন করিয়া হাত বাড়াইয়া আর তাহার নাগাল পাইবে ! অগ্নিগার মনে হইল, তাহার রেশমী শাড়ীর রং শুধু মলিন নয়, একেবারে নিঃশেষে সাদা হইয়াই গিয়াছে।

২'

জানালায় ছিটের পর্দার সবুজ রং অন্ধকারে ক্রমেই অস্পষ্ট হইয়া আসিল। বি বাহির হইতে ডাকিয়া কহিল—“মা, ঘরে

আলো জ্বলে দিই, সঙ্কো নেগেছে।” অণিমা তেমন উদাস-নেত্রে শূন্যে চাহিয়া বসিয়া রহিল, উত্তর দিল না।

ঘরের বাহিরে ভারী জুতার শব্দের সাহত পুরুষ কণ্ঠের গম্ভীর স্বর শোনা গেল,—“ঘরে যাব ? না, প্রবেশ নিষেধ ?” এবং উত্তরের অপেক্ষা না রাখিয়াই প্রশ্নকর্তা সঙ্গে সঙ্গে দ্বার খুলিয়া ঘরে ঢুকিতে অণিমা ঘোর বিস্ময়ে উঠিয়া দাঁড়াইয়া অক্ষুট চীৎকার করিতে গিয়া, পরক্ষণে আত্মসংবরণ করিয়া লইয়া স্মিতমুখে কাছে আসিয়া মাটিতে মাথা ঠেকাইয়া প্রশ্ন করিয়া উঠিয়া দাঁড়াইল, কহিল—“কি ভাগ্য ! মনে পড়েছে যে বড় ?”

আগন্তুক বিনা আতথ্যেই একখানি কেদারা টানিয়া জাঁকিয়া বাসিয়া—“মনে মনে গাথা সখী—ই—ই—”, আমার মন হয়েছে উড়ো পাখী—উড়ো—পা-খী-ই-ই”—সুরধরিতে দাসী ঘরে ঢুকিয়া আলো জালিয়া দিয়া বক্রকটাক্ষে আগন্তুকের পানে বারেক চাহিয়া ঘরের বাহির হইয়া গেলে, অণিমা হাসিয়া কহিল—“গান থামান মুখুযো মশাই ! আপনার মনের ধবর জানতে ত আমার বাকী কিছু নেই। তারপর ইন্দোর ছেড়ে হঠাৎ যে বড় বাঙ্গলা-দেশে ?”

মুখোপাধায় মহাশয় রঞ্জেন্দ্রনাথ গম্ভীর-মুখে কহিলেন—
“হঠাৎ আর কই বল ? নিক পানু কিছুদিন থেকে তোমার দিদির কাছে এমনি ভার হ’য়ে উঠেছে যে, সে ভার না নাঘিয়ে তিনি আর অন্ন-জল গ্রহণ করবেন না,—এমনি তাঁর কঠিন পণ।
• অগত্যা ছুটি নিয়ে বাকুইপুরে একখানা বাড়ী ভাড়া ক’রে তাইতে

আসা গেছে। দেখা যাক, মেয়ে ছোটোকে বিদেয় করবার কোন পন্থা বার করতে পারা যায় যদি। তারপর তোমাদের খবর বল দেখি। অন্ধকারে একা ঘরে কি হচ্ছিল? কান্না?”

“যান—কাদতে গেলাম কি হুঃগে?” বলিয়া অগ্নিমা উঠিয়া পর্দা সরাইয়া জানলাগুলি ভাল করিয়া খুলিয়া বায়ু প্রবেশের পথ মুক্ত করিয়া দিল।

ব্রজেন্দ্র কহিলেন—“বয়সে দৃষ্টিশক্তি কমে যায় সত্যি, কিন্তু বিধাতা কাকেও একেবারে বুড়ো করেই সৃষ্টি করেন না—আমারও এককালে বয়স ছিলো রে?”

অগ্নিমা কাছে আসিয়া আসন গ্রহণ করিয়া মৃদু হাসিয়া বলিল—“ছিল নাকি মুখুয্যো মশাই!—আমি কিন্তু চিরদিনই আপনাকে ঐ একই রকম দেখছি।”

মুখুয্যো মহাশয় হাসিমুখে কহিলেন—“তা হ’লে ত’ বেঁচে যেতুম অগ্নি! চিরদিন একরকম দেখাটাই না কঠিন!—তোমার কথা শুনে তবু আশ্বস্ত হলাম। সত্যি কথা বলতে কি, তোমায় দেখে আমার ত’ ভয়ই হয়েছিল!”

“—কেন বলুন ত—আমি কি এমন ভয়ানক দেখতে?” বলিয়া অগ্নিমা চুটুর্মির হাসি হাসিয়া সকোতুকে ব্রজেন্দ্রনাথের মুখের দিকে চাহিয়া রহিল। সে কথার উত্তর না দিয়া দেওয়ালে-টাঙ্গান একখানি অত্যন্ত সাধারণ চেহারার বড় এন্লার্জকরা ছবির পানে চাহিয়া ব্রজেন্দ্রনাথ কহিলেন—“এই বুঝি তোমার সাহেব?”

অগ্নিমাঝে নীরব দেখিয়া ব্রজেন্দ্রনাথ উঠিয়া অনেকক্ষণ ধরিয়া অভিনিবেশ-সহকারে ছবিখানা দেখিতে লাগিলেন; কোন মতামত প্রকাশ করিলেন না। ছবি দেখা শেষ হইলে তিনি ফিরিয়া কহিলেন—“রাস্কেলটা না বই লেখে? তোমার দিদি ত তাঁর লেখার শতমুখে স্তুতি করে থাকেন। লোকটা লেখে ভাল তাহলে নাঃ?”

সমালোচক মাসিক-পত্রখানির পানে চাহিয়া অগ্নিমা উদাসীন-ভাবে মৃদুস্বরে কহিল “প’ড়ে দেখুন না, লোকে কি বলে?”

ব্রজেন্দ্রনাথ পত্রিকাখানি তুলিয়া পাতা উন্টাইয়া নির্দিষ্ট স্থান-টুকু চিহ্নিত করিয়া কহিলেন—“লোকে যা বলে, তা লোকের মুখেই ত শোনা যায়। তুমি কি বল, তাহ আগে শুনি।”

“আমি”—বলিয়া সবেগে কি একটা কথা বলিতে গিয়া তখনি আত্মসংবরণ করিয়া অগ্নিমা কহিল—“পড়ুন না।”

পাঠশেষ করিয়া ব্রজেন্দ্রনাথ শ্যালিকার বিষয় মুখের পানে বক্র-কটাক্ষে বারেক চাহিয়া লইয়া মৃদু মৃদু হাসিতে হাসিতে কহিলেন—“বাঃ, খাসা ব’লেছে ত’? লোকটা তা হ’লে গোয়ার টোঁয়ার নয়,—কেমন? বেশ স্নেহময় হৃদয়বান্ স্বামী! খ্রীচরিত্র অঁকবার এ অসাধারণ শক্তি ও-যে কোথায় পেল, তাও ত আমার অজানা নয়!—এ শক্তির উৎস যে সেই ছোট-বেলায় ছোট অগ্নিটি, তা তার মুখুযো মশাই ইন্দোরে বসেও টের পেয়েছে! সত্যি অগ্নি—তোমার স্বরকরা দেখে, তোমায় দেখে, বড় খুসী হলুম। এই

চার বছরে আশ্চর্য্য বদলে গেছ তুমি ! সুন্দরীর সৌন্দর্য্য বাড়ে কিসে বলত ?—স্বামীর প্রেমেই নয় কি ? আদিত্য যথার্থ ভাগ্যবান্—কারণ তুমি তার স্ত্রী !”

“তাতে কি আসে যায়”—বলিয়া অণিমা অন্টাদিকে চাহিয়া রহিল ।

মুখ্যো মহাশয় বলিলেন—“তাতে কি এসে যায় ?—আমি বলছি—খুব এসে যায়, বাস্বী রাখতে রাজী আছি আমি ।”

“মিছে হারবেন,—না মুখ্যো মশাই, তাতে আর এখন কিছু আসে যায় না ।”

ব্রজেননাথ এইবার সন্দিগ্ধ-দৃষ্টিতে শ্যালিকার ভাববাক্যক মুখের দিকে চাহিয়া সংশয়পূর্ণ-স্বরে কহিলেন,—“এখন বল্লে যে ? কখনও আস্ত তা হ'লে ত ? কথাটা দ্ব্যর্থমূলক হোল কি না ?”

অণিমা আসন ছাড়িয়া উঠিয়া কহিল—“চা'র বছর বিয়ে হ'ল—বুড় হ'য়ে গেলুম—আবার ও-সব কি ? চা' থাকেন ? ব্রজেননাথ গভীর-মুখে কহিলেন—“তাই ত' অণি, আমারই যে ভুল ! চার-বছর তোমাদের বিয়ে হ'য়ে গেছে ! তোমরা ত' এখন তা'হলে বুড়-বুড়ী ! আহা, তোমার দিদির মাথায় কবে এমন স্মৃদ্ধি উদয় হবে গা ! তাঁর বিশ্বাস, মুক্তোর চুড়ী আর হীরের ব্রেসলেটে, তাঁকে যেমন মানায়, হুগাছি রাঙা শাখা আর কস্তাপেড়ে শাড়ীতে কিছুতেই তেমন মানাতে পারে না । আহা, তুমি যদি দয়া করে তাঁর বানপ্রস্থের কাল সমীপাগত, তাঁকে এই সত্যটুকু বুঝিয়ে দিতে

পার—তাহলে অনায়াসে ব্যাকের স্বরণ না নিয়ে তার আয়রণ-
চেষ্ঠের প্রসাদেই অনেকখানি কণ্ঠাদায়ে উচ্চারের উপায় হয়ে যায়।
আহা, আদিত্য কি ভাগ্যবান পুরুষ! থিয়েটার, বায়স্কোপে রাত
কাটিয়ে এলেও তাকে বোধ করি এখন বাড়ী ঢুকতে দরওয়ানের
গলাধাক্কা খেতে বা প্রবেশ নিষেধ শুনতে হয় না।”

অণিমা এবার রাগ করিয়া সত্যসত্যই ঘর ছাড়িয়া চলিয়া
যাইবার উপক্রম করিল দেখিয়া ব্রজেন্দ্রনাথ রহস্য রাখিয়া হাসিয়া
কহিলেন—“না--না—বোস। এইবার কাজের কথা বলি। আমি
যে তোমায় নিতে এলুম, তার কি হবে বস দেখি? তোমার
দিদি—আর পানু, নিকু, তেঁতুল সবাই যে তাদের মাসীমার সঙ্গে
পথ চেয়ে রয়েছে! ব’লে এসেছিলুম, আজই নিয়ে যাব। তা ত’
হোলো না দেখচি, তা হ’লে কবে হবে? তোমায় বেয়ারা বলে—
সাহেবের ফিরতে অনেক রাত হবে। তুমি তা হ’লে ঠিক হ’য়ে
থেক, কাল দুপুর-বেলা এসে তোমায় নিয়ে যাব। তোমার
দিদির ইচ্ছে, ছুটিটা একটু লম্বা হয়,—অবশ্য উভয় পক্ষের মত
থাকলে—” বলিয়া মাটিতে আস্তে আস্তে জুতা ঠুকিয়া ব্রজেন্দ্রনাথ
মুহু মুহু হাসিতে লাগিলেন।

ভুলুটিত অঞ্চলপ্রান্তটা উঠাইয়া লইতে মুখ নীচু করিয়া অণিমা
কহিল—“আজই আমার নিয়ে চলুন না মুখুসো ম’শাই—কত
দিন দিদিকে দেখিনি, বলুন ত?”

“সত্যি অণি, অ-নে-ক দিন!—সেও বড় ব্যস্ত হ’য়েছে রে—

কিন্তু গৃহস্বামীর অনুপস্থিতিতে স্বামিনীকে লইয়া পলায়ন ঠিক আইন-সম্মত বা ভদ্রতা-সম্মত হবে না ত! কাল নিশ্চয় আমি নিতে আসবো! সাহেব বাড়ী থাকেন কোন্ সময়?—অর্থাৎ তাঁর দেখা পাব ঠিক কটায় এলে বল ত?”

মুখোপাধ্যায় মহাশয়ের প্রশ্নে স্বামীর প্রসঙ্গ আসিয়া পড়ায় অগিমার সুপ্ত অভিমান, রাগ, দুঃখ সমস্তই আবার জাগিয়া উঠিতেছিল। সে বাধা দিয়া তাড়াতাড়ি কহিল—“আজই কেন নিরে চলুন না! কেউ কিছু বলবে না—দেখবেন তখন। গেলেই বা কার ক্ষতি?”

ব্রজেন্দ্র ভরের অভিনয় করিয়া কহিল—“সর্বনাশ! অগ্নি সাহসিকে—তুমি কি বৃদ্ধ মুখো! মহাশয়কে দিয়ে ‘ডুয়েল’ লড়াতে চাও নাকি? না—না—লক্ষ্মি, আজ আর নয়, কাল! কিন্তু ক্ষতিটে কার নেই কেন শুনি? গৃহিণীহীন গৃহ, সে ত অরণ্যের সঙ্গে উপমেয়। গৃহকর্তার বনবাসের ব্যবস্থা দিয়েও বল ক্ষতি নেই!”

তাচ্ছিল্যে মাথা হেলাইয়া অগিমা কহিল—“তিনি ত’ যাচ্ছেন শৈল্যবাসে—বনবাস ত’ অ্যারই ব্যবস্থা।”

ব্রজেন্দ্রনাথ বৃহৎ হাসিয়া কহিলেন—“ওঃ, তাই বল, অভিমান-পর্ব।—রাগ হয়েছে—ক’দিন থাকবে সেখানে?”

“আমি তার কি জানি? যতদিন ইচ্ছে! মস্তিষ্ক নীতল রাখতে, কল্পনাকে প্রাণ দিতে, মনের শক্তি সঞ্চয় করতে প্রাকৃতিক দৃশ্যই হ’চ্ছে প্রধান ঔষধ। সংসারের ঝড়টু থেকে মুক্ত থাকা—সে

সময় কত প্রয়োজন আপনি তা হয় ত' অনুমানও ক'রতে পারবেন না।" ব্রজেননাথ চিন্তিতমুখে কহিলেন—“না ভদ্রে! তা আমি পাল্লেন না,—তা ঐ সব পাগলামী করবার সময় তোমার ব্যবস্থাটা কি রকম হবে? তোমার সঙ্গে নিলেই ত' বেশ হ'ত। কল্পনার পেছনে ছুটোছুটী না ক'রে বাস্তবের ফটো তোলা সে ত আরও!—”

“দয়া করুন মৃথুষ্যে ম'শাই! আপনিও শক্রতা করবেন না—তা হ'লে আমি ম'রে যাব” বলিয়া ফিরিয়া বসায়, আধ-অন্ধকারে অগ্নিমার মুখ স্পষ্ট দেখা যাইতেছিল না,—তবু তাহার কণ্ঠস্বরের আদ্র ও আর্জুভাব ব্রজেননাথকে বিস্মিত করিয়া দিল। কিছুক্ষণ নীরবে কাটিয়া গেলে প্রথমে অগ্নিমাই কথা কহিল। কণ্ঠস্বর পরিষ্কার করিয়া মৃদু হাসিয়া কহিল—“চলুন, আজ আপনাকে আমার রান্না খেতে হবে। আমি নিজেহাতে সব তৈরী করেছি। কেবল কলায়ের ডালের কচুরি ক'থানা ভাজতে বাকী। আপনি বসে থাকবেন, আমি ভেজে দেবো, সব ঠিক করাই আছে, দেবী একটুও হবে না, দেখবেন।”

৩

পাশের ঘরে জলযোগের বিপুল আয়োজন হইয়াছিল। ছাঁটা রেশমের কোমল আসনের উপর দাঁড়াইয়া ব্রজেননাথ বিস্মিতভাবে কহিলেন—“এ-সব কি কাণ্ড বল দেখি!—এ যে বৃষোৎসর্গ-ব্যাপার

দেখ্‌চি ? তোমার বেয়ারার কাছে শুনলুম, বাড়ীতে কেবল মেম-সাহেব ও সাহেব ছাড়া দ্বিতীয় কোন ব্যক্তি থাকেন না। সাহেব ত' আবার নিমন্ত্রিত !—তবে স্বহস্তে এ রাজ্জভোগের বন্দোবস্ত ক'রেছ কা'র জন্তে শুনি ? মুখুযো-ম'শায়ের তার কি তাড়িত-বার্তায় মনের মধ্যোণ্ড এসে পৌঁছেছিল না কি ?”

অগ্নিমা গ্লাসের জল বদলাইয়া বাতির আলো আর একটু কাছে আগাইয়া দিয়া আন্তে আন্তে কহিল—“বসুন আপনি, সারাদিনের পরিশ্রম আমার সার্থক হোক।” এই বলিয়া সে মুখ ফিরাইয়া তোলা-উলুনে ধিয়ে কড়া চাপাইয়া দিয়া নতগুথে আঙ্গুরের তেজ বাড়াইবার জন্তু পাথর বাতাস দিতে শুরু করিল। তাহার বাষ্পজড়িত কণ্ঠস্বর ও চোখের পাতায় জলের উচ্ছ্বাস ব্রজেন্দ্রনাথ দৃষ্টি এড়াইল না।

কিছুমাত্র ক্ষুধা-বোধ না হইলেও খাণ্ডুবোর অতিরিক্ত প্রশংসা করিয়া, বন্ধনকারিণীর শব্দ গণ্ডে গোলাপ ফুটাইয়া অত্যন্ত পেটুকের মত ব্রজেন্দ্রনাথ আহার শেষ করিলে, অগ্নিমা পান আনিয়া দিল। পানের খিলি-দুইটা মুখে পুরিয়া একথানা হাত অগ্নিমার কাঁধের উপর রাখিয়া স্নিগ্ধকণ্ঠে ব্রজেন্দ্রনাথ বলিলেন—“অগ্নি, আমার কথার সত্যি জবাব দেবে ভাই, যা জিজ্ঞাসা করবো ?”

“কেন দেব না মুখুযো ম'শাই ?” বলিয়া ব্রজেন্দ্রের তীক্ষ্ণ দৃষ্টির লক্ষ্য হইতে নিজের দৃষ্টি ফিরাই অগ্নিমা একদিকে চাহিয়া রহিল।

ব্রজেননাথ কণ্ঠস্বর মৃদু করিয়া কহিলেন—“তবে বল দেখি, তুমি সত্য সত্যই সুখী কি না ?”

অগিমা মুখ না ফিরাইয়াই কহিল—“আমায় দেখে তা কি মনে হচ্ছে না, মুখুবো মশাই ?”

পাতলা চুলে ঘন ঘন হস্ত সঞ্চালন করিয়া চিন্তিতমুখে ব্রজেননাথ কহিলেন—“হুওয়া উচিত ছিল বৈকি ? খাসা গহনা কাপড়,—দিব্যি বাড়ী-ঘর !—আহারের বন্দোবস্ত ত’ রাজভোগ ! তার উপর এমন স্বামী ! কিন্তু তবু যেন তোমার চোক্ বলছে—‘ঝলুম’ ‘ঝলুম’ !—আচ্ছা, যদি সুখী নও—তবে কেন নও—আমায় সব কথা খুলে বল দেখি ! চার বছর আগে এই মুখুবো-ম’শায়কে যেমন ক’রে তোমার রাগ, দুঃখ, ঝগড়া অভিমানের কথা শোনাতে—নাশিশ—শালিশা মান্তে—তেমনি ক’রে চার বছর আগেকাব সেই ছোট্ট অণিটি হ’য়ে তোমার মনের কথা একবার খুলে বল দেখি ! তুমি যে একজন বাড়ীর গিনী, বুড়-খাড়া, সে কথা একেবারে ভুলে যাও । সরলভাবে সত্যি কথাটা বল ত লক্ষী,—কোন কথা লুকিয়ে না ;—লজ্জা না, কিছু না—বল দেখি সত্যি সত্যিই তুমি সুখী কি না ?

অগিমার মনোহেগে কম্পিত হাতখানি হাতের মধ্যে রাখিয়া স্নেহপূর্ণ-কণ্ঠে ব্রজেননাথ পুনরায় কহিলেন—“বল দেখি, বল ।”

এই স্নেহময় আত্মীয়ের সুগভীর স্নেহের স্পর্শে অগিমার হৃৎপিণ্ড

অমাট-বাধা মেঘগুলি সহসা অশ্রু-আকারে জল হইয়া ঝরিয়া পড়িল। মনের বাধা সে আর চাপিয়া রাখিতে পারিল না। কাঁদিয়া কহিল—“আমায় নিয়ে চলুন, মুখুয্যো-মশাই!—এখান থেকে আমার নিয়ে চলুন! আমি এমন ক’রে আর থাকতে পাচ্ছি না।”

সাম্বনাচ্ছলে তাহার ললাটে মৃদু মৃদু অঙ্গুলীর আঘাত করিয়া ব্রজেননাথ বলিলেন—“নিয়ে যেতেই ত’ এসেছি তোমায়। কিন্তু আমার কথার জবাব কৈ? বলো না ত?—তুমি সুখী কি না?”

নীরবে মাথাটা হেলাইয়া অগিমা জানাইল, সে সুখী। ব্রজেন কহিলেন—“তবে কাঁদলে কেন?—ওঃ বাপের বাড়ী যেতে দেয় না, নাঃ? তাই ত! তা হ’লে কি ওখানেই যেতে দেবে?”

অগিমা এবার বাধা দিয়া সবেগে বলিল—“সে বুঝি আমার জ্ঞে ?—সে তাঁর লেখার জ্ঞে। আমার জ্ঞে তাঁর ত বড় বয়েই যাবে।”

ব্রজেননাথ মৃদু হাসিয়া কহিলেন—“লেখার জ্ঞে কি রকম? তুমি কি তাঁর সেক্রেটারী না কি?”

“না মুখুয্যো-মশাই, এমন করে শুধু ভাব-সংগ্রহের বস্ত্র ধরে, তাঁর উপস্থাসের মডেল হয়ে, আমি আর বেঁচে থাকতে পাচ্ছি না! আমি তাঁর স্ত্রী নই, কেও নই। আমায় তাঁর কোন দরকার নেই। কেন জানেন? গার্হস্থ্য-জীবন লেখকের কল্পনার ছাতা ধরিয়ে

দের বলে।” ব্রজেন্দ্রনাথ শুনিয়া প্রথমতঃ কিছুক্ষণ হাঃ হাঃ, করিয়া প্রাণ খুলিয়া হাসিয়া, চাসি খামিলে কহিলেন—“তাই ত বলি, এমন জ্যান্ত মডেল ওটা পায় কোথেকে? চমৎকার মতলব বার করেছে ত? হিংসে হচ্ছে সে দেখে শুনে, তোমার দিদিট ঠিক উপন্যাসের নায়িকোচিত নন, না চেহারায় না সহ্য দৈর্ঘ্য ইত্যাদি ইত্যাদিতে।” বলিয়া কিছুক্ষণ চুপ করিয়া ভাবিয়া একটা বড় রকম ‘হুঁ’ দিয়া পুনরায় কহিলেন—“কোথায় যাবে সে বেড়াতে?”

অনিমা কহিল—“তা আমি জানি বুঝি?—বোধ হয়, কারশিয়ং।” তত্বত্বরে ব্রজেন্দ্র কহিলেন—“কিছু বলে নি তোমায়?—জিজ্ঞাসাও কর নি বুঝি?”

“না, করি নি,—কব্বার দরকার আমার?” বলিয়া অনিমা অভিমানভরে একদিকে চাহিয়া রহিল। তাহার ঠোঁট-ছটা একটু একটু কাঁপিতেছিল।

ব্রজেন্দ্রনাথ এবার একটুখানি গম্ভীরভাবে কহিলেন—“দরকার আছে বৈ কি? আচ্ছা, সংসারে স্বামী-স্ত্রীর চেয়ে ঘনিষ্ঠ সম্বন্ধ আর কিছু নেই ত? তবে সব চেয়ে যে আপনার, তার কোন কথা গোপন থাকা উচিত কি? সব কথা কি পরস্পরের কাছে বলা ভাল নয়? ঝগড়া হয়েছে বুঝি?”

অনিমা মুখ-ভার করিয়া বলিল—“না, ঝগড়া আমাদের কখনো হয় না।—”

“হয় না!” বলিয়া ব্রজেন্দ্রনাথ অনিমার বিষম নতমুখের পানে

কিছুক্ষণ চাহিয়া দেখিয়া সন্ধিগ্ধস্বরে বলিলেন—“এটা ত খুব ভাল লক্ষণ নয়। স্বামী-স্ত্রীর মধ্যে ঝগড়া হয় না?—অ্যা! আশ্চর্য্য ক’রে দিলে যে আমায়! বিশেষতঃ তোমার সঙ্গে!—তুমি ত কোঁদলের একটা জাহাজ। আচ্ছা, আদিত্য যত্ন করে ত তোমায়?”

অনিমা চোখ নীচ রাখিয়াই উত্তর দিল—“করেন, বর্ধমান তাঁর ‘কাপির’ দরকার হয়। নৈলে মনেও পড়ে না—বাড়ীতে কেউ আছে ব’লে। তাঁর সময় এত কম দামী নয় যে, বাজে নষ্ট কনবেন।”

ব্রজেননাথ চিন্তিত-মুখে দাঁড়াইয়া কহিলেন,—“আমায় বিশ্বাস কর অনি, কাল যেমন ক’য়ে হ’ক্ তোমায় নিয়ে যাব; কিন্তু তার আগে তুমি ব’লে ক’য়ে ঠিক হ’য়ে থেক। অ্যা স্বামী-স্ত্রীর ভেতর ঝগড়া হয় না?—অবাক করে দিলে যে আমায়! তোমার দিদিকে গিয়ে এটা ত’ বলতেই হবে তাহ’লে; এটা খুব ভাল বন্দোবস্ত—অ্যা—?”

৪

পরদিন বেলা দুইটা না বাজিতেই একখানি সেকেণ্ড ক্লাস গাড়ীর মাথায় কিছু ফলমূল-জিনিষপত্র চাপাইয়া ব্রজেননাথ আসিয়া উপস্থিত হইলেন। কলিকাতায় আসিবার সময় স্ত্রী বহিয়া দিয়াছিলেন—“অণু নিরুকে দেখিতে আসিবে, কিছু ভাল ফল মিষ্টি

কিনিয়া আনিও।” নিজেরও কয়েকটি জিনিষ কিনিবার প্রয়োজন ছিল ;—এক জোড়া জুতার ফরমাইন্স দিতে হইল। এই সব কাজে বিলম্ব হইয়া গিয়াছে। বাড়ী ঢুকিয়াই খবর পাইলেন— সাহেব আহারান্তে বাহির হইয়া গিয়াছেন ; ফিরিবার সময়ের কথা চাকর-বাকরেরা জানে না। বিরক্ত হইয়া ব্রজেন্দ্রনাথ মনে করিলেন—“আজও তবে হয় ত যাওয়া হইল না। অথবা না যাইতে দিবারই ইহা ফন্দি! আচ্ছা অভদ্র ত!”

উপরে উঠিতে আজ্ঞা আব দরয়ান্ বেহারা কাহাকেও কৈফিয়ৎ দিতে হইল না। কলা তাহারা শুনিয়াছে, ইনি কত্রীর আত্মীয়, আর কেহ কেহ দেখিয়াওছে যে, কত্রী নিজে রাধিয়া কাছে বসিয়া কত ঘরে ইহাকে খাওয়াইয়াছেন, পায়ের ধূলা লইয়া প্রণামও করিয়াছেন। তাই বিনা বিধায় তাহারা পথ ছাড়িয়া দিল। সিঁড়ির মাথায় অগিমার সহিত তাহার সাক্ষাৎকার হইল। পায়ের শব্দ পাইয়াই বোধ হয়, সে ঘর হইতে বাহির হইয়াছিল। ব্রজেন্দ্রনাথ চাহিয়া দেখিলেন, অগিমা একখানি মেঘলা-রং ঢাকাই সুড়ী ও সেই রংয়েরই একটা ব্লাউন্স পরিয়াছে ; দুই-চারিখানি অলঙ্কারও যথাস্থানে সন্নিবেশিত হইয়াছে। ব্রজেন্দ্রনাথ একটুখানি ক্ষুণ্ণভাবে বলিলেন—“আদিত্যবাবু বেরিয়ে গেছেন, দেখা হ’লো না! বড় মুন্সিলেই পড়া গেল ত! তোমার যাবার কি হবে তা’ হলে? অনুমতি পেয়েছ না কি? যাবে সত্যি সত্যিই?”

অগিমা আঁচলের চাবি খুলিয়া রাগিয়া সোণার সেক্‌টাপিন

আঁটিতে আঁটিতে মুখ নীচু করিয়া ছুঁটামির হাসি হাসিয়া বলিল—“ভয় পাচ্ছেন বুঝি, মুখুযো-মশাই!—ভাবছেন বোঝাটা ঘাড়ে পড়েই গেল তা’হলে?”

ব্রজেন্দ্রনাথ কৃত্রিম গান্তীর্থ্যে মুখ ভার করিয়া কহিলেন—“অয়ি প্রিয়স্বদে! যদি অভয় দাও ত’ বলি, এ বুড় ঘাড়ে বোঝা বহিতে চাহিলেই কি বোঝা এ ঘাড়ে থাকতে রাজী হবে? না, তামাসা থাক। তুমি ত’ তৈরী দেখছি। রাঙ্কেলটা বুঝি আধ-ঘণ্টা দেবী করতেও পাল্লে না? তা হ’লে যাবার কি-রকম হবে বল দেখি?”

“কেন, সোজা গিয়ে গাড়ীতে উঠব—আমার সব গুছন-গাছানই আছে। চলুন না।” বলিয়া অণিমা অগ্রসর হইল দেখিয়া, ব্রজেন্দ্রনাথ আদিভ্যনাথের সহিত সাক্ষাৎকার না হওয়ার জন্য নিজ মনঃকোণের সংবাদ পুনরায় মূহুর্ত্তে প্রকাশ করিতে করিতে তাহার অনুবর্ত্তী হইলেন।

৫

ঘর অন্ধকার। দ্বারের বাহিরে দাঁড়াইয়া আদিত্য ডাকিল, “অণি!” অন্তদিন যেখানেই থাকুক না, স্বামীর সাড়া পাইয়াই অণিমা শতকার্য্য ত্যাগ করিয়া কাছে আসে। আজ ত তা’র তাহার কোন সাড়া পাওয়া গেল না। ক্ষণকাল অপেক্ষা করিয়া আদিত্য পুনরায় ডাকিল—বেহারা ঘরে আলো দিয়া গেল। আদেশ-প্রার্থনায় ঝি আসিয়া দ্বারপ্রান্তে দাঁড়াইলে

আদিত্য বলিল, “এরা গেল কোথায় ?” বি বলিল, “মা সেই লম্বা হেন সুন্দর বাবুটির সঙ্গে দুপুর-বেলাই চলে গেছে !”

“চলে গেছেন ?” আদিত্য বিস্মিতভাবে কহিল—“ক’র সঙ্গে !—কোথায় গেছেন ।”

বি বুদ্ধি খাটায়ে বাবুকে নিশ্চিত করিবার অভিপ্রায়ে কহিল—“সেই মে বাবুটি আসে,—হেসে হেসে কথা কয়,—মস্ত জোয়ান মানুষ, তেনার বাড়ীতেই গেছে, বোধ করি !”

আদিত্য বিরক্তি-ভরে কহিল—“সঙ্গে কে গেল ? কখন ফিরবে ব’লে গেছে ?”

চাঁপা, বাবুর ক্রকটপূর্ণ মুখের দিকে চাহিয়া ভীত হইয়াছিল । সে ভয়ে ভয়ে কহিল—“তা ত’ বি ছু’লে নি বাবু ! আমি স্তূলুম আমায় যেতে হবে কিনা ?—না বল্লে, ‘না, চাঁপা তুই থাক, বাড়ী ঘর রইল । ঐ টেবুলের উপর কি চিঠি আর চাবি রেখে গেছে আপনার তরে ।”

কুঞ্চিত-ললাটে উর্দ্ধমুখে আদিত্য ভাবিতে লাগিল—“কে সে দীর্ঘ-প্রস্থ সুন্দর পুরুষ !—তাঁহাকে না জানাইয়াই তাঁহার অণি স্বেচ্ছায় বাঁহার গহিত স্বাধীনভাবে চলিয়া যাইতে পারে ? তাঁহার বা অণিমার কোন আত্মীয় হইবেন কি ? কে সে আত্মীয়টি ? দাঁসী বলিয়াছে, যে বাবুটি আসেন । তবে নূতন কেহ নহেন । কিন্তু কে আসেন ? কোন পরিচিত এমন পরামাত্মীয়ের সংবাদ ‘ত’ কই স্মরণ হয় না । কিন্তু অণিমা চিঠি রাখিয়া গিয়াছে, না ? এই চিঠিতে সে সব কথা নিশ্চয়ই লিখিয়া রাখিয়া গিয়াছে ;

না বলিয়া হঠাৎ চলিয়া যাওয়ার জন্য নিশ্চয়ই তাহাকে ক্ষমা করিবার কথাও লিখিয়াছে। আদিত্য ভাবিয়া দেখিল, ক্ষমা ত করিতেই হইবে, কিন্তু সহজে নয়। এ কি অশ্রদ্ধা কথা! ঘরে ঢুকিয়া প্রথমেই সে টেবিলের উপর হইতে চিঠিখানি তুলিয়া লইলেও তখনি পাঠ করিল না। লেখাটি ভাঁজ না করিয়া প্রসারিতভাবে টেবিলের উপর এমন করিয়া রাখিয়া দিল, যাহা সহজেই মানুষের দৃষ্টি আকৃষ্ট করে। পাছে বাতাসে উড়িয়া যায়, তাই একটি পাথরের গোলক দিয়া চাপা দিয়া রাখিয়াছিল। খোলা জানালার ধারে দাঁড়াইয়া অন্ধকারের পানে চাহিয়া কিছুক্ষণ সে অগ্নিমার আচরণের বিষয় ভাবিতে লাগিল। প্রথমে মনে হইল,— অগ্নিমার এতখানি স্বেচ্ছাচারিতা অনুচিত; এজন্য সহজে তাহাকে ক্ষমা করা যায় না। সে যেমন না বলিয়া নিজের ইচ্ছামত চলিয়া গিয়াছে, আদিত্য তেমনি কোন সংবাদ না লইয়া অবহেলা দেখাইয়া তাহাকে জফ করিয়া দিবে। কিন্তু মিনিট দুই পরেই আদিত্যনাথকে সঙ্কল্প বদল করিতে হইল। সে ভাবিয়া দেখিল,—অগ্নিমাকে ক্ষমা করাই ভাল। ছেলেমানুষ না বুঝিয়া একটা অশ্রদ্ধা করিয়া ফেলিয়াছে বলিয়া তাহার কি আর মার্জনা নাই! বিশেষতঃ, সে যেরূপ অভিমানী, আদিত্যের কৃত্রিম অনাদর-প্রকাশেও হয় ত কাঁদিয়া কাটিয়া মাথা ধরাইয়া জ্বর করিয়া বসিবে। কাজ নাই, মাপ করাই ভাল। কিন্তু তৎপূর্বে তাহার অশ্রদ্ধার জন্য একটু কড়াভাবে বুঝাইয়া দিতে হইবে। এইরূপে অগ্নিমার

ভবিষ্যৎ নির্ণীত হইয়া গেলে, আদিত্যনাথ অগ্নিমার চিঠিখানি আলোর কাছে খুলিয়া মেলিয়া ধরিল। চিঠির সঙ্গে আর একখানি কাগজ ছিল, তাহাতে অগ্নিমার নিজহাতে বয় লাইন লেখা—

“ভালবাসা স্নায়ুর বিকাব, মনোবৃত্তির ক্ষণিক ক্ষুণ্ণ ; সূচিকিৎসকের চিকিৎসায় সহজেই ইহা আরোগ্য-লাভ করে। ভালবাসা গুণবিশেষ। সময়-রোদ্ধ ভালবাসারূপ রেশমী-শাড়ীর বর্ণ বিবর্ণ করিয়া দেয়।” এই মন্তব্যটুকুর সহিত আর একখানি কাগজে কোন সম্বোধন না দিয়া পত্রের মত লাইনকয়েক লেখা। তাহা এই—

“আমি চলিলাম। আশা করি, বাড়ীতে ও সঙ্গে স্ত্রী না থাকায় তুমিও আজ সম্পূর্ণরূপে রাহ-মুক্ত। প্রার্থনা, তোমার পশ্চিম ভ্রমণ নিকরদেগ ও সুখকর হউক। মস্তিষ্ক শীতল রাখা ও মনের শান্তিবিধানের কোন অন্তরায় আর বর্তমান রহিল না। ভালবাসা-সম্বন্ধে তোমার প্রাকৃতিক জ্ঞান উন্নত। তোমার কাছে এ সকল উচ্চ বিষয় আলোচনার আমি অবোগা, তাই যাহার নিকট যথার্থ ভালবাসা পাইয়াছি ও যাহাকে ভালবাসি, তাঁহারই কাছে চলিলাম। নিতান্ত আবশ্যকমত দুই-একখানি কাপড়-গহনা ছাড়া সমস্তই যথাস্থানে রহিল। তোমার চেঙ্গে যাইবার ট্রাঙ্ক ও গুছাইয়া রাখিলাম। প্রণাম গ্রহণ করিবে। বিশ্বাস করি, আমি তোমায় সমস্ত প্রাণ দিয়েই ভালবাসতুম—উপন্যাসের লক্ষ্যিকা বা উপন্যাসিকের মত নয়।

—অগ্নিমা—”

কোটেশনের মধ্যে লেখা আছে যে দুর্কলচিত্তা নারী, তাই ভালবাসারূপ স্নায়ুর বিকার হইতে আত্মরক্ষা করিতে সমর্থ হইল না। একা থাকিবার মত সংসাহসেরও তাহার অভাব ; তাই এই পন্থাই তাহাকে বাধা হইয়া গ্রহণ করিতে হইল।

চিঠি পড়িয়া আদিত্যকে অবলম্বনের জন্ত জোর করিয়া টেবিলের উপর হাত রাখিতে হইল। তাহার পা কাঁপিতেছিল। ললাটতলে বিন্দু বিন্দু ঘাম ফুটিয়া উঠিল। দেহমন এমন নিস্তেজ হইয়া আসিতেছিল যে, মনে হইল, এখনি বৃষ্টি সে সংজ্ঞা হারাইবে। মনে হইল, ঘর ও ঘরের স্মিনিসপত্র, সমস্তই যেন ঘুরিতেছে। আর সেই ঘূর্ণ্যমান্ গ্রহের মধ্যে অগিয়ার হাতের লেখা অক্ষরগুলি প্রকাণ্ড প্রকাণ্ড মূর্তি-গ্রহণে অর্থহীন শব্দযোজনা করিয়া ঘুরিতে ঘুরিতে তাহার চোখের উপর নর্তন করিতেছিল। সে হাত দিয়া কপাল টিপিয়া নিজেকে স-সংজ্ঞ রাখিবার চেষ্টা করিল।

সন্ধ্যা উত্তীর্ণ হইয়া যে কখন রাত্রি আসিল এবং রাত্রিটাও যে কি-ভাবে কাটিয়া গেল, আদিত্য তাহার খবর দিতে পারে না। দাসী-চাকর আহ্বারের কথা বলিতে গিয়া ধমক খাইয়া চলিয়া আসিয়াছে। চিন্তা ডুবাইবার জন্ত শরীর-মনের ক্লান্তিনাশকু ঔষধ আসিল। বোতল খালি হইয়া গেল। তবু বিস্মৃতি আসিল না। অসহ মন্ত্রণায় মাথা ফাটিয়া যাইতেছিল, কেবল জিব শুখাইয়া কাঠ হইয়া গিয়াছে, রাত্রির মধ্যে একবারও সে বিছানা স্পর্শ করিল না। তবু কর্তব্য নির্ণীত হইল না। করা যায় কি?

কোথায় সে পলাতক ? সাজান ঘরখানির চারিদিকে তাহারই সহস্র স্মৃতি ফুটিয়া রহিয়াছে । টেবিলে মাথা রাখিয়া চেয়ারে বসিয়াই তাহার প্রায় রাত্রি কাটিয়া গিয়াছে । আদিত্য ভাবিতে-ছিল, —অগ্নিমা চলিয়া গিয়াছে ! সে যাহাকে ভালবাসে, তাহার কাছে ভালবাসা পাইয়াছে,—তাহার সহিতই চলিয়া গিয়াছে ! কে সে ? কে তাহাকে ভালবাসে ? তাহার স্ত্রীকে—তাহার অনিকে, তাহার ঘরের লক্ষ্মীকে শুধু ভালবাসার অধিকারে টানিয়া লইতে পারে—কে সে এমন শক্তিমান পুরুষ ? অগ্নিমাঃ পিতার টেলিগ্রাম সে পূর্কদিন পাইয়াছে । তিনি লিখিয়াছেন, — তাহাদের সিমলা ষাইবার প্রস্তাবের উত্তরে “সিমলায় ভয়ানক নিয়োনিয়া হইতেছে,—এখন তাহাদের না যাওয়াই ভাল ।” তবে ? তবে তাহার সহিত সে চলিয়া গেল ? সুন্দর-হেন যুবা-পুরুষ, আদিত্য কাহাকেও মনে করিতে পারিল না । টেবিলের উপর রাখীকৃত হাতে-লেখা পাণ্ডুলিপি, তাহার ভিতর কত নায়ক-নায়িকার দীর্ঘশ্বাস, কত ভালবাসার ইতিহাস সংকৃত ! এগুলি আদিত্যনাথের নিজের রচনা ! সেল্ফের উপর স্বর্ণাঙ্কিত বাঁধান উপন্যাসগুলিতেও ভালবাসার হা হতোহ্মি ভরা । লেখক আদিত্যনাথ । আর ঐ যে “যুগভূষণ” তাহার প্রশংসায় আদিত্যের পথে বাহির হওয়া দায় হইয়া পড়িয়াছে !—ইহাও যে সেই ভালবাসারই গান ! কাগজের উপর কালীর আঁচড়, কবির কল্পনা, মোহের বিকার, সত্যই কি তাই ? তবে এত ভালবাসার

গান সে গাহিয়াছিল কেমন করিয়া ? আদিত্যের চোখ দিয়া জল পড়িতেছিল । এই সব ভালবাসার কথা অণিমা তাহার স্বামীর লেখাতেই পাঠ করিয়াছে, জীবনে ইহার কতটুকুই বা সে অনুভব করিতে পারিয়াছে, সুধা-সমুদ্রের তীরে দাঁড়াইয়া ও সে দুর্ভাগিনী ভূষিতই রহিয়া গেল । সে জানিল না, তাহার স্বামী সুধু ভাবুকই নহেন । নিজেই ভাব তাহার মনে পড়িল, ঐ ‘মৃগতৃষ্ণ’র প্রফ দেখা ও রচনার জন্ত প্রায় মাসখানেক হইল অণিমার সতিত একটা ভাল করিয়া কথাও সে কহে নাই । কত রাত্রি পর্য্যন্ত ঢাকা চাপা খাবারের পাশে বসিয়া অথবা কাপের উপর মেঝেয় পড়িয়া ঘুমাইয়াই তাহার রাত কাটিয়াছে ! আহারের বা শয়নের জন্ত তাগিদ দিলে, অকারণে আদিত্য বিরক্ত হইয়াছে । মনে পড়িল, কালও যে নিজের রান্না খাওয়াইবার জন্ত কত বিনয়ে অনুনয়ে সে সাধ্যসাধনা করিয়াছিল । মনে মনে কখনও সে নিজেকে “পাষও” বলিতেছিল—কখনও অভিমানে অণিমাকে “পাপিষ্ঠা” বলিয়া গালি দিতেছিল । সে তাহাকে ভুলিতে চায় । জন্মের মত ভুলিতে চায় !—না সে তাহাকে হত্যা করিতে চায় ! দুর্ভাগা নারী স্বামীর হৃদয়ভরা প্রেমের এই প্রতিদান দিয়া গেলি ? টেবিলের উপর অণিমার হাতের লেখা চিঠিখানি পড়িয়াছিল । আদিত্য তাহা অনেকবার পড়িয়াছে,—চোখের জলে তাহার অনেক জায়গা ভিজিয়া অক্ষর অস্পষ্ট হইয়া গিয়াছে,—তবু সেই বহুবার-পঠিত কাগজ দুইখানি তুলিয়া লইয়া সে আবার পাঠ

করিল—“বিশ্বাস ক’রো, আমি তোমায় সমস্ত প্রাণ দিয়েই ভাল-
বাসতুম—উপন্যাসের নায়িকা বা উপন্যাসিকের মত নয়।”
হায়! আদিত্য ত কখনও স্ত্রীর ভালবাসায় সন্দেহান হয় নাই।
পূর্ণ বিশ্বাসেই যে সে ভালবাসা গ্রহণ করিয়াছে;—সেই ভাল-
বাসারই বলে বলীয়ান হইয়াই না সে জগৎকে ভালবাসার রাগিনী
জ্ঞানাইতেছিল! অগ্নিমা আজ দুই পা দিয়া তাহার সুরবাধা
বেহালার তার মাড়াইয়া ভাঙ্গিয়া দিয়া গিয়াছে! আদিত্যের মনে
হইল, এতদিন সে বৃথাই ভালবাসার গান গাতিয়া আসিয়াছে।
ক্ষণে ক্ষণে সন্দেহ, ক্রোধ ও ঈর্ষায় সে যেন উন্মত্ত হইয়া
উঠিতেছিল। ঘরের মেনেয় রাশীকৃত কাগজপত্র ছড়াইয়া, সমস্ত
অনিষ্ট ওলটপালট করিয়া সারাদিন সে ঘরের ভিতর পাগলের
মত ছুটাছুটি করিয়া বেড়াইল।

৬

সপ্তাহ কাটিয়া গেল। ডিটেক্টিভ বন্ধুর সহায়তায় এক সপ্তাহের
পর আদিত্যনাথ অগ্নিমার সন্ধান পাইয়াছে। বন্ধু লিখিয়াছেন,—
“বাকুইপুরে একখানি বাগানবাড়ী ভাড়া লইয়া তাহার স্ত্রী
সেই ভদ্রলোকটির সহিত বাস করিতেছেন। সরকারী কার্যে
তাঁহাকে এই যুক্তবাহিরে যাইতে হইল, নচেৎ তিনিই সীতা-
উদ্ধার করিয়া আনিতেন। বাগানবাড়ীখানি নূতন ভাড়া লওয়া
হইয়াছে;—মেরামতও নতুন, রং হওয়ায় চিনিয়া লইতে অসুবিধা

হইবে না। লম্বা যোয়ান প্রসন্নমুখ ভদ্রলোকটীকেও তিনি দেখিয়াছেন ;—হাঁ মানুষের মত চেহারা বটে !”

চিঠি পড়িয়া রাগে ছুঃখে আদিত্যের মনের ভাব ভীষণ হইয়া উঠিল ;—এক সপ্তাহ সে সেখানে বাস করিতেছে ! কর্তব্যচিন্তায় তাহাকে অধিক্ষণ কালক্ষেপ করিতে হইল না। তাহা একপ্রকার স্থির করাষ্ট ছিল। এই কয়দিন সারা রাত্রিদিন এই চিন্তাতুই তাহার কাটিয়াছে। আদিত্যনাথের ও অণিমার যে-কয়জন আত্মীয় ছিলেন, কোশলে সকলের নিকট হইতেই সে সংবাদ আনা হইয়াছে। অণিমা তাঁহাদের কাহারও বাটী যায় নাই। দাসী-চাকরের বর্ণনা হইতে যতটুকু সে জানিতে পারিয়াছে,—তাহা হইতেও সেই লম্বা যোয়ান সুন্দর পুরুষের মূর্তি তাহার সম্পূর্ণ অপরিচিতই রহিয়া গিয়াছে। ডিটেক্টিভ বন্ধুর চিঠিতেও তাঁহাকে আত্মীয় বলিয়া প্রমাণ করায় নাই ! তবে—?

ডেক খুলিয়া একটা ভারী জিনিষ ও মণিব্যাগটী আদিত্য তাহার ওভারকোটের পকেট ভরিয়া লইল। বরের জিনিষপত্র, টাকা-কড়ি, চাবী, যেখানে যাহা ছড়াইয়া ফেলিয়াছিল, তাহা ঠিক তেমনই ছড়ান পড়িয়া রহিল ; গুছাইয়া রাখিল না ;—রাখবার আর প্রয়োজনই বা কি ? দ্বারবান্ সঙ্গে যাইবে কি না জিজ্ঞাসা করিলে আদিত্য কহিল—“দরকার নাই।”

ষ্টেসনে ছই একজন পরিচিতের সহিত আদিত্যের সাক্ষাৎ হইল। তাহার অসম্ভব গম্ভীর মুখের পানে চাহিয়া কেহ কিছু

জিজ্ঞাসা করিতে সাহস করিল না। অনেকেই তাহার পানে সবিস্ময়ে চাহিয়া দেখিতেছিল,—সে কিন্তু কাহারও পানে চাহিতেছিল না। টিকিট্ কিনিয়া সে গাড়ীর একপাশে বসিল, ট্রেনে একখানি সংবাদপত্র কিনিয়া লইল; পড়িবার জন্ত নয়, অন্তের দৃষ্টি হইতে নিজকে গোপন করিবার জন্ত।

গাড়ীখানি মুহূর্ত্ত গমনে চলিয়া কয়েকটা ট্রেনে দুই এক মিনিট দাঁড়াইয়া অবশেষে নির্দিষ্ট ট্রেনে আসিয়া পৌঁছিল। আদিত্যের সঙ্গে জিনিসপত্র ছিল না, সূত্রাং কুলীর প্রয়োজন নাই। গাড়ী থাকিলে মন্দ হইত না কিন্তু। ছোট ট্রেন,—যা দুই-একখানি গাড়ী ছিল, তাহার কাছে স্ত্রীপুরুষের জনতা দেখিয়া আদিতা গাড়ীর আশা ছাড়িয়া পদব্রজেই চলিতে সুরু করিল।

পথের দুইধারে সবুজ জমি। একদিন পূর্বে বৃষ্টি হওয়ার সবুজের গাঢ়তা আরও বাড়িয়া গিয়াছে। একস্থানে নেবুগাছের জঙ্গল। ফুটন্ত ফুলের গন্ধ বাতাসে মিশিয়া দিক্ আঘোদিত করিয়া তুলিতেছিল। দূরে ধাত্তে ক্ষেতের অন্তগামী সূর্যের রক্ত-আলোক-শিখা বাতাসে চেউ তুলিয়া দিয়াছে। দুই একজন গ্রাম্যলোক পথ চলিতেছিল। আশে পাশে চারিদিকে কাব্যের উপাদান প্রচুর পরিমাণে সঞ্চিত। তবু কবিচিত্ত আজ আর সে শাস্তসন্ধ্যার পল্লীচিত্রে মুগ্ধ হইল না। তাহার দুই জালাময় চক্ষু যে অজ্ঞাত উদ্যানবাটীকার অন্বেষণে ব্যস্ত ছিল, তাহারই কোন নিহৃত্ত সজ্জিত

কক্ষে নরনারীর যুগলমুক্তি-স্মরণ-কল্পনায় পৃথিবীর সকল সৌন্দর্য্য-বোধই তাহার মন হইতে লুপ্ত করিয়া দিয়াছিল।

একজন চাষী সামনের ক্ষেত হইতে উঠিয়া পথ চলিতে শুরু করিলে, আদিত্যনাথ তাহার নিকট হইতেই নূতন মেরামত-হওয়া বাগানবাড়ীখানির সংবাদ জানিয়া লইল। লোকটা কিছু বেশী কথা বলিতে ভালবাসে। সে খুসী হইয়া আদিত্যের প্রয়োজনের অধিক সংবাদই জানাইল; কহিল—“এই যে সাহেব, আমি ত’ ঐ দিকেই যাচ্ছি। এই হপ্তা দুই হোল, সেখানে ভাড়া এসেছে। কর্তা বড় ভাল-মানুষ, আর খুব আয়ুদে। এই পরশুদিন সকালে আমায় ডেকে বললে, ‘ন’কড়ি, তু’জন নগদা লোক ঠিক করে দিতে পার? বাগানটা সাফ সূতরো করে দেবে। যে জঙ্গুলে-দেশে বাবু তোমাদের,—কোন দিন সাপে ছোবল দেয় বা!’ তা আমি বল্লু, ‘কর্তা পড়ো-বাড়ী কি না, তাই এত জঙ্গল! তা নোকের ভাবনা কি? মনে কচ্ছ এতটুকু গাঁ,—এতে কি আর নোক পাওয়া যাবে? একবার ছকুম দিয়েই দেখ না—পাও কি না? এই ন’কড়ি দাসের অনুমতি পেলে এখুনি ছশো নোক হাজির হবে। কর্তা হাস্তে নাগলো; বললে—‘না ন’কড়ি আমি গরীব-মানুষ, ছ’শো নোক দিয়ে করবো কি? তাও ত বেশী দিন এখানে থাকবো না। যে ক’দিন আছি, একটু সাফ সূতরো করে নিয়ে থাকতে চাই। তুমি বাবু ঐ ছটো নোকই আমায় দিও।’ নকড়ী দাসের বক্তৃতা শুনিবার মত মনের অবস্থা

আদিত্যনাথের ছিল না। সে নীরবেই পথ চলিতেছিল। শ্রোতার নিকট উৎসাহ না পাইয়া নকড়িও সাহেবের প্রতি শ্রদ্ধা হ্রাস হইয়া আসিতেছিল ;—অজুলি-নির্দেশে পথ দেখাইয়া দিয়া সে এইবার নিজের বাড়ীর পথ ধরিল।

গ্রামের শেষ-প্রান্তে সন্ধ্যার অল্প অন্ধকারে ও বাগানের মধ্যে বাড়ীখানি বেশ দেখা যাইতেছিল। খোলা ফটকের সামনে কাকর-ফেলা রাস্তা। আশে পাশে বড় বড় গাছপালার মাথায় ইহারই মধ্যে জোনাকীর বাতী জ্বলিতে আরম্ভ করিয়াছে। জানালার খোলা পাখীর মধ্য দিয়া কোন কোন ঘরের আলো বাহিরে রাস্তায় আসিয়া পড়িয়াছে এবং রন্ধন-গৃহের নীলাভ ধূম ধুসর সন্ধ্যার আকাশে মিশাইয়া যাইতেছিল। আদিত্যনাথ আলোক-অনুসরণে গৃহাভ্যন্তর দেখিবার চেষ্টা করিল, কিন্তু ভিতরের দৃশ্য কিছুই দেখা গেল না। কিং-কর্তব্য-বিমূঢ়-ভাবে সে যখন নিজের কর্তব্য-চিন্তায় ব্যাপ্ত ছিল, তখন হঠাৎ একজনের সঙ্গে ধাক্কা লাগায় অতিকষ্টে পতন-নিবারণ করিতে গিয়া তাহার চিন্তায় ব্যাঘাত পড়িল। তাহাকে প্রশ্নের অবসর না দিয়াই আগন্তুক ভারী-গলায় জিজ্ঞাসা করিলেন, “কে রে অন্ধকারে এখানে দাঁড়িয়ে কে ?”

তাহার পূর্ণ দীর্ঘপ্রস্থ প্রকাণ্ড শরীরের পানে বারেক দৃষ্টিপাত করিয়াই আদিত্যের মনে হইল, “এই—সে !” আদিত্য বিনাবাক্যে নিজের ‘ওভার কোটে’র একেটে হাত ভরিয়া দিল।

উত্তর না পাইয়া প্রশ্নকারী বিরক্তিব্যঞ্জক স্বরে বলিলেন,—“কে ম’শাই আপনি? অন্ধকারে ভদ্রলোকের বাড়ীর দোরে কি খুঁজছেন?” বলিয়া উত্তরের প্রতীক্ষা না করিয়াই তিনি ফটক বন্ধ করিতে উদ্যত হইলেন, দেখিয়া আদিত্যনাথ অগ্রসর হইয়া বাধা দিয়া কহিল—

“এক মিনিট দেরী করুন। আপনিই কি কলকাত্তা থেকে কোন ভদ্র-মহিলাকে সঙ্গে করে নিয়ে এসেছেন, আর এই বাড়ীতেই রেখেছেন?”

আগন্তুকের ভীষণ দৃষ্টি অন্ধকার ভেদ করিয়া আদিত্যনাথের মুখ দেখিয়া লইতেছিল। পূর্বাপেক্ষা গম্ভীর ও ক্রূরস্বরে উত্তর হইল,—

“হাঁ, এনেছি—রেখেছি, তোমার তাতে কি?”

অত্যন্ত ক্ষীণস্বরে “কিছু আছে বৈ কি?”

এই উত্তরের সঙ্গে সঙ্গেই গ্রন্থকার তাঁহার ‘ওভারকোটের’ পকেট হইতে ভারী জিনিষটা টানিয়া বাহির করিলেন। কিন্তু পার্শ্ববর্তী দীর্ঘাকার বলবান্ পুরুষ তাঁহার পীচের লাঠিটি বামহস্তে রাখিয়া ক্ষিপ্ৰহস্তে লেখকের হাতখানি বজ্রমুষ্টিতে চাপিয়া ঘুরাইয়া ধরায়, রিভলভারের গুলিটা আওয়াজ করিয়া হাওয়ায় বাহির হইয়া গেল।

অধিক বলের সহিত হাতখানা চাপিয়া ধরিয়া গম্ভীর-স্বরে তিনি বলিলেন,—“কে তুমি? তার স্বামী?”

হাত ছাড়াইবার যথাশক্তি চেষ্টা করিয়া হাঁফাইতে হাঁফাইতে

আদিত্যনাথ কহিল—“আর তোর যম ! চোর, ডাকাত, পাঙ্গী, বদমাস, শয়তান, রা কল !”—

ঔপন্যাসিককে ভাষা-সংগ্রহের জগু আর অধিক ক্লেণ ভোগ করিতে হইল না ; তাঁহার হাতের বন্দুকটি কাড়িয়া লইয়া দূরে ছুড়িয়া ফেলিয়া দিয়া বলবান্ লোকটার পিচের লাঠিটি ততক্ষণে আদিত্যনাথের পৃষ্ঠে পতিত হইতে আরম্ভ করিয়াছিল।

ঘরের একটি দরজা খুলিয়া গেল। উজ্জল কেরোসীনের আলোয় আদিত্য দেখিল—অনিমা ও আর একটি স্ত্রীলোক। ভয় পাওয়া তাঁহারা দুইজনেই চীৎকার করিতেছিলেন। সেই মুহূর্ত্তেই আহত ও আঘাতকারী, দুইজনে দুইজনকে ছাড়িয়া দিলেন। আঘাতকারী ব্রহ্মসুনাথ নিজের আত্মবিস্মৃতিতে অত্যন্ত লজ্জানুভব করিয়া সরিয়া দাঁড়াইলেন।

আদিত্যনাথের ক্রোধের কারণ তখনও দূর হয় নাই। সে চীৎকার করিয়া উঠিল,—“আমি ওকে খুন ক’রবো ;—ওকে খুন ক’রবো, তোকেও”—

“কিন্তু আমি যে সে-ছ’টোর একটীতেও রাজী নই, ভাই ! অণি, তোমার দিক্কে বল,—তাঁর স্বামীর হ’য়ে—আদিত্যবাবুর কাছে উনি মাপ চান্। আমার ত’ আর মুখ নেই”—বলিয়া ব্রহ্মসুনাথ হাত্তোৎফুল্ল-নেত্রে অনিবার পানে চাহিয়া দেখিলেন। অন্ধকার না হইলে দেখা যাইত, ব্রহ্মসুনাথের কণ্ঠস্বরে যে পরিমাণে অমুতাপের ব্যথা ধ্বনিত হইল, মুখভাবে তাহার কোন চিহ্নই প্রস্ফুট ছিল না।

আদিত্যনাথ সহসা—অঁ্যা—আপনি—ব্রজেন্দ্রবাবু !” ঘণিয়া চীৎকার করিয়া অফ্রান হইয়া পড়িয়া গেল।

ছোট ছেলেটাকে যেমন করিয়া কোলে করিয়া তুলিয়া লইয়া যায়, তেমনি করিয়াই ব্রজেন্দ্রনাথ অবলীলায় আদিত্যনাথকে তুলিয়া ঘরে আনিয়া বিছানায় শোয়াইয়া দিলেন। অগ্নিমা ঘরে আসিলে, তিনি কহিলেন,—“আমি ভাবছি, তুমি আমার মনে ~~কত~~ খুব গালাগালি দিচ্ছ। কিন্তু সত্যি বলছি,—আমি এতটা ভেবে দেখিনি !”—

এক বাটী গরম দুধ ও একখানি চামচ হাতে করিয়া অগ্নিমার দিদি নীলিমা ঘরে ঢুকিয়া বাগরক্তমুখে স্বামীর পানে চাহিয়া কহিলেন,—“ছিঃ, ছিঃ, কি গোয়ার্ত্তি ম করলে—বল দেখে ? বেচারার গায়ের ব্যথা মরতে কতদিন যাবে এখন !” ব্রজেন্দ্রনাথ স্ত্রীর পানে ফিরিয়া স্বর নামাইয়া বলিলেন,—“এরেই বলে কাছীর বিচার ! তোমার ভগ্নীপতি যে গুলি চালানেন, সেটা কিছু হোল না ? দোষ হ'লো আমার—তা থেকে আত্মরক্ষা করাটা ! উপন্যাসিকেব কলম থেকে সে গুলি বেরোয় নি, ম্যাডাম—সত্যিকার জ্যান্ত রিভল্ভার থেকে ! কোন লেডিরই সাধা ছিল না, উপন্যাসের নিয়মে তার মধ্যে বুক পেতে গিয়ে দাঁড়ান।”

মুছাভঙ্গে আদিত্যনাথ বিস্মিত-চক্ষে চারিদিকে চাহিয়া দেখিতেছিল। এই গৃহ এবং গৃহের আস্বাবপত্র সমস্তই তাহার অদৃষ্টপূর্ব্ব। সে কোথায় আসিয়াছে। অথবা ঘুমাইয়া স্বপ্ন


দেখিতেছে। স্বপ্ন কি মানুষ চোখ চাহিয়া দেখে। এই ত সে চোখ চাহিয়া আছে—তবে স্বপ্ন কেমন করিয়া হইবে। ক্রমে ধীরে ধীরে পূর্বকথা সমস্তই তাহার স্মরণপথে উদ্ভিত হইল। তাহার খাটের পাশে মাটিতে বসিয়া অগ্নিমা উদ্বেগ-ব্যাকুল-চোখে তাহার পানে চাহিয়াছিল। অভ্যস্ত ক্ষীণস্বরে আদিত্য কহিল—
 'এমন ক'রে চলে আসা—এটাকি তোমার ভাল হ'য়েছিল অগ্নি?'
 অপরাধিনী মুখ নীচু করিয়া ধন্যগলায় জবাব দিল—“না, একটুও না। আমি ভারী ছটু, আমার মাপ কর তুমি।”

ব্রজেন্দ্রনাথ এতক্ষণ জানালার ধারে দাঁড়াইয়া থাকিলেও পীড়িতের প্রতিই লক্ষ্য রাখিয়াছিলেন। আদিত্যকে কথা কহিতে দেখিয়া কাছে আসিয়া বিনয়নয়ন নিঃস্বরে কহিলেন—“সবার আগে মাপ চাওয়া যে আমার দরকার। পারবে কি তা করতে? শুধু অতিথিই ত নও তুমি, আমার বড় আদরের অগ্নির বর। তবু নিলঞ্জের মত প্রার্থনা,—আজকেই ঘটনার—স্বধী তুমি,—নার ফেলে শুধু ক্ষীরটুকুই নাও ভাট। অগ্নি যে তোমায় জ্বল করবার জন্তে না ন'লেই আস্তে চেয়েছিল, সেটা তার মোটাবুদ্ধি মুখ্যো-নশায়ের চোখে আদপেই ধরা, পড়ে নি। অগ্নির দিদি ব্যাপার শুনে বলেন, দোষ যা হবার তা ত হ'য়েই গেছে, এখন শুকে থবর না দিয়ে একটু শিক্ষা দিয়ে দাও। গার্হস্থ্য-জীবন যখন গুর কল্পনার পাথায় ছাতা ধরিয়ে দিচ্ছে, তখন দিনকতক খোলা-ডানায় উড়েই দেখুন। মনে করলেম মন্দ কি? তুষা না এগায়, তখন জলই না হয়

এভাবে। এবারকার পূজার সংখ্যার জন্তে নাকের বদলে নরুণের মত চমৎকার গল্প জোগাড় হ'য়ে গেছে কিন্তু তোমার। সুধু স্ত্রী চুরি নয়, ষ্টপট্যাসিকের “মডেল চুরি” বলিয়া হাঃ হাঃ হাঃ হাঃ করিয়া ব্রজেন্দ্রনাথ তাহার সরল প্রাণ-খোলা হাসির শব্দে বরখানি ভরাইয়া তুলিয়া পুনরায় কহিলেন—“কিন্তু এর জন্তে এতটুকু প্রশংসাও আমার পাওনা নয়—সবখানিই পাওনা ত্রৈ শা,—গুড়ী, ~~উজ~~ মহিলার।” বলিয়া ক্ষম-প্রার্থনা অধায় সমাপ্ত করিয়া ব্রজেন্দ্রনাথ হাস্ত-কল্পমুখে অগ্নির বিয়গ্ন নত মুখের পানে চাহিয়া রহিলেন। আদিত্যর ডিটেক্টিভ বন্ধু বে কেন এ সংবাদ তাতাকে জানান নাই, সে সম্বন্ধে ইচ্ছা করিয়াই প্রশ্ন করিলেন না। লজ্জিতমুখে হাত ছাড়া করিয়া আদিত্য কহিল,—“মাফ আপনিই করুন ব্রজেন্দ্রবাবু, আপনার কাছে আমার অপরাধের সীমা নেই। দিদি, আপনার কাছেও আমি বড় অপরাধী। ভগবান্ ব্রজেন্দ্রবাবুকে সুধু উপহিত বুদ্ধি নয়—পুরুষের শক্তি দিয়ে আজি আমাকে ও আপনাকে রক্ষা করেছেন।” সেই সম্ভাবিত বিপদের চিত্র কল্পনায় আনিয়া অগ্নিমা ও নীলিমার চোখ অশ্রুপূর্ণ করিয়া তুলিল। আদিত্যনাথের ধাবার আনিবার ছুতায় বাহিরে চলিয়া গেলে আদিত্য স্ত্রীর দিকে ফিরিয়া অশুচস্বরে কহিল—“আমি স্বীকার কচ্ছি অগ্নি! ভালবাসা সুধু স্নায়ুর বিকার, কবি-কল্পনা নয়—সে সত্য।” ব্রজেন্দ্রনাথ অগ্নিমার লজ্জারক্ত নত মুখখানির দিকে সহাস্ত-দৃষ্টিতে চাহিয়া আবেগপূর্ণ স্বরে কহিলেন—“আমি বলি, ভাল-

বাসা গানব-হৃদয়ের শ্রেষ্ঠ সম্পদ। বিবাহিতের— পবিত্র বন্ধন—আর
লেখকের—বিজয়-মুকুট,—অনি চোক মুছে ফেল—হারানিধি ফিরে
পেয়েছি, কান্না কিগের ভাই !” মিষ্টানের খালা ও ছধের বাটী-
হাতে নীলিমা ঘরে ঢুকিয়া হামিন্বে কহিলেন—“বাসালার সাহিত্য
রথীকে মিষ্টান্ন দিবে আমার স্বাগত অভিনন্দন জানাচ্ছি। পানু
জলের গ্লাসটা নামিয়ে রেখে, তোল নোসোমশাইকে প্রণাম কর।
উঠে বসে গেতে পাব্বে কি ?—কাজ নেই—তুমি শুয়েছ যাও।”

হঠাৎ পর বাহা ঘটা সম্ভব, তাতা কল্পনা করিয়া প্রজ্জ্বলিত
পলায়নের পন্থা দেখতে কহিলেন—অনি, আদিত্যবাবুকে
আলিকাটা এক ডোজ পাইয়ে দিও। আনি একবার রান্নাঘরটা
তদারক করে আনি।



“পিঙ্গলে—বাবু।”

হারিসন রোডের মোড়ের মাথায় ফুটপাথের উপর দাঁড়াইয়া যে বারো তেরো বছরের ছেলেটিকে প্রতিদিন সংবাদপত্র বিক্রয় করিতে দেখা যাইত, আজও সে তেমনি নিত্যকার নিয়মে খরিদারের আশায় প্রত্যেক পথবাহী ও ট্রামদাত্তী ভ্রমণোক্তকেন উদ্দেশে হাতের খবরের কাগজখানি আগাইয়া ধরিতেছিল। ভাল করিয়া লক্ষ্য করিলে বেশ বুঝা যাইত, প্রতিদিনের মত আজ কিন্তু তাহাব সে সতেজ উৎসাহভাব নাই। সেদিনকার বর্ষার আকাশের মতই তাহার চোখে মুখে ক্লাস্তিজনিত কমন একটা বিষন্নভাব মাখিয়া ছিল। • ভাদ্রের শেষাংশ—তবু বৃষ্টির এ বছর আর বিরাম নাই। আকাশভরা কেবল মেঘ আর জল। পথ কৰ্দমাচ্ছ। কালীতলার মোড়ে জল জমিয়া সেই জল এখন অবধি ঠেলিয়া আসিয়াছিল, এখন কমিতে শুরু হইয়াছে। তবু পথে লোক-চলাচলের শেষ দেখা যাইতেছে না। ট্রামগাড়ী-একখানির পর একখানি যেন মন্তবলে আসিয়া দাঁড়াইতেছে, আবার নিদ্দিষ্ট নিয়মে ঘণ্টা বাজাইয়া গন্তব্য-পথে চলিয়া যাইতেছে। ছেলেটি অভ্যাসবশে একবার

করিয়া অগ্রসর হইয়া পথের উপর আসিয়া দাঁড়ায়, বাকুল উৎসুক-
নেত্রে প্রত্যেক গাড়ীখানির ভিতর পর্য্যন্ত উকি দিয়া চাহিয়া দেখে,
মুগ্ধে অভ্যস্ত বুলী—“বাবু—পিঙ্গলে” বলে, কিন্তু মন ও দৃষ্টি বাহা
খুঁজিতেছিল, তাহা না পাইয়া নিরাশ হইয়া ফিরিয়া আসে।
আবার সে ফুটপাথের উপর গ্যাস্‌পোষ্টে হেলান দিয়া বিরসমুখে
ক্রান্তভাবে দাঁড়ায়।

শুধু আজ নয়, প্রায় দুই বৎসর দিনের পর দিন, সকাল
হইতে রাত্রি দশটা পর্য্যন্ত এই এক কাজে একই ভাবে সে
কাটাঠেতেছে। শীতের রাতে ঠাণ্ডা বাতাস যখন তাহার জীর্ণ
পঞ্জরের ভিতর পর্য্যন্ত কাঁপাইয়া তুলিত, গায়েব আবরণ ময়লা
বোম্বাই চাদরখানি বা তাহার হাতের খবরের কাগজেব গরম
খবরগুলি কিছুতই যখন তাহার হাত নিবারণ করিতে পারিত
না, তখন দুই কাঁধে হাত রাখিয়া হাত হইতে সে আত্মরক্ষা
করিবার চেষ্টা করিত। শিশিরপাত, বর্ষার ধারা বা গ্রীষ্ম
মধ্যাহ্নের রৌদ্রতাপ এই ছেলেটির শরীরে মনে বেদনা দিয়া তাহার
কার্যো বাধা জন্মাইতে পারিত না।

ছেলেটির নাম ভর্তু। গয়া-জেলায় তাহার দেশ,—দেশ সে
কখন চক্ষেও দেখে নাই, এবং সংসারে আপন জন বলিতে
এক বুড়া “নানা” ছাড়া তাহার আর কেহই ছিল না। এই
দাদাটিও তাহার খুব বেনী আপন নহে, বাপের দূর-সম্পর্কীয় খুড়া
জ্যেষ্ঠা এমনি কেহ হইবে। অন্ধ বৃদ্ধ এখন তাহার ঘাড়ের

বোঝামাত্র। মার কথা তার মনে ও পড়ে না। মা না থাকায়, তাহার মনে বিশেষ দুঃখবোধও ছিল না। সে দেখিয়াছে,— ছেলেদের মায়েরা তাহাদের যত্ন যেমনই করুক, সেই সঙ্গে “এ কোর না ও কোর না ওখানে যেও না ওর সঙ্গে মিশো না”—এমনি সব নানা হাঁঙ্গামে তাহাদের দুঃখও দেয় খুব। সেবার হোলির দিন অমৃত কাদা মাখিয়া হোলি খেলিয়াছিল বলিয়া, তাহারি মা কাণ দুইটা ধরিয়া আচ্ছা করিয়া নাড়িয়া দিয়া গালে দুই চড় বসাইয়া দিল। পরে অবশ্য বেশম লাগাইয়া স্নান করাইয়া, সাফ কাপড়, গোলাপী রংকরা চাদর এবং জরী লাগান টুপী পরাইয়া, পয়সা, মিঠাই দিয়া তাহার রাগ ভাঙ্গাইয়া খেলিতে পাঠাইয়াছিল। কিন্তু ভর্তুর গারের কাদা তাহার গায়ে শুকাইয়া রহিল, তাহাকে কেহ সাফ করিয়াও দেয় নাই, চড়ও কসায় নাই। পথের ধারে ভর্তু যখন দাড়াইয়া থাকে, সে দেখিতে পায়, কোন মা বঁদ ছেলের সঙ্গে চলিলেন, তবুই সর্কনাশ!—“ঐ টাম, ঐ গাড়ী, ঐ কাদা—নোংরা” আরও কত কি জঞ্জাল যে তাহাদের ননীর পুতুলদের জন্ত পথে পথে জমান আছে, তাহার ইয়ত্তা নাই। ভর্তুর মা নাই, তাহার ও-সব কোন বালাই নাই, কাদা লাগিয়া লাগিয়া তাহার কাপড়খানির রং পর্যাস্ত যে কাদার রং হইয়া গিয়াছে, সেজন্ত কেহ তাহাকে জিজ্ঞাসাও করে না কেন সে তার কাপড়খানি ধোয়ার ঘরে দেয় নাই? সারাদিন না খাইয়া থাকিলেও কেহ কখন খাইতে ডাকে না, তখনই এক একবার তাহার মনে হয়, মা থাকিলে মন্দ

হইত না, খাবারের ভাবনাটা সেই ভাবিত,—ভর্তুকে আন
ভাবিতে হইত না।

বাপের কথা একটু একটু যেন মনে পড়ে। সে তখন যেন
খুব ছোট। বাপ তাহার ভরকারির বাজরা মাথায় লইয়া প্রতিদিন
হাতে যাইত। ছোট একখানি রান্ধা সাড়ীর কোপীন পরিয়া,
গলায় ঘনসীতে একরাশ মাছলী কনচ ঝলাইয়া সে তাহাদের বাড়ীর
সামনের বাগানটিতে সঙ্গীদের সহিত খেলা করিত, আর পথের
পানেই চাহিয়া থাকিত। বাপ যখন খালি বাজরা হাতে করিয়া
বাড়ী ফিরিত, প্রথমেই তাহার ছোট মুঠি ভরিয়া মুড়ী মুড়কি আর
দুই গালে একরাশ চুমা দিয়া তাহাকে কোলে করিত। তার পর
কবে কে জানে ভর্তুর চোখের উপর হইতে ঝাপসা ঝাপসা সে
স্বপ্নের দৃশ্য ও অদৃশ্য হইয়া গিয়াছে। এখন তাহাদের ভাঙ্গাচোরা
ঘরখানিতে সে আর তার বৃড়া দাদা। মনে পড়ে, এই অনেক
হাত ধরিয়া পথে পথে কতদিন সে ভিক্ষা করিয়া বেড়াইয়াছে।
একবার এই অন্ধকে বাঁচাইতে গিয়া, গাড়ীর চাকায় তাহার ডান
পা খানির হাড় ভাঙ্গিয়া যাওয়ায়, তাহাকে মেডিকেল-কলেজে
লইয়া যায়। সেখানে সে ছয় সপ্তাহ ছিল। বাপের অস্পষ্ট
স্মৃতি ছাড়া, তাহার জীবনের স্মরণীয় সেই একমাত্র ঘটনা!
হাঁসপাতালে থাকিতে কেনই যে লোকে ভয় পায়, ভর্তুও তাহার
কোন অর্থ খুজিয়া পায় না। খাসা ঘর, খাটির উপর গদি,
মাথায় দিবার তাকিয়া, সাফ কাপড়, ঘড়ির কাটার মত সনম

মাণিয়া কুটি, দাল, ভাত, সবই খাইতে পায়, নিজেহাতে রাঁধিতে ত হয়ই না, কি রাঁধিব, চাউল কোথায়, কাঠ কোথায়, সে ভাবনাও ভাবিতে হয় না। যদি ভাঙ্গা হাড় ঘোড়া না লাগিত, পায়ের যন্ত্রণা সারিয়া না যাইত, ভর্তু হয় ত মনে মনে খুসীই হইত। তবু সেখানে সব সুখ থাকিলেও একটা মস্ত দুঃখ ছিল—সেই বৃদ্ধা দাদার ভাবনা। সে বেচারী অন্ধ নিকুপায়! কে তাহাকে দুই-মুঠা চাউল সিদ্ধ করিয়া দিতেছে—কে জানে? সে চাউলও ত আবার তাহাদের ভাণ্ডারে মজুত নাষ্ট, সেও যে “সুরদাসকে দয়া কর দাতা” বলিয়া বান্ধক্যক্রীর্ণ অন্ধের হাত ধরিয়া পদে পদে বিপদসঙ্কল পথে পথে ভিক্ষা করিয়া তাহাকে সংগ্রহ করিয়া আনিতে হইবে। তাই হাঁসপাতালের শুষ্ক পথ্য সেবায় ক্রোড়চিত্ত ভর্তু সম্পূর্ণরূপে এত সুখের মধ্যেও শান্তি পাইত না। মনটি তাহার সেই চিরদিনের অসংস্কৃত অমার্জিত কুঁড়েখানির জগুই ছটফট করিতে থাকিত।

সেদিন—সেদিন সে “মেটিয়া কালিঙ্গ” হইতে বিদায় লইয়া চলিয়া আসে, সেদিন সকালবেলা কতকগুলি বাঙ্গালী খৃষ্টান মহিলা তাহাদের ওয়ার্ড পরিদর্শন করিতে গিয়াছিলেন। তাহাদের মধ্যে একজন—কি সুন্দর তিনি! আর, কি মিষ্ট তাঁর কথাগুলি! সকলের সঙ্গেই তিনি মৃদু মৃদু হাসিতে কথা বলিতেছিলেন। ভর্তু ন পানে চাহিয়া হাসিমুখে বলিয়াছিলেন, “তবিয়ে কেইসা বাচ্চা?” ভর্তু সমস্তমে জানাইয়াছিল, সে সারিয়া গিয়াছে এবং আজই সে “আম্পাতাল” হইতে “ছুটি” পাইবে। শুনিয়া হাসিমুখে তিনি

বলিয়াছিলেন—“বহুৎ খুম্ হোঞ্জে ! লেকেন্ ইয়াদ রাগ্না লেডকে.
বদ্মাসী দিল্দাগী বিলকুল ছোড় দেনা। ইমান্কে সর্বসে বড়
সম্বানা— তব্ না আম্নী আদমী বন্ বাওগে।”

ভর্তু মাথা নীচু করিয়া কেবল একটুখানি হাসিয়াছিল। কথার
উত্তর না দিলেও, কথাগুলি যে তাহার প্রাণের ভিতর পৌঁছিয়াছে,
সে তাহার সক্রতজ্ঞ সজল দৃষ্টিতেই ব্যক্ত হইতেছিল।

নারীদল চলিয়া গেলেও ভর্তু ব্যাকুল-চোখে সেই দিকে চাহিয়া
রহিল। মনের ভিতরটা কি এক অস্পষ্ট অবাঞ্ছিত স্মরণ বাখায়
যেন পীড়িত হইয়া উঠিতেছিল। মনে হইতেছিল, সেই মিশ্র গাধিনী
প্রিয়দর্শনা নারীর পায়ের তলায় পড়িয়া যে একদান প্রাণ ভরিয়া
খুব খানিকটা কাঁদিয়া লয়। একদান চীৎকার করিয়া বলে—
এমন মিশ্র কথা কেহ কখনও তাহার সহিত কহে নাই, সে আজ
ধন্য হইয়াছে। কিন্তু চিরভ্যস্ত সংস্রাচ নীন বালকের মনের
উচ্ছ্বাস বাক্ত করিতে দিল না। গদীর ভিতরী সে, “হট না ও”
“সরিয়া দাঁড়া” তাহার প্রাণা,—হাত বাড়াইয়া চাঁদ ধবিবার
বাতুলতার মত রাজরাজেশ্বরী মূর্তিকে স্পর্শ করিবার সাহস সে
কেমন করিয়া করিবে? পিপাসার্ত্ত বাক্তি এক গাণ্ডু ম জল পানে
তৃপ্ত না হইয়া যেমন দ্বিগুণ পিপাসায় কাতর হয়, ভর্তুর চিরদিনের
:স্নেহবঞ্চিত পিপাসী চিত্ত এই বিন্দুমাত্র স্নেহের স্বাদ অনুভবে
তেমনি অতৃপ্ত স্নেহতৃণায় ব্যাকুল হইয়া উঠিতেছিল।

হাসপাতালের বাহিরে আবার সেই অবাধ বাত্মা! সকাল

হইতে সন্ধ্যা পর্য্যন্ত পথে পথে ঘুরিয়া ভিক্ষাশেষণ, বুড়া দাদা বাতের
 ব্যথায় আর পথ চলিতে পারে না। অন্ধকে তাহারা দয়া করিতেন,
 বালককে তাহারা দয়া করিয়া ভিক্ষা দিতে চাহেন না। তাহার
 কারণ যে, দাতার মনে দয়ার অভাব তাহা নহে। ভেজালের
 বাজারে আসল নকল চিনিতে পাছে ভুল করিয়া ঠকিয়া যান, সেই
 ভয়ই বোধ করি বেশী ; পুরাণ বন্ধু কিষণ আশ্বাস দিয়া কহিল—
 “ভয় কি, ছুটা পেট বইত নয়, পথ থেকেই কুড়িয়ে বাড়িয়ে
 চালিয়ে নিবি। আমার সঙ্গে কায়ে লাগু, দেখবি কোন ছুঃখ
 থাকবে না। বুদ্ধি থাকলে আবার রোজগারের ভাবনা—হঁ !”

উপাজ্জনের তালিকা শুনিয়া ভর্তু নিরাশ হইল। চুরি—ছিঃ !
 চুরি সে করিবে না। কিষণ তাড়া দিয়া কহিল—“ওঃ কি আমার
 যুধিষ্ঠির রে! রাস্তায় পড়ে থাকলে কুড়িয়ে নিতে যদি দোষ না
 থাকে, তুলে নিলেই কি এমন মহাভারত অশুদ্ধ হ'য়ে যাবে শুনি ?
 কাঁচি দিয়ে কুচ ক'রে পকেটটি কেটে নিলাম, ভিড়ের ভেতর অণু-
 মনস্ক পেলে, হ'লগে পকেটথেকে আস্তে আস্তে ঘড়িটা, মনিব্যাগটা,
 হ'লগে রুমালখানা কি চশমাখানা তুলে নিলাম। এট বই ত না !
 মেহনৎও বেশী নেই, পেটও অনায়াসে ভর্বে।” ভর্তু কিন্তু বন্ধুর
 এ অমূল্য উপদেশ ও অনোধ প্রলাভন জয় করিল। না, সে চোর
 গাটকাটা হইবে না। তাহাতে না খাইয়া যদি তাহাকে মরিয়া
 যাইতে হয়, সোভি আচ্ছা। তাহার মন বলিতেছিল, আবার সেই
 সুন্দরী দয়াবতী বাঙ্গালী মেমের সহিত দেখা হইবে। তখন মুখ

তুলিয়া উচু মাথায় দাঁড়াইয়া সে বলিতে পারিবে—তাহার কথা রাগিয়াছে, পেটেয় দায়ে সে চুরী করে নাই ; সে সংপথে থাকিয়া মানুষ হইবার চেষ্টা করিয়াছে।

কিছুদিন অন্ধাশন অনশনে থাকিয়া, ভিক্ষালব্ধ পয়সার কিছু জুড়াইয়া, অনেক চেষ্টায় সে আজ দুই বৎসর এই সংবাদপত্র বিক্রয়ের বাজিট জোগাড় করিয়াছে। চেষ্টা রাগিলে হয়ত ইহার চেয়ে ভাল কাজও কিছু জুটিতে পারিত। কিন্তু তাহার বিশ্বাস, আবার তাঁহাকে সে দেখিতে পাইবে আব, তাঁহার দেখা পাউনার সব চেয়ে সহজ উপায় তাহার পক্ষে এষ্টটাই। তিনি কোথায় থাকেন ভর্তু জানে না, সুধু শুনিয়াছিল, সোদন সঙ্গিনীকে তিনি বলিতেছিলেন, “হারিসন রোডের টামে ওঠাই আমার স্থানিকা।” সেদিনকার তাহার সেই কথাগুলি ভর্তুর এখন অপমাণা হইয়া দাঁড়াইয়াছে। সকাল সন্ধ্যা রাত্রি, প্রয়োজন অপ্রয়োজনেও সে এই পথের ধারে দাঁড়াইয়া থাকে। যখন কাগজ বিক্রীর সময় নয়, তখনও সে অকারণে পথের ধারে ঘুরিয়া বেড়ায়। সময়ভাবে কতদিন স্নান হয় না, আহার হয় না! রাত্রে ঘুমাইয়াও সে শান্তি পায় না, দুঃস্বপ্ন দেখিয়া জাগিয়া উঠে।

কিন্তু সেদিন দীর্ঘকালের প্রতীক্ষার পর তাহার নিরাশা-ক্ষুব্ধ চিত্ত সহসা বিদ্রোহী হইয়া উঠিল। সে আর পারে না। এমন করিয়া দিনের পর দিন প্রতীক্ষা করিয়া থাকা—এ যে আর সহ হয় না। নিরাশার অন্ধকার যতই জমাট বাধিয়া উঠে, বক্ষঃপঙ্কর ততই বেদনায় টন্টন্ করিতে থাকে। সকালবেলাকার লবণ-সংযুক্ত পাস্তাভাত কুটি এত দুঃখের মধ্যেও কেমন করিয়া যে কখন স্নান হইয়া গিয়াছে, তাহা সে জানিতেও পারে নাই। এই লক্ষী-

ছাড়া পেট যদি না থাকিত, সে এই কাগজ বিক্রীর দায় এড়াইয়া নিজের কুঁড়ে-ঘরের দরজা বন্ধ করিয়া মেজের উপর চুপ করিয়া পড়িয়া থাকিত। সেখানে সে চীৎকার করিয়া কাঁড়ক, মাটিতে মাথা কুটিয়া রক্ত বহাক, যা খুসী করুক—কেহ কিছু বলিবে না, কোন গবর লইবে না। তাহার অন্ধ সঙ্গী দাদাটিকেও সে আজ দুইদিন জন্মের মত বিদায় দিয়াছে। পোড়া পেটের ভাবনা না থাকিলে আজ সে মুক্ত—সম্পূর্ণরূপেই মুক্ত।

“পিঙ্গলে,—বাবু”—ভর্তু, তাহার অভ্যস্ত বুলি মুখে উচ্চারণ করিলেও মনে মনে বলিতেছিল—“এই শেষ! তিনি আসেন আজ ভাল না আসেন আমার কাগজ বিক্রীর আজ পিণ্ডদান।”

ভর্তুর মন চিন্তাসাগরের অভলে তলাইয়া গেলেও, দৃষ্টি তাহার পথবাহীদের প্রতি নিবন্ধ ছিল। কত রকমের কত লোক পথ ধর্যা আসিতেছে যাইতেছে। ঐ একজন কলেজের ছেলে, বোধ হয় বই পড়িতে পড়িতেই পথ চলিতেছে। এখনি যে মোটর বা গাড়ীর তলায় দুখানা হবেন, সে হুঁস্ নাই। ভর্তু অগ্রসর হইয়া তাহাকে সচেতন করিয়া দিবার জ্ঞা কহিল—“পিঙ্গলে”। ছেলেটি তাহার পানে না চাহিয়াই মাথা নাড়িয়া জানাইল, অনাবশ্যক। তা হউক, ভর্তুর কার্য-নিবন্ধ হইয়াছে ত। ছেলেটি বই মুড়িয়া পথের পানে চাহিয়া চলিতেছে, সেই ঢের।

দুটি ছেলের হাত ধরিয়া একজন ঝি আসিতেছিল। পাছে ছেলে দুটি কাদা জল মাখে, তাই তাহাদের দুখানা হাত ধরিয়া শূণ্ণে ঝুলাইয়া ফুটপাথের উপর তুলিবার হ্যাচকানিতে ছেলে দুটি চীৎকার করিতেছিল। ভর্তু ব্যর্থরোধে ঝয়ের পানে চাহিয়া দেখিল, প্রতিবাদের সাহস হইল না। ঐ একজন স্ত্রীলোক

আসিতেছেন না? ঘুরাইয়া শাড়ী-পরা, পায়ে জুতা-হাতে ছাতি—
তিনিই কি? তেমনই সুন্দর মুখ, তেমনই চলবার ধরণ—ঐ যে
দা-হাতে ঘড়ী-পরা, নিশ্চয়ই তিনি—আর কেউ নন। “জয়
হনুমানজি!” ভর্তুর এতদিনের সখিনা, এত দুঃখ পাওয়া, তবে
সার্থক হইয়াছে। সে তবে সত্যই আজ মাথা তুলিয়া উহার পানে
চাহিয়া বলিতে পারিবে, বড় দুঃখে পড়িয়াও সে অগ্রায় কষ্ম করে
নাই, না খাইয়া থাকিয়াছে, সব চুরি করে নাই। জয় কালীমাজি!

রেশমী শাড়ীর প্রান্তদেশ বামহস্তে ধরিয়া, কাদায় জুতা
খাচাইয়া মহিলাটি বখেষ্ট সমুপনে পথ চলিতেছিলেন। দৃষ্টি তাহার
ট্রামের পথের উপর। ভর্তু আনন্দে হাতের কাগজগুলির কথা
পর্যন্ত ভুলিয়া গিয়া, সেগুলি মাটিতে ফেলিয়া রাখিয়াই তাহার
কাছে ছুটিয়া গেল। “আমি—আমি—সেই যে দেখেছিলেন
আমাকে” আনন্দের আতিশয্যে তাহার রুদ্ধকণ্ঠে আর স্বর বাহির
হইল না।

রমণী একবারে ঘোর অবজ্ঞাভরে তাহার পানে চাহিয়া মুখ
ফিরাইলেন। হাতের ঘড়ির দিকে চাহিয়া ব্যস্তভাবে পুনরায়
ট্রামের রাস্তার দিকে দৃষ্টি প্রেরণ করিলেন। ভর্তুকে তখনও
স্থিরভাবে কাছে দাঁড়াইয়া থাকিতে দেখিয়া তাচ্ছিল্যভরে কহি-
লেন—“ইউ ভাগো ভাগো হিঁয়ামে।”

“শুনেন মা, আমি ভিকারি নই, এই দেখেন না আমার কাগজ
পড়ে রয়েছে—আমি—আমি—সেই ছোট ছেলে হাঁসপাতালে—”

রমণী তীব্রস্বরে বাধা দিয়া কহিলেন—“বস্—বস্ কর, চলা
বাও আবি। পয়সা নেহি মিলেগা।”

শব্দ করিয়া ট্রাম আসিয়া পড়িল। রমণী দ্রুতপদে ফাষ্ট ক্লাসে

উঠিয়া বস্ত্রাদি সাবধানে যথাবিহিত করিয়া আসন গ্রহণ করিলেন । ছাতাটি মুড়িয়া পাশে রাখিয়া কুমাল বাহির করিয়া মুখ মুছিতে মুছিতে হাওয়া খাইতে লাগিলেন । ঘণ্টা দিয়া ট্রাম চলিতে শুরু করিল । ভর্তু স্তম্ভিত অভিভূতভাবে অর্থহীন দৃষ্টিতে সেই দিকে চাহিয়া দাঁড়াইয়া রহিল ।

বৃষ্টিগারার সহিত মাথার উপর কাহার শীতল করস্পর্শে সচকিত হুঁইয়া সে মুখ ফিরাইল । পাড়ার নিষ্কর্মা কনসার্টপাটি দলের সভ্য নিতাই, গঙ্গাস্নান সারিয়া ভিঙ্গা কাপড় পরিয়াই বাড়ী ফিরিতেছিল । হাতে গামছায় কতকগুলি পূজোপকরণ । নিতাই সেই স্নেহ কোমলস্বরে কহিল—“ভর্তু, যে এমন ক’রে দাঁড়িয়ে কেন রে? মুখখানা শুকিয়ে একেবারে আমসি হয়ে গেছে যে—খাস্নি বুঝি কিছু? আজ জন্মাষ্টমির পূজো হ’চ্ছে বাড়ীতে, ঠাকুরের প্রসাদ পাবি, চল । খাবিনি বই কি, তোর ঘাড় খাবে—চল । কাগজগুলো ফেলে দিয়েছিলি কেন রে? দেখ ত, জলে কাদায় একবারে মাটা হ’য়ে গেছে । এই যে আমি কুড়িয়ে এনেচি । নে ধর—আর আমার সঙ্গে আয় ।”

মেঘে যিনি বজ্র বিদ্যাতের সৃষ্টি করিয়াছেন, তিনিই তাহাকে শীতল জলধারাও দিয়াছেন । শূন্যকে পূর্ণ করাই যে তাঁহার কাজ ।

তাঁটি আন -সংস্করণ গ্রন্থমালা

মূল্যবান সংস্করণের মতই —

কাগজ, ছাপা, বাঁধাই—সর্বোৎকৃষ্ট।

প্রতি পুস্তক ভিঃ পিঃ ডাকেরে ৮/০ লাগিবে। একত্রে ১০ দশখানি পুস্তক লইলে, ডাকনাম লাগি না। মোট ৫০/০ ও ভিঃ পিঃ ফি ৮/০ পড়ে।

- ১। অভাগী (৭ম সংস্করণ)—রায় শ্রীজগদধর সেন বাহাদুর।
- ২। ধর্মপাল (৩য় সং) শ্রীরাখালদাস বন্দ্যোপাধ্যায়, এম-এ
- ৩। পল্লীলম্বাজ (৯ম সং)—শ্রীশরৎচন্দ্র চট্টোপাধ্যায়
- ৪। কাঞ্চনমালা (২য় সং)—শ্রীহরপ্রসাদ শাস্ত্রী, এম-এ
- ৫। বিবাহ-বিপ্লব (২য় সং)—শ্রীকেশবচন্দ্র গুপ্ত, এম-এ, বি-এল
- ৬। চিত্রালী (২য় সং)—শ্রীসুদীন্দ্রনাথ ঠাকুর
- ৭। দূর্বাদল (২য় সং)—শ্রীযতীন্দ্রমোহন সেনগুপ্ত
- ৮। শাস্ত্র-লেখিকারী (২য় সং)—শ্রীরাধাকান্ত মুখোপাধ্যায় এম-এ
- ৯। বড়বাড়ী (৯ম সং)—রায় শ্রীজগদধর সেন বাহাদুর
- ১০। অরক্ষণীয় (৭ম সং)—শ্রীশরৎচন্দ্র চট্টোপাধ্যায়
- ১১। ময়ূখ (২য় সং)—শ্রীরাখালদাস বন্দ্যোপাধ্যায়, এম-এ
- ১২। সত্য ও মিথ্যা (৩য় সং)—শ্রীবিপিনচন্দ্র পাল
- ১৩। রূপের বালাই (২য় সং)—শ্রীহরিসাধন মুখোপাধ্যায়
- ১৪। সোণার পদ্ম (২য় সং)—শ্রীসরোজরঞ্জন বন্দ্যোপাধ্যায়
- ১৫। লাইকা (২য় সং)—শ্রীমতী হেমলিনী দেবী
- ১৬। আলেয়া (২য় সং)—শ্রীমতী নিকুপমা দেবী
- ১৭। বেগম সমরু (২য় সং)—শ্রীব্রজেন্দ্রনাথ বন্দ্যোপাধ্যায়
- ১৮। নকল পাঞ্জাবী (৪র্থ সং)—শ্রীউপেন্দ্রনাথ দত্ত

- ১৯। বিষদল—শ্রীযতীন্দ্রমোহন সেনগুপ্ত
- ২০। হালদার বাড়ী (২য় সং)—শ্রীমুনিন্দ্রপ্রসাদ সর্বাধিকারী
- ২১। মধুপর্ক (২য় সং)—শ্রীভোগেন্দ্রকুমার রায়
- ২২। লীলার স্বপ্ন—শ্রীমনোমোহন রায়, বি-এ
- ২৩। সুখের ঘর (৪র্থ সং)—শ্রীকালীপ্রসন্ন দাসগুপ্ত, এম-এ
- ২৪। মধুমল্লী—শ্রীমতী অনুরূপা দেবী
- ২৫। রসির ডায়েরী - শ্রীমতী কাঞ্চনবালা দেবী
- ২৬। ফুলের তোড়া—শ্রীমতী ইন্দিরা দেবী
- ২৭। ফরাসী বিপ্লবের ইতিহাস—শ্রীসুরেন্দ্র নাথ ঘোষ
- ২৮। সৌমভিনী—শ্রীদেবেন্দ্র নাথ বসু
- ২৯। নব্য-বিজ্ঞান—অধ্যাপক চারুচন্দ্র ভট্টাচার্য্য, এম-এ
- ৩০। নববর্ষের স্বপ্ন—শ্রীমতী সরলা দেবী
- ৩১। নীলমাণিক (২য় সং)—রায় বাহাদুর শ্রীদীনেশচন্দ্র সেন ডি-লিট
- ৩২। হিসাবনিকাশ—শ্রীকেশবচন্দ্র গুপ্ত, এম-এ, বি-এল
- ৩৩। মায়ের প্রসাদ (২য় সং)—শ্রীবীরেন্দ্রনাথ ঘোষ
- ৩৪। ইংরেজী কাব্যকথা—শ্রীআশুতোষ চট্টোপাধ্যায়, এম-এ
- ৩৫। জলছবি—শ্রীমণিলাল গঙ্গোপাধ্যায়
- ৩৬। শয়তানের দান—শ্রীহরিসাধন মুখোপাধ্যায়
- ৩৭। ব্রাহ্মণ পরিবার (২য় সং)—শ্রীরামকৃষ্ণ ভট্টাচার্য্য
- ৩৮। পথে বিপথে—শ্রীঅবনাশ্র নাথ ঠাকুর, সি-আই-ই
- ৩৯। হরিশ ভাগুরী (৪র্থ সং)—রায় শ্রীজ্ঞানধর সেন বাগাডর
- ৪০। কোন্ পথে—শ্রীকালীপ্রসন্ন দাসগুপ্ত, এম-এ
- ৪১। পরিণাম—শ্রীগুরুদাস সরকার, এম-এ
- ৪২। পল্লীরানী—শ্রীধোগেন্দ্রনাথ গুপ্ত
- ৪৩। বানী—৩ অনিতাকৃষ্ণ বসু

- ৪৪। অমিয় উৎস—শ্রীযোগেন্দ্রকুমার চট্টোপাধ্যায়
- ৪৫। অপরিচিতা (২য় সং)—শ্রীপারানাল বন্দ্যোপাধ্যায়, বি-এ
- ৪৬। প্রত্যাবর্তন—শ্রীহেমেন্দ্রপ্রসাদ ঘোষ, বসুমতী সম্পাদক
- ৪৭। দ্বিতীয় পক্ষ—শ্রীনরেশচন্দ্র সেন গুপ্ত, এম-এ, ডি-এল
- ৪৮। ছবি (২য় সং)—শ্রীশরৎচন্দ্র চট্টোপাধ্যায়
- ৪৯। মনোরমা (২য় সং) শ্রীমতা সবীথলা বসু
- ৫০। সুরেশের শিক্ষা (২য় সং)—শ্রীবসন্তকুমার চট্টোপাধ্যায় এম-এ
- ৫১। নাচওয়ালী (২য় সং)—শ্রীউপেন্দ্রনাথ ঘোষ এম-এ
- ৫২। প্রেমের কথা—শ্রীললিতকুমার বন্দ্যোপাধ্যায়, এম-এ
- ৫৩। গৃহহারা—শ্রীবিভূতিভূষণ বন্দ্যোপাধ্যায়
- ৫৪। দেওয়ানজী (২য় সং)—রামকৃষ্ণ ভট্টাচার্য্য
- ৫৫। কাজালের ঠাকুর (২য় সং)—রায় শ্রীজগদ্র সেন বাসুদেব
- ৫৬। গৃহদেবী (২য় সং)—শ্রীবিজয়রত্ন মজুমদার
- ৫৭। হৈমবতী—চন্দ্রশেখর কর
- ৫৮। বোঝা পড়া—শ্রীনবেন্দ্র দেব
- ৫৯। বৈজ্ঞানিকের বিকৃত বুদ্ধি—শ্রীসুরেন্দ্রনাথ রায়
- ৬০। হারাণ ধন—শ্রীনসীরাম দেবশর্মা
- ৬১। গৃহ-কল্যাণী—(২য় সং) শ্রীপ্রকুলকুমার মণ্ডল
- ৬২। সুরের হাওয়া—প্রফুল্লচন্দ্র বসু, বি-এম-সি
- ৬৩। প্রতিভা—শ্রীবরদাকান্ত সেন গুপ্ত
- ৬৪। আত্রয়েী—শ্রীজ্ঞানেন্দ্রশর্মা গুপ্ত, বি-এল
- ৬৫। লেডী ডাক্তার (২য় সং)—শ্রীকালিপ্রসন্ন দাস গুপ্ত, এম-এ
- ৬৬। পাখীর কথা—শ্রীসুরেন্দ্রনাথ সেন, এম-এ
- ৬৭। চতুর্বেদ (সচিত্র)—শ্রীভিক্ষু সুদর্শন
- ৬৮। মাতৃহান - শ্রীমতী ইন্দিরা দেবী

- ୭୯ । **ମହାସ୍ୱେତା**—ଶ୍ରୀବୀରେନ୍ଦ୍ରନାଥ ଘୋଷ
- ୮୦ । **ଉତ୍ତରାୟଣେ ଗଙ୍ଗାସ୍ନାନ**—ଶ୍ରୀଶରଣକୁମାରୀ ଦେବୀ
- ୮୧ । **ପ୍ରତୀକ୍ଷା** - ଶ୍ରୀଚୈତନ୍ୟଚରଣ ବଡ଼ାଳ, ବି-ଏଲ
- ୮୨ । **ଜୀବନ-ସଞ୍ଜିନୀ**—ଶ୍ରୀଯୋଗେନ୍ଦ୍ରନାଥ ଗୁପ୍ତ
- ୮୩ । **ଦେଶର ଡାକ**—ଶ୍ରୀମରୋଜକୁମାରୀ ବନ୍ଦ୍ୟୋପାଧ୍ୟାୟ
- ୮୪ । **ବାଜୀକର**—ଶ୍ରୀପ୍ରେମାଙ୍କୁର ଆତର୍ଥୀ
- ୮୫ । **ସ୍ମରଣରା** ଶ୍ରୀନିଧୁଭୂଷଣ ବସୁ
- ୮୬ । **ଆକାଶ କୁସୁମ**—ଶ୍ରୀନିଧିକାନ୍ତ ସେନ
- ୮୭ । **ବରପଣ** ଶ୍ରୀସୁରେନ୍ଦ୍ରନାଥ ରାୟ
- ୮୮ । **ଆହୁତି**—ଶ୍ରୀମତୀ ସରସୌବାଳା ବସୁ
- ୮୯ । **ଅଙ୍କା** ଶ୍ରୀମତୀ ପ୍ରଭାବତୀ ଦେବୀ
- ୯୦ । **ସ୍ମରଣରା** ଶ୍ରୀଚରଣଦାମ ଘୋଷ
- ୯୧ । **ପୁଷ୍ପଦଳ**—ଶ୍ରୀସତ୍ୟନାଥମୋହନ ସେନ ଗୁପ୍ତ
- ୯୨ । **ରକ୍ତେର ଖଣ** (୨ୟ ସଂ)--ଶ୍ରୀନରେଶଚନ୍ଦ୍ର ସେନ ଗୁପ୍ତ, ଏମ-ଏ, ଡି-ଏଲ
- ୯୩ । **ଛୋଡ଼ି**—ଶ୍ରୀନିଧିସରସ୍ୱତୀ ମଜୁମଦାର
- ୯୪ । **କାଳୋ ନୌ** - ଶ୍ରୀମାଣିକ ଭଟ୍ଟାଚାର୍ଯ୍ୟ ବି-ଏ, ବି-ଟି
- ୯୫ । **ଯୋହିନୀ**—ଶ୍ରୀମନିତକୁମାର ବନ୍ଦ୍ୟୋପାଧ୍ୟାୟ ଏମ-ଏ
- ୯୬ । **ଅକାଳ କୁସ୍ମାଣ୍ଡେର କୀର୍ତ୍ତି**—ଶ୍ରୀମତୀ ଶୈଳବାଳା ଘୋଷଜ୍ଞାୟା
- ୯୭ । **ଦିଲ୍ଲୀଶ୍ୱରୀ** (ସଚିତ୍ର)—ଶ୍ରୀବିରେନ୍ଦ୍ରନାଥ ବନ୍ଦ୍ୟୋପାଧ୍ୟାୟ
- ୯୮ । **ସୁରେର ମାୟା** - ଶ୍ରୀମରୋଜକୁମାରୀ ବନ୍ଦ୍ୟୋପାଧ୍ୟାୟ
- ୯୯ । **ଆନନ୍ଦ-ସନ୍ଦିପ**—ଶ୍ରୀନରେଶଚନ୍ଦ୍ର ସେନ ଗୁପ୍ତ ଏମ-ଏ ଡି-ଏଲ
- ୧୦୦ । **ଚିରକୁମାର** —ଗଦ୍ୟାପକ ଶ୍ରୀଯୋହିନୀମୋହନ ଘୋଷାପାଧ୍ୟାୟ ଏମ-ଏ
- ୧୦୧ । **ନାଗୀର ଫାଗ**—ଶ୍ରୀବାସାପ୍ରସନ୍ନ ସେନ ଗୁପ୍ତ ଏମ-ଏ
- ୧୦୨ । **ପାଥବର ଦାମ**—ଶ୍ରୀମାଣିକ ଭଟ୍ଟାଚାର୍ଯ୍ୟ ବି-ଏ, ବି-ଟି
- ୧୦୩ । **ପ୍ରଜାପତିର ଦୌତ୍ୟ**--ଶ୍ରୀଅକ୍ଷୟକୁମାର ସେନ

- ୧୪ । **ସାଧେ-ବାଦ**—**ଶ୍ରୀବୀରେନ୍ଦ୍ରନାଥ** ଘୋଷ
- ୧୫ । **ସ୍ଵର୍ଗସୂକ୍ତି**—**ଅଧ୍ୟାପକ** **ଶ୍ରୀଯୋଗେନ୍ଦ୍ରନାଥ** ରାୟ ଏମ-ଏମ-ସି
- ୧୬ । **ୟୁସାକରି ମଞ୍ଜିଲ୍**—**ରାୟ** **ଶ୍ରୀଜ୍ଞାନଧର** ସେନ ବାହାଦୁର
- ୧୭ । **ଏହେର କାନ୍ଦ**—**ଶ୍ରୀମତୀ** **ମରମୀ** ବାଲା ବନ୍ଧୁ
- ୧୮ । **ଆୟୁଷ୍ମତୀ**—**ଶ୍ରୀମତୀ** **ପ୍ରତାପତୀ** ଦେବୀ **ମରମତୀ**
- ୧୯ । **ଗରୀବ**—**ଶ୍ରୀବିକ୍ରମଚନ୍ଦ୍ର** **ମଞ୍ଜୁମଦାର**
- ୧୦୦ । **ବାଜାଓୟାଲୀ**—**ଶ୍ରୀ** **ସୁଷମା** ସିଂହ
- ୧୦୧ । **ଅଭାଗୀ**—(ଦ୍ଵିତୀୟ ସଂ) **ରାୟ** **ଶ୍ରୀଜ୍ଞାନଧର** ସେନ ବାହାଦୁର
- ଶୁକ୍ରନାଥ** ଚଟ୍ଠୋପାଧ୍ୟାୟ ଏଓ ସଭ, ୧୦୭/୧୧୧, କର୍ମଓୟାଲିସ୍ ଟ୍ରିଟ୍, କଲିକାତା
-

